

هاروزا

«العمارة الملعوننة»

أيمن محمدحامد - هاروزا، رواية

رقم الإيداع : ٢٠١٨/٣٣٥٨ ISBN : 978-977-798-116-3

إن دار الحلم للنشر والتوزيع غير مسؤولة عن آراء المؤلف وأفكاره ، وتعبر الآراء الواردة في هذا الكتاب عن آراء المؤلف ، ولا تعبر بالضرورة عن آراء الدار .
جميع حقوق الطبع والنشر محفوظة للدار
ولا يجوز طبع أو إعادة استخدام أي جزء من العمل في أي صورة كانت
إلا بموجب موافقة خطية من الناشر .



© دار الحلم للنشر والتوزيع

عضو اتحاد الناشرين المصريين

القاهرة - جمهورية مصر العربية

Mob : 00201141824562

dar_el7elm@hotmail.com

info.darel7elm@Gmail.com

هاروزا

«العمارة الملعونة»

رواية

أمين محمد حامد



هاروزا

في حالة من البؤس والضييق الشديد أثناء جلوسه على فراشه، ينظر لآخر الغرفة ليجدها تجلس، وأمامها ثلاثة شمعات مضيئة، وهى تضع أصابعها عليها مخترقَةً نيرانها في ثبات..
إقترب من ذات الشعر الأسود والأعين الدمويه ليجدها تنظر له في هدوء

بادلها النظرات قائلاً لها في لهفه:

- « فينك من زمان، وحشتيني»

لترد عليه وقد إزدادت أعينها دمويةً، وسالت الدماء من فمها وظهرت على وجهها علامات حروق قائلةً: « رجعت في الوقت المناسب، الوقت اللى لازم كل واحد يعرف خيره من شره، الوقت اللى كنت مستنيه من زمان عشان يهد لروحي الرجوع، الوقت ده اللى لازم الحق يرجع فيه، الوقت ده اللى لازم نوقف فيه دوامة الظلم، بس ده ميمنعش إننا نشغل فيه دوامة الدم»
ليرد عليها في لهفة وعيناه ثابتتان قائلاً:

« سداد، ومستعد» !!

سمع ضحكات عاليه ، ثم أدار وجهه فلم يجد أحداً في الغرفة التى لا تُنيرها سوى الشموع والتى مازالت مُضيئه....

يدن، دفا، تشي، هاروزا..

بعد العد التصاعدي بالأرقام التشكيه، لنبدأ على بركة الله..
كان ياما كان،،

لحظةً إذا سمحتم. «كان يا ما كان»!!

تُذكرني تلك الكلمة الشهيرة بالأساطير القديمة، عندما كانت تحكيها لنا جداتنا أثناء فترة زيارتها لمنازلنا.. لقد كنا ننتظر تلك الفتره دوماً لسماع قصة «أما الغوله» أو «أبو رجل مسلوخة» وكثيراً ما كنا نعتقد نحن أنها قصص حقيقيه مخيفه، إقتنعنا بأسطوريتهها عندما كبرنا وعرفنا السبب الرئيسي لحكي تلك القصص وهى « إخافتنا وإسكاتنا» أثناء « الشقاوة» وعلى الرغم من إستمتاعنا بها كانت ما تُخيفنا كثيراً، ولكنى لا أعتقد أننا نخاف منها الآن..
لا داعى أبداً للخوض فى ذكريات الطفولة البريئه، لنظل فى فترة شقاؤنا الحالى، ونعرف ما هو سر الـ « هاروزا» ..
كان ياما كان ولا داعى للمقاطعة الآن..

فى العصور الوسطى فى إحدى دويلات أوروبا والتى تُسمى «التشيك»،
وفى إحدى كنائس الرهبنة البندكتية بالتحديد..

كان هناك إحدى رُهبان الكنائس الذى قام بأخطاء فادحة فى حق الدين والمجتمع، وأتهم بعدة خطايا تسمى لسمعة الدير والكنيسه، فأجمع الرُهبان عليه بعقاب شديد وهو الصُلب حياً حتى الموت! وهروبا من العقاب عرض عليهم عرضاً مستحياً!، عرض أن يقوم بتأليف كتاب يضع فيه كافة العلوم والمعارف فى ذلك العصر فى ليلة واحدة فقط!!، وافق الرُهبان مُدركين أن تنفيذ الوعد مستحياً، ومن هنا استعان بالشیطان عن طريق طقوس شيطانيه كان قد

تعلمها من بعض الكتب، فعقد معه صفقه يقوم الراهب بموجبها تسليم روحه للشيطان بالإضافة الى ترك مساحة من الكتاب له ليتحدث مباشرة إلى البشر، وهذا ما تم بالفعل..
وبذلك ظهرت صورة للشيطان في إحدى صفحات المخطوطة ويقال أن هناك بعض الصفحات التي أزيلت منها كانت تحتوى على تمجيداً للشيطان وبعض طقوس عبادته وبذلك أطلق على هذه المخطوطة « كتاب الشيطان» برغم أن كافة محتوياتها باستثناء صورة الشيطان والطقوس الممجده له فيه لا تمت بصلة إليه وتحدث عن علوم ومعارف مفيدة للبشرية في التاريخ والأدب وغيرها بالإضافة إلى الكتاب المقدس، وأطلق على هذه المخطوطة: « مخطوطة غيغاس» وقد كان رد فعل الرهبان هو الإنتحار بعد أمراض غريبه مرضوا بها، ليعذهم الشيطان برُعب دائم...

ليعذهم بـ « هاروزا»

لُعنَى بها: « لعنة الرب» أو « لعنة الإنتقام» باللغة التشيكية..

لنغادر « التشيك» الآن!

وعلى بعد ألف وثلاثمائة وإثنا عشر كيلو متراً، وبعد مرور قرون من الزمن، لنذهب إلى مدينة « أكس أون بروفانس» الفرنسية.
في يوم غابت فيه الشمس، ومن خلف نافذة تطل على الشارع العمومي للبلده، كان يقف قلقاً وهو ينظر الى أسفل وكأنه منتظراً لشيء ما فترةً طويلةً، وإذ بسيارة رُسم عليها صليباً أحمرأ قادمةً بسرعة الصاروخ، تقف أمام منزله، ثم خرج منها ممرضان معهما حاملاً وصعدا الى الطابق العلوي؛ حيث أشار الخادم بعدما فتح باب المنزل لهما.

فأغلق النافذة بقوة منفعلأً ومتسرعاً وعاد الى الغرفة التى إستلقي

فيها والده، بعد صراع له مع مرض خبيث مفاجئ لأكثر من أسبوع ولكن حدث ما كان يتوقعه، فقد مات والده قبل أن تأتي الإسعاف لإنقاذه، وكان من المؤسف أن تأخذه الإسعاف الى الكنيسة بدلاً من المستشفى بعدما ودعه ((چوزيف)) ابنه باكياً، فلا أحد له كان غيره هو.

في دولة أخرى أبعد كانت واقفةً تصلى وتتعبد لربها باكيةً وتناجيه وتشكو له ضعفها وقلة حيلتها، فما كانت سوى خادمة ذليلة إستعبدها أهل المنزل ولم يسمحوا لها أن تغادر حتى في أصعب الأوقات، فلمن تغادر وليس لها أحداً؟!، فلا تعرف لها أباً ولا أمماً، وأنها استيقظت لتجد نفسها في عالم من الذئاب، وكانت تتمنى كل ليلة أن تموت، فلعل موتها أفضل من هذه الحياة التعيسة التي تعيشها، فقد كانت ((سحر)) المستعبده في المنزل تعاني في حياتها مع الأسره التي إدعت أنها قامت بحمايتها من خطر الشارع، ولكنها كانت متأكدةً أن خطر الشارع أهون عليها من شر هذا المنزل والمعامله السيئة التي تتلقاها منهم والضرب والذل والإهانة التي لا يخلو منها يوم إلا وتذوقها، تمنى في كل يوم أن تستيقظ من نومها فلا تجد أصحابه فيه، إلا جث هامده..كانت في صبر واثقةً في الله بأن معه حقها، ولن يأتي به سواه

من ناحية أخرى كان الصديقان يمزحان سويًا، فيان ((خالد)) و((مجدى)) صديقان وزميلان منذ الطفولة، وقضيا طفولتهما سويًا، وكانا شغوفان بالبحث الدائم عن الأشياء المختلفة، وعبقریان في

مجال الكمبيوتر والبحث عن المعلومات، كان خالد أكثر فضولاً، فقد كان يحب معرفة أسرار الأشياء وما يحيط بها، وقد كان مجدى دوماً معه في الأشياء الظاهره، ولا يحب الخوض في الغوامض تجنباً لأي حادثه قد يتعرض لها أو مشكله لا يستطيع الخروج منها.. لذا فقد كان مخرجاً لخالد في أكثر الأوقات التي كان يقع فيها في مشكله، أو يمر فيها بأزمه، خصوصاً وأنه يمتلك مفتاح الخروج من العديد من المشاكل، وهو الذكاء..

وضع يديه على الوريقات القديمه أمام الشموع مغمضاً عينيه قائلاً في ثبات

جالان كون...جالان بيس

ليجدها أمامه تتحدث باستمرار قائلة:

غلبان، غلبان وفقد كل الناس الى حواليه..بس الوصيه لازم تتنفذ، كان واعدك بالأمانه الى مينفعش تتهمل، لو اتهملت..ربنا مش هيرضى.. ربنا مش هيرضى غير بالظلم يتكرر، وساعتها اللعنه هتزيد ومفيش نتيجه

- والإنجازات!؟

قالها مغمضاً عينيه ليجد الرد متكرراً بصوت أجش: طمنته، طمنته وقتلته: محدش بياخد في الدنيا دي غير نصيبه، محدش بياخد حق غيره، إحنا اتخلقنا علشان نموت، ومفيش أمل للحياه زياده مهما حققت من إنجازات، مهما بنيت مستقبل مُشرق، أو بنيت صرح ليك حتي.. إسمك الي بتكبره، مسيره هيتنسي، حتى إنجازاتك مهما فادت الناس، مسير غيرك هيطورها وهينسبها لإسمه! إنت ولا حاجه، إنت قطرته في بحر من البشر!!، ودلوقت..مش عاوز أكثر من

إنه يكون إنسان طبيعي وعاش في أمان

وتعالّت أصوات الصلوات الجنائزية لوداع والد جوزيف وبعد إنتهاء الجنازة عاد الى منزله بعدما ودع والده بكاءً حاراً فهو يعلم أنها المرة الأخيرة الذي يراه فيها، ويعلم أيضاً أنها المرة الأولى التي يكون فيها وحيداً بعد وفاة والدته قبله بسنة واحده، ليصبح في المنزل وحيداً جالساً بين أربعة حوائط في القيلا التي تركها له والده، زاعماً بقاؤه فيها على هذا الحال، ثم جلس على أريكة ولم يسترح من بكاؤه بعد، لينظر في الصور الأخيرة التي جمعهته بوالده قبل وفاته بأسبوع واحد فقط، مخاطباً الصورة: هتوحشني يا بابا أوي، مش عارف هعيش من غيرك إنت وماما إزاي، أنا بقيت وحيد في الدنيا دي، ثم نظر الى أعلى مخاطباً ربه: أبانا الذي في السموات، ساعدني أكمل حياتي..معدتش متحمل أعيش من غير أعز الناس ليا، اللي فقدتهم ورا بعض، وقبل أن يكمل دعاؤه مترجياً الله .. إذ بمكالمة هاتفية تزيد من حزنه ..

- ألو
 - أيوه يا سحر أخبارك إيه؟
 - الحمدلله يا ((سُمية)) أنا كويسة، وإنتي أخبارك إيه؟
 - تمام، لسا الناس اللى إنتي عندهم دول تاعينيك؟
 - أنا معدتش قادرة أكمل معاهم، بس المشكلة إني مش قادرة
 أخرج من عندهم، أنا بالنسبالهم عبده مش خدامه!!
 لم تكمل سحر الجملة الأخيرة، وإذ بصاحبة المنزل خلفها تجذب
 سماعة التلفون:

- أنا مش قتلتك يا حيوانه متمسكيش الزفت دا تاني؟
 - أنا أسفه والله يا ستي دا سمية كانت بتكلمني علشان أ...
 - عشان تهربي يا زباله؟ معدتيش قادرة تكملى معانا؟، وإنتي لو
 ليكي حد يلمك كان زمان دا بقا حالك؟، إحنا اللى بنأكلك عيش
 وكمان مش عاجبك!!؟

من هنا، جذبتها صاحبة المنزل من شعرها وضربتها ضرباً قاسياً ثم
 ألقتها في غرفة مظلمة، ظلت سحر تصرخ ولكن بلا جدوي، وكانت
 الأسرة التى تعيش فيها مكونة من زوج وزوجة وبنت صغيره، أما
 ولدهم فقد كان يعمل بإحدى الشركات الخاصه، وكانت أولادهم
 أيضا ترث داء الكبر من والديهما والمعاملة السيئة للخدمة سحر

- يعني خلاص يا چوزيف ، مفيش أى حل تانى غير إنك تنزل
 مصر؟

قالها ((هاني)) صديق چوزيف، فرد عليه چوزيف قائلاً:
 المحامي إتصل عليا النهاردة، وقلتي جميع مشروعات أبوك أفلست
 ومفيش أى ممتلكات عادت معروفه ليه في فرنسا، أنا هنزل مصر

بالقرشين اللى معايا هشتري شقه، وأتجوز وأكمل حياتي بقا في مصر.

- بس إنت ملكش أي حد في مصر، وطول عمرك عايش هنا في فرنسا

رد جوزيف وقد خيم الحزن علي وجهه:

- الرب معنا يا هاني، أنا هنزل على أي كاندرائية وأكيد هيساعدوني
إني أجيب شقة

وبذلك، قرر جوزيف العوده الى موطنه وموطن أبويه، تاركاً كل الممتلكات الكاذبه التي وُهم بأنها ملكه، تاركاً الأموال التي تيقن بأنها كانت مؤقتة، تختفي كما تختفي الأوراق في يد الساحر..
تاركاً حبيبة طفولته التي قرر بالأ يودعها آملاً في لقاؤها مجدداً

----------*

- مجدى، انت تعرف حاجه عن كتاب إسمو شمس المعارف الكبري؟

قالها خالد وهو يجلس على كرسي أمام الكمبيوتر وكأنه منشغلاً بشئ ما

- أيوه، أنا أعرف أنو أكبر كتاب سحر وشعوذه، وفيه طلاسّم خطيرة جدا

- أصل فيه واحد دلوقت عارضه للبيع على الإنترنت بسعر قليل جداً، أكيد مش عارف قيمته، وبصراحة كدا أنا عاوز أشترته

- مأنصحكش تعمل كدا، إحنا أضعف بكتير من إننا نندخل في الحجّات دي

- الفضول هيقتلني يا مجدى
- خالد، إحنا مش متدينين، وأعتقد دا هياذينا لو حاولنا نتعمق فيه

- على كل حال، ماشي إنسي الموضوع
قالها خالد بعد تفكير وكأنه اتخذ قراراً ما، ثم قام بإمساك هاتفه المحمول وكأنه يكتب رقم ليقوم بتسجيله، ولكن مجدى لم يهتم لأفعاله الأخيرة

وإذ بها تبكي بعد ليلة طويلة وصعبة، فمازالت المسكينه الآن داخل الغرفة المظلمه التى ألقته فيها ((صفاء)) صاحبة الشقه فسمع الباب يفتح.. إنه ((رفعت)) صاحب الشقه، حيث قام هو بإخراجها من الغرفة المظلمة ثم جرت مسرعة نحو باب المنزل، ولحسن حظها كان الباب مفتوحاً، نزلت بسرعة وهى تبكي على السُّلم وخلفها رفعت قائلاً: إستني يا سحر يا مجنونه هتروحي فين دلوقت، وكانت الساعة تقترب من منتصف الليل.

في الوقت ذاته، كانا يجلساً على مقاعد الإنتظار في مطار « باريس شارل ديغول» بالقرب من العاصمة الفرنسيه باريس، فقد كان لا يتبقي على ميعاد إقلاع الطائرة إلا خمسة عشر دقيقة، فودع جوزيف صديقه هانى قائلاً: خلي بالك من نفسك يا هانى، بمشيئة الرب هنشوف بعض مرة تانيه
- أوعدك يا جوزيف، الى حصل دا اختبار من ربنا، وأكيد اللحظات الصعبة دي هتعددي

- أكيد يا هاني، مع السلامه

- مع السلامة

ومرت الدقائق كأنها ثوان متلاحقة، ثم أقفلت الطائرة.

كان كلُّ من خالد ومجدي يجلسان لإستذكار محاضرات الجامعه، فهما في كلية الأثار وكانت الساعة تقترب من الثالثة فجراً، وإذ بالبواب يطرق،

فإندفعا في خضة، وتساءلا: من الطارق في هذه الليله؟!، وإنتظرا الطرقة الثانيه لكنها لم تتكرر، ثم ترددت في أذهانهم هذه الاسئلة:

كيف طُرق باب شقتهم ولم يُطرق أي باب آخر في العمارة؟!

وكيف دخل أحد وبوابة العمارة كانت مغلقةً من الأسفل؟!

ثم توصلا الى إجابة واحدة وهى أن الطارق هو صاحب العماره،

ثم قطع مجدي بصوته الصمت الذي ساد لثوان قائلاً: خلاص بكرا

نسأله الصبح ونشوف هو اللى خبط الباب ولالا.

في هذه الليله الطويله، لم تنم سحر إلا في الشوارع الباردة، أسفل

العمارات في المنطقه المخيفه ذاتها، وعندما حل الصباح وجدت

رجلاً كبيراً في السن يوقظها

- م..م..هه..أ..هه (تمتمت سحر بكلمات غير مفهومه)

- متخافيش يا بنتي أنا مش عاوز أأذيك، أنا عمك ((صلاح))،

ساكن في شقة في العمارة اللى قصادك دي لوحدي، وكنت رايح أجيب

فطار لقيتك هنا، أنا كنت عاوز أساعدك بس، خدى الفطار ده،

باين عليكي ماكلتيش من زمان

أخذت سحر الطعام شاكراً ثم ردت قائلة: أرجوك يا عم صلاح
 ساعدني أوصل لقسم الشرطة
 - خير يا بنتى؟!، فيه إيه بس؟
 وبعدها بدأت سحر تحكي قصتها، أخذها لقسم الشرطة ليقوم
 بمساعدتها مثلما طلبت.

نزل جوزيف من التاكسي الذي وصله للكاتدرائية بالإسكندرية،
 والذي إختارها ليكمل فيها بقية حياته، بعدما نصحه صديقه هاني
 بالإقامه فيها، ولأن أيضاً هذه المنطقة هى التى عاش فيها والديه
 قبل أن يغادرا لفرنسا، ثم ذهب إلى قسيس الكنيسه:

- صباح الخير يا أبونا

قالها جوزيف متوجها نحو مقعد القسيس

- صباح النور يا إبنى

- أنا كنت عايش فى فرنس.....

قاطعته القسيس قائلاً:

- الأول بس عرفني بإسمك، وبنفسك؟

- أنا جوزيف ميخائيل، مصرى الجنسية، عندى ثلاثين سنه، كنت

مقيم فى فرنسا، ولمشاكل كتيره كنت مُجبر إنى أنزل مصر، أهم

المشاكل دي موت أبويا، قبلها بسنه كانت أمى متوفيه

- ربنا يرحمهم يا جوزيف

- يارب يا أبونا، أنا مليش أي إخوات، ولا أعرفلى أي حد هنا،

فمليش غير الكنيسه هى بس تساعدنى ومعايا الفلوس وكل حاجه..

أنا عاوز الشقة بس وهدف الإيجار بتاعى وأشتغل

- إنت هتقعد معايا هنا يا جوزيف لحد مالأقيلك شقة وشغل،

وأوعدك إني هساعدك
- شكراً، شكراً جداً يا أبونا

ترررن ترررن، ترررن ترررن « الهاتف يرن »

- ألو

- أيوه، أستاذ عبدالرحمن معايا؟

- أيوه أنا، مين معايا؟

- حضرتك أنا خالد، شفت إعلان ليك على الإنترنت إنك عاوز تبيع

كتاب إسمه شمس المعارف الكبرى

- أيوه صح، إنت عاوز تشتريه؟

- أيوه ياريت، أنا عاوز أقابلك وأخده في أقرب وقت ممكن،

والفلوس جاهزه

- تمام، لو حابب نتقابل دلوقت أنا معنديش مانع

- طيب ممكن العنوان؟

- (١٢ شارع.....)

- أوك، إنت طلعت قريب منى جداً، مسافة السكة هكون عندك،

وإحنا مع بعض على تواصل أهه

- أوك خد وقتك وأنا هسيب تلفوني مفتوح

دخلت سحر مكتب أمين الشرطه لتشتكي من رفعت وأسرتة، ولتقوم

أيضاً بكتابة محضراً ضدهم بتهمة الاعتداء والضرب وأيضاً لتشتكي

مما رأته منهم طوال هذه الفترة الصعبة وكانت تبكي بكاءً شديداً

- إهدى يا بنتى بس وفهميني إيه اللى حصل!؟

قالها أمين الشرطة في هدوء، فردت سحر قائلةً:

- يا باشا أنا إتولدت يتيمة ومليش ولا أعرف أى حد، صحيت لقيت نفسي في ملجأ وصاحبة الملجأ دى كانت بتعاملنا أسوء معامله، رمتني في الشارع وأنا عندي عشر سنين أبيح مناديل، لحد مبدأت أدور على أى شغل تانى مرتاح غير رميتي في الشوارع، إشتغلت خدامه في بيوت الخلق، لحد مرحت لبيت واحد إسمه رفعت وهو شغال محامى كبير، مراته ظلمتني وكانت بتضربني وبتحبسني وكانت بتعاملني أقسي معامله وكنت بكلم سميه صحبتي اللى كانت معايا في الملجأ شدت مني التلفون وحبستني في أوضه ضلمه عندهم، لحد مكنت هموت من الجوع، لولا عم صلاح ربنا يحفظه هو اللى إدانى أكل الصبح بعد منمت في الشارع ولولاه كنت هموت

- خلاص يا بنتي، أنا هعملك محضر وبإذن الله حقك هيجيلك وزيادة..اتفضلي اقعدي هنا على الكرسى اللى قدامك ده لحد منعملهم إستدعاء

- كده تمام، بس أنا هقلك على حاجه مهمه

قالها عبدالرحمن بائع كتاب شمس المعارف، ثم رد خالد قائلاً:

- اتفضل

- أنا بحذرك، الكتاب ده خطير جداً وأى حد مبيستخدموش بحذر هتحصله مشاكل كتيره.

- زى إيه مثلاً؟

- الله أعلم، أنا مفتحتهوش، هو كان في مكتبة أبويا الله يرحمه

وأنا لقيت عليه طلبات كثيره على النت، فعرضته للبيع، وأنا
 دلوقتي مش مسؤول عنه تماماً
 - أوعدك هستخدمه صح، شكرا أستاذ عبدالرحمن
 - العفو، مع السلامه ولو إحتجت أى حاجه كلمنى، إحنا من
 النهاردة صحاب

تررن تررن تررن * جرس الباب يدق *
 -أكيد دي الزفتة سحر، إفتحي الباب يا نهى
 قالها رفعت لإبنته الصغيرة نهى
 - حاضر يا بابا
 ردت بها نهى فى طاعة، وأسرعت لتفتح الباب، وعندما فتحته
 وجدت شخصاً غريباً لم تره قبل ذلك، قائلاً لها:
 - أستاذ رفعت موجود؟
 - أيوه، حضرتك مين؟
 ثم توجه رفعت نحو الباب قائلاً: أيوه يافندم، أوْمرنى؟!
 - أستاذ رفعت، جايلك إستدعاء من قسم الشرطه
 - ليه بالظبط؟، ممكن أعرف؟!!
 - حضرتك تعالا معايا هتعرف كل حاجه، بس ممكن تمضى هنا؟
 - حاضر، ثوانى هغير هدومي بس وأجى معاك
 ثم توجه رفعت نحو الداخل
 - رفعت فيه إيه؟
 قالتها صفاء زوجة رفعت، ليرد رفعت فى غضب:
 - مش عارف! جايلى إستدعاء من قسم الشرطه
 - إستنا، أنا مش هسيبك لوحدك

- لا مش لازم، خليكى إنتى هنا وأكيد مش هتأخر

- لا مينفعش أسيبك

- طب إجهزى بسرعة يلا

وقف خالد خلف كرسي كان يجلس عليه مجدى وهو متردداً

ذهاباً وإياباً وكان يبدو عليه علامات التردد والحيرة، بينما كانت

تبدو على مجدى علامات الغضب

- خالد، متقعد فى حته بقا خيلتني

قالها مجدى غاضباً، ليرد خالد:

- مهو أنا بصراحه عاوز أقولك على حاجه ومش عارف إنت

هتعمل إيه

ضحك مجدى ساخرا وأتبع ضحكته قائلاً:

شكلك لسا خايف من اللى خبط الباب إمبراح، أنا سألت عمك

((تامر)) صاحب العمارة، قال إنه كان رايح يصلي الفجر وخبط

مره واحده علينا علشان لو حد عاوز يروح يصلي بس محدش

رد عليه أصلاً

- لا ياعم، الموضوع مش كده خالص

- خير يابني فيه إيه؟! قلقتني

قالها مجدى وهو يدير وجهه لخالد

- بص يا مجدى، أنا إشتريت كتاب ...

قاطعه مجدى قائلاً: كتاب تاريخ العصر الأموى اللى لسا منزلش!،

الحمدلله ياخي، إحنا كنا هنشيل الماده

- لا يا مجدى، أموى إيه بس!!

- أمال كتاب إيه؟!!

- كتاب شمس المعارف الكبرى

- ألو، أيوه يا هاني، سامعني!؟

- أيوه يا جوزيف أنا معاك، أخبارك إيه

- الحمدلله، أنا دلوقتى نزلت الكاتدرائية وقاعد فيها لحد مالقيسى

يلاقيلى شقه

- يعني إنت تمام دلوقت ومبسوط؟

- أيوه، كمان لقيت شغل وبرسم فى الكاتدرائية

وكان جوزيف قد تخرج فى كلية الفنون الجميلة من فرنسا.

- سحر حبيبتي مالك؟ كده برضه ينفج اللى عملتيه ده؟!

قالتها صفاء وهى تدخل مكتب أمين الشرطه ومعها زوجها رفعت

- خلاص يا صفاء، ملوش لزوم الكلام ده دلوقتى، أهم حاجه أنا

كنت عاوز ألكم سحر على إنفراد، وأعتذرلها عن سوء الفهم اللى

حصل بيننا

قالتها رفعت ثم أكمل حديثه قائلاً:

- لو سمحت يا باشا، أنا عاوز ألكم سحر على إنفراد

- أكيد يا أستاذ رفعت، خد وقتك

ثم غادر كلاً من صفاء و أمين الشرطه غرفة المكتب، وتحولت

علامات الهدوء التى كانت على وجه رفعت الى علامات قسوة

وغضب قائلاً: إنتي إتجننتي يابت؟، أنا رفعت عبد المجيد من

أكبر المحاميين فى مصر يتعمل فى كده؟!

- والله يا سيدي م.م.م..

تمت كعادتها بكلمات غير مفهومة، ليرد قائلاً
- إتنازلى عن المحضر أحسنك، وقوليلهم إنك قبلتى إعتذارى،
وإلا نكمل ونفتح قضيه، ساعتها بقا وبخبرتي هطلع منها وألبسك
إعدام، مفهوم؟

- حاضر والله يا سيدي، أنا أسفه، بس أرجوك متأذينيش ولا
تعدمني

- هاهاها خلاص ياسحر، أوعدك إن من النهارده هعاملك زى ولادى
ويمكن أحسن كمان
قالها وملامحه تتغير مبتسماً عند دخول أمين الشرطه تتبعه صفاء،
بعد تهديد طويل متوعداً به سحر

- يا نهار إسودا، إنت مجنون، وأنا عارف إن نهايتنا هتبقا بسببك
إنت...

قالها مجدى منفعلاً فرد خالد قائلاً:

- يا مجدى إهدى بس وإسمعى

رد بها خالد على إنفعال مجدى، فازداد إنفعال مجدى قائلاً:

- يا خالد، إنت مجنون وفضولك دا هيودينا فى ثلاثين ألف داهيه

- إهدى يا مجدى، إفهم بس متتعصبش

- بينى إنت جايلنا سحر فى الشقه ومش عاوزنى أتعصب، يا
سنينك السودا!!!

- بينى الموضوع مش خطر زى ما تتخيل

- خالد، أنا مش هقعد معاك تانى، أنا هكلم عمك تامر وأطلع فى

الشقه اللى فوق الفاضيه وأسيبك دي خاالص، حضر فيها عفاريت

بقا، واتجنن براحتك لوحك

- يا مجدى صدقنى الكتاب دا هيفيدني وهيفيدك كتيبير جداً،
متتسرعش في الحكم بس ياعم
- خالد، إنت مش ف.....
- شششششش، خلاص يا مجدى بقا نجرب بس
* _ _ _ _ * _ _ _ _ *

- جوزيف
قالها القسيس لجوزيف منادياً
- أيوه يا أبونا
- أنا لاقيتلك شقه إنما إيه، هتعجبك أوي
- بجد، شكراً يا أبونا
- أه طبعاً بجد، أنا ليا صاحب مسلم محترم جداً إسمه تامر،
هسكنك عنده، والإيجار مش غالى، ولو إحتجت حاجه، الكنيسة
هتكون في خدمتك دايماً
- طب بالنسبة لشغلي و أ...أ...
- إنت مبدع في رسوماتك وإحنا منستغناش عنها، بس إحنا للأسف
الحوائط اتملت أيقونات، في حالة إحتياجنا لأى رسمه هكلمك
- بجد شكراً يا أبونا، أنا مش هنسالك الجميل دا أبداً
- دا لازم عليا، إنت ابنى يا جوزيف، سلام بقا وخليك مستعد
علشان بكره هنروح نوريك شقتك الجديده
* _ _ _ _ * _ _ _ _ *

خرج مجدى من الشقة ليشتري بعض الأغراض وإذ هو على السلم
فوجئ بأسرة رفعت
- مساء الخير يا أستاذ رفعت
قالها مجدى بإبتسامه عريضه
- مساء النور، إزيك يا مجدى
- الحمدلله تمام، إنت أخبارك إيه
- إحنا تمام والله الحمدلله، مش عاوزين أى حاجه؟
- ربنا يخليك عاوزين سلامتكم

وختم بها رفعت وهو يفتح باب شقته، حتي إقتربت صفاء من
الباب منتظره فتحه مبتسمه، وهى تنظر لسحر بعدما إنتهى «
مشوار المحضر « وتم إغلاقه بعد تنازل سحر عنه، وعادت معهم
للمنزل..

ثم دخلت صفاء يليها رفعت قائلة: تعالى يا سحر يا حبيبتى
مالك؟!، فيه إيه؟
فدخلت سحر ثم أغلقت صفاء باب المنزل

عاد مجدى للشقة ثم فتح الباب ودخل على خالد الذي كان
مشغولاً بشئ ما
- خالد، إنت عرفت موضوع جارنا عمك رفعت؟
قالها مجدى مستفهماً، فرد خالد قائلاً في إنشغال:
- والله أنا سمعت طشاش كده وأنا نازل الصبح كان عمك تامر
بيقول لواحد كده تحت إن الخدامه هربت وهما كانوا بيضربوها،
أو حاجه زى كده
- أه فعلاً، هما ناس ظلمه والبت دي شايفه معاهم الذل

- أكيد، فيه حد تانى ساكن هنا؟
 - أه، هنا شبان من دورك فى كلية الأثار ومحامى وأسترته وعندك
 شقتين فاضيين اختار واحده فيهم، اللى فى الدور الأول واللى فى
 الدور الخامس بس اللى فى الدور الخامس عاوزه شوية ترميم لسا،
 إنما اللى تحت جاهزه ومفروشه
 - أنا أفضل اللى فى الدور الأول علشان مفيش أسانسير وكمان
 مفيش وقت إنى أشطب اللى فى الدور الخامس، أبونا إستحمل كتير
 - تمام، تعالى بقا أوريك شقتك، إتفضل يا أبونا
 ثم دخلوا إلي العماره..

----------*

أبوس إيدك، فكيني أبوس إيدك، والله مهكرها تانى
 قالتها سحر وهى فى حالة بكاء شديد وإنهيار فردت صفاء قائلةً:
 - بقا كدا يا كلبه يا زباله، تشحططينا وراكى فى الإقسام يا بيته!!
 ردت بها صفاء معذبةً سحر
 - لا والله، أنا أسفه يا ستى، مش هكرها تانى والله توبه، والله
 مش هعمل حاجه تانى.
 - وهو إنتى فاكرة نفسك ليكى أهل ولا حد يلماك غيرنا يا زباله
 يا بنت الحرام!
 قالتها صفاء، وبعدها دخل رفعت ليْنهى الفعل قائلاً: صفاء، كفاية
 بقا متعبيش نفسك، إرميها فى الأوضه الضلمه وخلص
 - لا أبوس إيدك يا ستى، مترميش فيها، إرحميني
 - أرحمك!!، قدامى يا كلبه، ولا أقولك، أنا اللى هوديكي بنفسى
 ثم جرتها صفاء من شعرها وألقتها فى الغرفة المظلمة والمنخفضة،
 فسقط الكثير من شعر سحر فى يد صفاء وسط صرخاتها، فما كان

من سحر إلا استسلمت لها، أو تظاهرت بالاستسلام ودخلت للغرفة

----------*

في هذا الوقت، كان كلُّ في حاله، لا يعرف أحد ما يحدث عند الآخر، فقد كان كل شخص لديه ما يكفيه، فرحاً وهمماً،

ففى الدور الأول: كان الشاب الأعزب، الذي مات والده دون أن يترك له شيئاً، ولا يعرف أحداً إلا أبويه المتوفيين.

وفي الدور الثاني: مشاكل لا تنتهى مع أسرة إستعبدت خادمةً وكأنهم إشتروها مع أنها تمتلك حرية الهروب والخروج من شقتهم، كما أنها لا تعرف نسباً لها ولا أحداً، ولا تمتلك حتى شهادة ميلاد.

وفي الدور الثالث: صديقان مُتفقان ولكنهم لم يستشرفوا مستقبلهم؛ فلكان من الممكن جعلهم مختلفان، بل ويعيشان في جحيم..

وفي الدور الرابع: كانت الأسرة التى لم نتحدث عنها بعداً، أسرة صاحب العمارة الأكثر إتفاقاً وعقلاً..

لقد كانت تلك الأسر الكاملة تارةً والناقصة هى الأخرى تعيش في جو متقلب، لا تعمه السعادة دائماً، ولا يعمه البأس دوماً، بل كان واقعهما متقلباً بدرجة كبيرة

أما في الدور الخامس: فكانت الكارثة!!!!

فهذا الدور لا يسكنه أحد، ولا يزوره تامر صاحب العمارة بالأشهر، فقد كان يسكن هذه العمارة أسرة تعيش في سعادته ويُسّر، و قبل خمسة عشر عاماً من الآن، كانت نهاية هذه الأسرة على يد حريق ضخم نُشب في الشقة، وظل السبب مجهولاً حتى الآن، إنتهى الحادث بموت الأسرة بأكملها..

فقد كانت تلك الحادثة في اليوم الخامس عشر من شهر يوليو عام الف تسعمائة وسبعة وتسعون من الميلااد، واليوم تكرر هذا

الحادث ولكن، لا أحداً في الشقة المهجوره بالدور الخامس.
اليوم هو الخامس عشر من شهر يوليو في عامنا الحالي ألفين وإثني عشر، أي الذكري الخامسة عشر لهذا الحدث، وكأنه تذكير لتامر..
ولكن تبقي الأسئلة المطروحة في الشارع وقتها، ولكن! أي نوع من الأسئلة هي؟!، فلا بشر هنا ليسأل عن سبب الحريق، وليس هناك سوى صرخات من قبل كل السُّكان في العماره المجاوره

قام خالد في منتصف الليل علي صوت صرخات عاليه وكأنها تطلب النجده، تأكد من تكرارها ليقوم هو الآخر بإيقاظ مجدى لمعرفة ما يجري في عمارتهما....

- مجدى، مجدى، يا زفت

- أمهه، أمهه....

قالها مجدى نائماً متمماً حتي ظل خالد يهز فيه ليستيقظ قائلاً:

- إصحي يا مجدى بسرعة، فيه حاجه برا

- خير يابني فيه إيه؟

قالها مجدى مستيقظاً فقال خالد في لهفه:

- فيه ناس بتصوت برا ومش عارف فيه إيه

إندفع مجدى من على السرير مرتدياً ملابسه ومعه خالد قائلاً:

يلا بسرعه، لازم نطلع برا نشوف فيه إيه

- رفعت، فيه صوت بره، إصحي بسرعه فيه حاجه

- خير يا صفاء فيه إيه؟

- دا صوت ((نوال)) مرات تامر بتصوت على آخرها

أما جوزيف في الدور الأول فبقي في مكانه دون أن يتحرك، فما كان عليه إلا فتح إحدى النوافذ ليبري ما بالخارج. وكانت الأصوات تتعالى أكثر فأكثر ولم يكن غير مجدى و خالد من نزلا أسفل العمارة من سكانها، أما رفعت فصعد لأعلى وطرق باب تامر الذي كان من الغريب أنه لم يدري بأي شئ حوله، ولم يكن يعلم بالحريق ولم يسمع الصراخ، أما الصوت الذي زُعم أنه صوت نوال زوجة تامر فلم يكن صوتها، فنوال كانت نائمة في حالة صمت وإغماء شديد، ولم تستيقظ حتي عندما أيقظها زوجها!!..

إتصل مجدى بالمطافي فوراً، وعند قدمها، خمد الحريق نهائياً بدون نقطة مياه، الأمر الذي استدعى الكثير من القلق والخوف لدي كل من يسكن بالمنطقة المقطوعة تلك..

وقبل قدوم المطافي بدقائق، دخلت صفاء الغرفة المظلمة فلم تسمع صوتاً، حيث كانت سحر آخر من وُضع فيها، ظهر ضوء خافت على الحائط وقد كُتب فوقه كتابات غير مفهومة، فتراجعت صفاء للخلف ولكن مع إرتدادها تعثرت قدميها بشئ ما فوقعت أرضاً، ورأت الدمى التي في الغرفة تتصاعد لأعلى طائراً، ثم جذبت قدميها داخل الغرفة وأغلق باب الغرفة وقتها وحده، وسط ذهول ((نهى)) إبنتها الصغيره التي لم تتجاوز العشر سنوات، وهى تصرخ وتبكي: مناديهً والدتها التي لم تكن في وعيها، في الوقت ذاته..

أطفئت كل أنوار المنطقة النائيه تلك...

----------*

وسط صمت وذهول شديد، جاء من بعد خوف وإضطراب، في وقت يقترب من الثانية صباحاً، وظلام دامس، لم يُعرف له سبب، تعالت أصوات الخوف في قلوب الكثيرين، فكانت هناك عمارة على بعد حوالي خمسة عشر متراً تجمع سُكانها عند عمارة تامر، وحاولوا فعل أي شئ، فلم تكن هناك سوي بطاريات الضوء التي يمكن أن تنير لهم بعض شئ، ولكن لم يكن بأيديهم شئ ليفعلوه.. الآن، دقت الساعة الثانية والنصف صباحاً، عندها فقط عادت الكهْرُبَاء، في حالة صمت وذهول تخيم على المكان والسبب مجهول.

----------*

صعد تامر ومعه خالد ليريا ماذا حدث في شقة الدور الخامس التي كانت مشتعلة قبل قليل، بينما مجدى ورفعت ذهابا ليطمئنا على صفاء زوجة رفعت والتي كانت ولا زالت في حالة إغماء، أما رفعت فعندما دخل شقته وجد إبنته نهى تبكي فقال منفعلاً: مالك يا نهى؟، ماما فين؟، فردت عليه باكيةً: ماما دخلت الأوضه الضلمه ومن ساعتها مطلعتش والباب قفل والكهربا قطعت عليها جري رفعت مسرعاً نحو الغرفة ثم فتحها وأضاء بكشاف فوجد زوجته مستلقيهً على الأرض

----------*

- يا أبونا المكان دا صعب جداً، دا أول يوم ليا فيه حصل حريق، أنا لو فضلت كمان يوم حاسس إن العماره كلها هتولع
قالها چوزيف في قلق، فرد عليه القسيس قائلاً:
- يابني دا المكان الوحيد اللي لقيته، صعب أصلاً تلاقي إجازات

- مناسبة، وكمان عمك تامر ده قمة الإحترام
 ثم أخذ جوزيف رشفه من فنجان الشاي الذي أمامه وأكمل قائلاً:
 - يا أبونا دا تمام، بس الحمدلله إني مختارتش الدور الخامس، كان
 زمانه ولع بيا وبقيت حتة فحمه دلوقت
 - معلش بقا يا جوزيف لازم تستحمل شويه
 - مهو أنا مقداميش حل تانى غير كدا

- أنا بقا هتجنن، إزاي وليه دا حصل؟!
 قالها خالد جالساً علي فراشه موجهماً سؤاله لمجدى الذى رد قائلاً:
 - والله أنا كمان هتجنن
 - المشكله إني طلعت أنا وعمك تامر نشوف الشقه الي كانت
 مولعة، مفيش أى أثر لأى نار فى أى حاجه، من الي كانت موجوده،
 ولا فيه أثر حريق خالص
 - خالد، إنت بتهزر؟!
 - والله مبهزر، إطلع شوف حتى
 - طب إيه السبب
 - مش هتعارض، طالما حاجه هتعرفنا السبب؟!
 ثم ذهب خالد نحو مكتبه وفتح إحدى الأدراج ثم إستخرج منه
 كتاباً وقال لمجدى: هو دا الحل يا مجدى، أنا أعرف إن فيه السبب
 لكل حاجه

- سحر، إنتي لازم ترجعى بقا متبقيش متخلفه
 - أرجع فين يا سميه هو أنا إتهيلت ولا إيه؟!!

- لا متبهلتيش ولا حاجه، بالعكس إنتى لو عملتى كده هعتبرك ذكيه جداً، لإني وريتك إزاي لو حيننا ننتقم هنتقم
- يا سميه برضه.....
- برضه إيه؟!، الحجات اللى إدتها لك دي حطيها تحت المخده بتاعتهم اللى بينامو عليها، أول حاجه لما تروحي تعمليها، وخدى التلفون دا خليه معاك، هكلمك عليه علطول، وإوعى صفاء تسمع خبر عن إن معاكى تلفون
- بس يا سميه أنا خايفه
- سحر، من إمتا وإحنا بنخاف؟!، إحنا ياما شقينا وتعبنا، وكان ربنا واقف معنا علشان عارف إننا مظلومين.. يلا توكلى على الله

----------*

- أنا فين، أنا فين؟
- قالتها صفاء متممةً، ذهب رفعت نحوها بعدما كان جالساً علي كرسي بجوارها قائلاً:
- صفاء حبيبتى، حمدالله على سلامتك
- أنا فين يا رفعت؟
- إنتى هنا فى المستشفى، الحمدلله إنك بقيتى....
- قاطعتة صفاء قائلةً:
- مستشفى إيه؟!، أنا مالى؟!!
- إنتى كان عندك غيبوبه شديده جداً، وكان مغمى عليكى، و مفوقتيش غير لما جيتى هنا
- غيبوبه إيه؟!، إيه اللى حصل؟!!
- قطع هذا الحوار صوت الطيب وهو يدخل حجرة صفاء قائلاً:
- معلش يا أستاذ رفعت، إنت إتطمنت عليها ودلوقت لازم تسيبها

ترتاح

- تحت أمرك يا دكتور

قالها رفعت مغادراً الغرفة..

- « الكلام الأول أنشأته يا ثاوفيلس عن جميع ما ابتدأ يسوع يفعلُه ويعلم به، الى اليوم الذي إرتفع فيه، بعدما أوصى بالروح القدس الرسل الذي إختارهم »

ختم بها جوزيف قراءته لكتاب الإنجيل، وفجأه.. طرق الباب بعد صمت

-بسم الصليب.. مين بيخبط!؟

-إفتح يا جوزيف

سمع جوزيف هذا الصوت الذي لم يكن غريباً عليه، ثم توجه نحو الباب في دهشة، ناظراً من العين السحرية بالباب، فلم يظهر أحداً فقام بفتح الباب وهنا كانت المفاجأة..

- تاني يا خالد الكتاب ده، تاني!؟!!

قالها مجدى لخالد منفعلاً، فرد خالد مهذاً إياه قائلاً:

- طب اهدى بس، الكتاب ده مفتاح لأبواب كتيره جداً

- خلاص يا خالد أمري لله انا معاك وربنا معنا

فتح خالد الكتاب، ثم نظر كل منهم لصفحات الكتاب القديم الذي لا يفهمون منه سوى حروف متداخله ومربعات وأشكال هندسيه تحتوي على حروف عربيه مفهومه و حروف عبريه لا يفهمون مغزاها، ظلا وسط دهشة لمده لا تقل عن عشر دقائق

في صمت، لعل واحداً منهم يفهم شيئاً لكنهما تاهما وسط رموز وأشكال غريبه يرونها للمرة الأولى، وهنا قطع صوت مجدى هذا الصمت قائلاً: ها مفهمتش حاجه؟!
رد خالد منشعلاً ومحددقاً العينين في الكتاب قائلاً:

لا يا مجدى والله ما فاهم أى حاجه، بس استنى..إيه الصوره دى؟!
- هاهاهاهاها، إيه..خفت منها، الظاهر دي قطه شيرازي واقعه في بلانك إسود بس شكلها مسخره
قالها مجدى ساخراً من إهتمام خالد، فنظر إليه خالد بغضب قائلاً

-اسكت يا بابا، أصلك متعرفش حاجه، دى باين شيطان أو جن أو حاجه زي كده، بص مكتوب تحتها ظام أخرج للنور فأنت ظلام ظلام نحو نور، بس أنا مش فاهم حاجه!!
- معقول هيخرج للنور وهو ظلام ظلام!!، هاهاهاها
- انت بتستهزي بإيه بس يا مجدى!!
- يا عم ده هبل، أقولك.. كمل كمل

ثم أكمل خالد مدققاً في الكتاب قائلاً: بص هو فيه حروف داخله في بعضها بس اللى أنا فاهمه دي باين مكابد، ظام، سلسلعمشلاش، ز نقط

كان استهزاء مجدى واضحا في الحوار بينما كان فضول خالد يدفعه لفك شفرات كتاب شمس المعارف، فقد ظلا حتي الواحده صباحاً تائهان وسط الحروف المتداخله والشفرات الغريبه، حتي خلدا إلي نومهما..

دخلت سحر من بوابة العماره و كانت الساعه تقترب من الثالثه
عصراً، طرقت الباب الذى فتح وحده فلم يكن مغلقاً غلقاً محكماً،
وجدت الصغيره نهى مستلقيةً على أريكة، ذهبت إليها مسرعةً
وبدأت توظفها حتى استيقظت قائلةً: الحقيني يا سحر ماما ماتت
ردت سحر في عطف:

- خير يا حبيبتى مالك؟

- ماما ماتت يا سحر

- لا يا حبيبتى بعيد الشر بس ايه اللى حصل؟!

- ماما وقعت وخدوها للمستشفى وبابا راح معاها انت كنتي فين
يا سحر ده أنا كنت لوحدى من ساعة ماما ما راحت المستشفى

هى و بابا و الكهريا قطعت بالليل

- أنا؟!، أنا كنت فى الأوضه الضلمه، كنت نايمه

- نايمه إزاي و محستيش بكل اللى حصل بالليل

- لا أصل أنا كنت تعبانه شويه، تعالى يلا ادخلي استريحى فى
أوضتك و أنا هحضرلك الغدا

- يا سحر أنا مش جعانه..أنا كل اللى عاوزاه أشوف ماما صفاء

- أكيد ماما صفاء كويسه، تعالى بس نامى يلا شويه على مأحضرلك

الغدا، و أوعدك إنى هكلمهم واطمأن عليها

- ماشى

ثم أخذت سحر نهى إلي النوم متفرغةً لمهمتها

تطايرت الأوراق الموجوده على الطاولة لتعلن قدومها، ثم دوت
صرخات فى الغرفه ليستيقظ من نومه مُرحباً:

- فينك من فتره

- كنت في السماء، السماء العاليه..الى مفيهاش ظلم ولا دم، الوقت
جه.. وهيعيشوا في لعنه، لعنه أبيه لحد الحق يرجع
- واللى ملهومش ذنب؟
- طول عُمرنا عارفين إن الحسنه بتخص، والسيئه بتعم، ده في قانون
الأرواح..

ثم ازدادت النيران، لتُكمل هي في فرح:
مش هكون مرتاحه غير وأنا شايفه النار بتاكلهم، وجثثهم فحم،
وهحفظ منهم المطلوب، المظلوم حالاً والمستعبد، وهحرق منهم
الظالم والمُساهم والمساعد والمُحضر..ومش هتقتصر على أجساد
بشر، هتوصل لعقولهم كمان..عقولهم هي المُهم

يا دكتور نقدر ندخل لصفاء دلوقتي؟!
قالها رفعت في توتر، رد الطيب بابتسامه قائلاً:
هي بقت كويسه شويه الحمد لله، تقدر تدخل و تاخذها معاك
كمان
أوك، شكراً، شكراً يا دكتور..

دخل رفعت وقتها وإبنه ((أحمد)) إلى الغرفه التي كانت صفاء
متواجده بها على الفور.. تحسنت حالة صفاء إلى الأفضل، و تحسنت
أكثر بعد رؤية إبنها أحمد التي لم تره منذ فترة طويله لظروف
عمله بإحدى شركات الاعلام بإحدى المراكز المجاوره، فكانت رؤيته
مما يشبه الشفاء الكامل لها..

- أحمد، إنت جيت ليه يا احمد؟!
قالتها صفاء في فرحه ثم إبتسمت بعدها لأحمد، فرد قائلاً في
بسمه أعرض:

- بابا لما كلمنى مقدرتش اتأخر وقتها ثانيه واحده عليكى يا أمى..
 - يا حبيبى، أنا خفيت دلوقت واللّه من أول ما شوفتك بس أنا
 مكنتش عاوزه أتعبك معايا
 - لا أوعى تقولى كده يا أمى، إنتى تعبك كل الراحه و اللّه..
 - رفعت، كلم البيت شوف مين هناك
 - أنا ساعه ما جيتلك كانت نهى لوحدها فى البيت ومرديتش
 أجيبها معايا
 - خلاص، أنا لازم أروح حالاً علشان نعمل غدا، علشان أحمد
 هيقعد معانا يومين
 - لا يا ماما، أنا مقدرش واللّه، أنا إتأخرت جداً ووراي مشاغل كتير
 أوى، أهم حاجه إنى إتطمنت عليكى وإنك بقيتى بخير الحمد لله
 - معقول يا أحمد؟! هتمشى من غير متفوت عالبيت حتى؟
 - معلىش ياماما هانت خلاص وهخلص الشغل وهجى إجازة طويله
 بإذن الله
 ربنا يوفقك يا حبيبى-

يارب ياماما، سلمولى على نهى وبوسوهالى كتير
 ثم سلّم أحمد على والديه وغادر المستشفى عائداً إلى عمله

فتح چوزيف الباب بعدما نظر من العين السحريه ولم يجد أحداً
 ليتفاجأ بها..
 - دميانه؟!!!

قالها چوزيف فى تعجب محققاً عينيه، فردت عليه الطارقه قائلةً:

- إنت عارف إننا كنا ممكن نعيش من غير بعض؟
 وقتها إحتضنها چوزيف ثم سألت دمعته من عينى كلاً منهما، ثم

نظر إليها مرةً أخرى في دهشةً قائلاً: - إنتى إيه اللى عملتية دا؟،
عرفتى تيجى هنا ازاي، وعرفتى مكاني ازاي؟
ردت دميانه في إبتسامه قائلةً:

- اللى يسأل ميتوهش يا جوزيف، الرب خالقنا لبعض، علشان
كده منقدرش نعيش من غير بعض ابدأ
- صح يا دميانه، صدقيني أنا مرضيتش أقولك إن أنا نازل مصر
علشان ميكونش فيه وداع بيننا، لإن الوداع وحش جداً، عملت كده
كمان علشان كنت عارف إن أنا داخل على رحلة شقاء طويلة
جداً، وكمان كان عندي أمل إننا هنشوف بعض تاني، ودا اللى
حصل..شكراً يارب
ردت دميانه في إبتسامه أعرض، وقد بانتي على ملامحها علامات
الحب:

- إنت مش عارف أد إيه أنا سعيده والله يا جوزيف
مهما كنتى سعيده دلوقتى، أنا أسعد منك بكتير يا دميانه
- جوزيف..يلا نتجوز

- خالد، ماتيجى نلعب لعبة الصراحة؟
قالها مجدى محاولاً إبعاد خالد عن الكومبيوتر، ثم قام خالد
بإغلاق جهاز الكمبيوتر ناظراً لمجدي بإهتمام قائلاً:
- والله فكره حلوه، أهو ع الأقل نكسر الملل دا
ثم نظر مجدى يمينه ويساره فلم يجد أى زجاجات مياه، فضحك
قائلاً: مفيش إزازات ميه، هسألك سؤال وتسألني سؤال وخلص
- تمام..إشطا
نظر مجدي لخالد بعد تفكير لبرهه قائلاً:

- أول سؤال: مش ناوى تخطب؟

- وإنت مالك؟

قالها خالد مازحاً، فنظر له مجدى في غضب قائلاً:

- لأ من أولها كدا!!!، إنت مش عارف قوانين اللعبة ولا إيه؟

- لا عارفها بس أنا مش عاوز أجاب على السؤال ده، أنا حرياً أخي!

فرد مجدى قائلاً في إرشاد لخالد:

لا، من قوانين اللعبة إنك تجاوب على كل الأسئلة بصراحة ولو

كررت إنت مالك دى مش هيحصل طيب

ضحك خالد بصوت عال مستهزئاً بكلمات مجدى ثم قال: ماشى

ياعم..عموماً، أنا لسا بدور

- كان هيحصل إيه يعني لو كنت قولتلى كدا من الأول!

- ما علينا، سؤالك بقا..إيه أكثر حاجه حصلتلك ولسا مأثره فيك

ومش عارف سببها؟

حرك مجدى عينيه ورأسه لأعلى مفكراً بالإجابة ثم قال:

- بصراحه..الحريق اللى حصل في شقة الدور الخامس لسا مأثر

فيا أوى، وبتمنى إني أعرف سببه، وإنت إيه بقا أكثر حاجه مأثره

فيك؟

- وإنت مالك!!

قالها خالد مجدداً معانداً

- تصدق بالله؟!، أنا جزمه أصلاً إني بلعب معاك، أنا رايع أنام

شويه، أحسن من تضييع الوقت مع واحد زيك!!

- أحسن، روح نام!!، هو إنت وراك غير النوم أصلاً؟!

ذهب مجدى إلى فراشه، بينما خالد ظل تائهاً لفته مفكراً بإجابة

مجدى» بصراحة..الحريق اللى حصل فى شقة الدور الخامس لسا مآثر فىا أوي، وبتمنى إنى أعرف سببه«فقد كان هذا هو شاغل خالد الفضولى أيضاً ولكن كيف يعرف سبب هذا الحريق بوسيلة أخرى غير هذا الكتاب العقيم الذى إشتراه، فأيقن خالد أنه دفع أمواله فقط للحصول على وريقات قديمة لا تسمن ولا تغنى من جوع وليس لها أية فائدة تذكر، أدرك أيضاً أن الحريق أحدثه سبباً غير آدمياً، فأخامده بهذه السرعة بدون نقطة مياه وبلا تأثير تدميري شيئاً غير مألوفاً للفهم، ثم تراجع بسرعة عن تفكيره قائلاً: مش معقول كتاب بالقيمه دي وكل الناس عالسوشيال ميديا بتتكلم عليه، هيكون ملوش لازمه!!، لا دا ليه وليه...

كتاب زي ده حذر منه أمته وعلما وناس جربته وتوصلت لحقائق كثير، أكيد ليه فايده كبيره جداً، ووراه أسرار أكبر ... إستدار ناظراً لمجدى الذى كان قد إستغرق فى نومه، ثم أقسم على معرفة السر وراء الحريق بواسطة هذا الكتاب، ذهب الى مكتبه..وفتح أحد أدراجه..وأخذ الكتاب واضعاً إياه على مكتبه، ثم جلس أمامه، وبدأ التركيز أكثر فى هذا الكتاب الذى لم يرى قبل ذلك منه سوى الصفحات الأولى القليلة، بدأ تركيزه يزداد، وعيناه تحدقا أكثر، بدأ يقرأ الحروف العربيه المفهومه ويغض نظره عن الكلمات والحروف العربيه غير المفهومه، بدأ يقرأ الطلاسم والكلمات السحرية بالرغم من أنه لم يفهم معني أياً منها، وبدأ أيضاً ينظر للصور الأدمية التى كونتها الحروف والأرقام والكلمات المتداخله غير المفهومه، ثم بدأ يشعر برغبه أكبر لقراءة باقي الكلمات الذى تغاضى تماماً عما قيل عن خطورتها، أو عدم جوازها للقراءة

في حالة من الهدوء الشديد، فبعد أن أنامت سحر الصغيرة « نهى » ذهبت لتتنجز مهمتها والتي ستشكل كل الخطر في شقة الدور الثاني التي عاش بها رفعت وزوجته صفاء منذ فترة طويلة، وهى على مقربة من غرفة صفاء في تسلل، وجدت الباب يطرق!، إستدارت وبسرعه مخفيةً ما كان معها من عنصر المهمة الأساسي، ثم ذهبت لتفتح الباب وإذ بتامر صاحب العمارة، فنظرت له في تعجب قائلة:
أؤمرنى يااعم تامر؟

- الأمر لله يا بنتي

رد بها تامر، فقالت له طالبةً الإسراع في الحديث:

- ونعم بالله، أؤمرني

- الأستاذ رفعت موجود؟

- لا والله مش موجود، مفيش حد في البيت هنا غيري أنا ونهى

- خلاص ماشي، ياريت أول ميرجع تقويله إني جيتله النهارده علشان الإيجار بس

- حاضر يا أستاذ تامر، أوعدك أول ميحى هقوله إنك جيتله، وكمان هقوله على الإيجار

- ماشي يا سحر، السلام عليكم

أغلقت سحر الباب بسرعه دون أن ترد السلام، مستندةً عليه لتستلقى أنفاسها ثم فكرت لبرهه، وتحركت نحو باب غرفة رفعت مترددةً بقرار إنجاز المهمه التي أوصتها بها سُمية كأول خطوة للانتقام من المنزل الذي إستعبدها، ولكن هل هذا هو السبب الرئيسي؟!، دخلت سحر الغرفه في قرار لإنجاز المهمه، جلست على السرير، بدأت ترفع الوسادة ويدها ترتعشان، ثم أمسكت بيدها اليمنى ما تريد وضعه، ويدها الأخرى رافعةً الوساده، وقبل أن تمد

يدها تحت الوسادة فوجئت بالباب يُفتح، فقد كان المفتاح معهما دون أن تُدرك سحر ذلك، تركت سحر الشئ الموضوع تحت الوساده ثم إرتبكت إرتباكاً شديداً، ثم أعادت الوسادة إلى مكانها حتي تبدو بشكل طبيعياً كيفما كانت، سمعت صوت رفعت وصفاء قادماً من بعيد إلى الغرفه، إضطرت أيضاً لعمل أي شئ حتي يبدو دخول غرفتهما طبيعياً، ثم فتحت الشرفه بسرعه في وقت دخول رفعت وصفاء الغرفه، والذي إندھشا لوجود سحر فيها.

- سحر؟! -

قالها رفعت متعجباً، ثم ردت سحر في قلق:

- حمدالله على السلامه يا أستاذ رفعت، أحضرك حاجه تاكلها؟

- إنتي كنتي فين؟

- كنت ف... الأوضه الضلمه اللى حطتوني فيها، م أنتو كنتو عارفين

إني فيها

إزداد تعجب رفعت من إجابة سحر قائلاً:

- يا سلام؟! وفكييتي نفسك إزاي؟

- عرفت أفك نفسي، ونمت في مكاني لحد مصحيت ولقيت نهى

نايمه على الكنبه اللى برا

- ونمتي والشباك كان مفتوح؟!، غريبه!!

- أنا مكنتش شايفه نفسي والله، أنا كان مغمي عليا، وبعدين أنا

أسفه وأوعدكم معدتش هعمل أي حاجه وحشه تاني متعجبكوش!

- هتحوري يابت؟!، كنتي فين يا حيوانه

قالتها صفاء بصوت عال قادمةً إلى غرفتها، فأجابت سحر خائفةً:

- كنت نايمه في الأوضه يا ستى والله

- أه يا كدابيه يا حيوانه، أومال شباك الأوضه كان مفتوح إزاي؟،

والحبال كانت مفكوكه!!

- أنا فكيت نفسي ونمت ومشفتش أي حاجة

- يعني منطيتش من الشباك يا حيوانه؟

- وأنا إزاي هنط من شباك الدور التاني يا ستي صفاء؟!

- قادرة وتعمليلها!، وبعدين إنتي بقيتي بتردى..مش ملاحظه دا؟!

- أنا أسفه يا ستي، أوعدك مش هيحصل تاني!!

- أنا أول أبويا ممات، شفت الدنيا كلها سوده في عنيا مفيهاش

أى نور، المحامي إتصل عليا وأنا في فرنسا وفهمنى إن بابا كان ليه

أسهم في شركة إعلام مصرية فرنسية، الشركة خسرت!، وبعديها بابا

إتداين بملايين للبنوك، أنا لو كنت فضلت في فرنسا كنت هتجسس،

المحامي كمان بلغني إن في أقل من ٢٤ ساعه من مكالمته ليا البيت

كان هيتحجز عليه، وقلى إن معادش ليا مكان في فرنسا، ساعتها

بس بدأت أحضر شنطة رجوعي لمصر ولو كنت فضلت دقيقه

زياده عن كده، كان هيبقا خطر عليا، يعني كنت هتجسس..أو

يرحلوني مصر، بس على طريق السجن، ساعتها فكرت في إيه

مممكن يحصل لو كلمتك، كنت هتعبك كتير معايا واللله، علشان

كدا مرضيتش أقلك يا دميانه، بس يعلم الرب إني منستكيش ولو

للحظه!

ردت دميانه بإبتسامه صفراء، ناظره أرضاً ثم ردت على جوزيف

قائله:

- عارفه يا چوزيف، أنا كمان عانيت جداً في الفتره دي، بعد ماما

م ماتت

- طنط ماريا ماتت!!

رد بها چوزيف في دهشه، فأجابت دميانه في حزن بدا على وجهها:
 - أه سافرت السما، وبابا معادش همه أي حاجه غير الستات
 والخمارات كل ليله، لدرجة أنه حاول يتحرش بيا أكثر من مره،
 تجرد من كل صفات الأبويه، ومكانش ينفع إني أفضل في البيت ده،
 ولا في فرنسا كلها، أبويا أدمن كل الممنوعات يا چوزيف!!، معادش
 همه غير نفسه والفلوس اللى بيلعب بيها وبيضيعها كل يوم في
 الكباريهات، وأنا ماما ربتني على كل سليم ومحترم، ربتني معملش
 حاجه غلط، وأنا حافظت على ده حتي لما سافرت لبابا يسوع،
 ساعتها أيقنت إني مليش حد غيرك في الدنيا، وإن محدش هيقدر
 يحافظ عليا غيرك إنت يا چوزيف، نزلت مصر عشانك..وقبلها
 كنت إتكلمت كتير مع هاني وعرفت منه مكانك وجيتلك عليه
 علشان أكمل حياتي معاك.

- وأدينا إتجوزنا وبقينا مع بعض دلوقت يا دميانه، ومفيش أي
 حاجه ممكن تبعدي عنك تاني، شكراً يارب إنك جعلتنا لبعض
 رد بها چوزيف رافعاً رأسه الى أعلي شاكراً الله
 - إحنا هنعيش في الشقه دي يا چوزيف؟
 - أه، هنعيش فيها لحد ملاقى شغلانه كويسه وأشد حيلي فيها،
 وبإذن الله هنجيب بيت أكبر وأحلى نعيش فيه سوا
 - أنا معاك لو في النار حتى يا چوزيف
 - وأنا معاك لحد مأموت يا دميانه
 ثم نظرت دميانه حولها علي الحائط، معجبةً برسومات چوزيف
 المعلقة قائلةً:
 - أممممم...بس إيه اللوحات الجميله اللى متعلقه دي، إنت
 بقيت بترسم باحتراف

- ههههههههه، أيوه، تعالى بقا أفرجك عليها
ثم أخذها جوزيف ليربها بعض من إبداعاته في مجال الفن
التشكيلي
- بصى بقا على اللوحة دي، دي صورة للبابا شنوده الثالث
- الله، جميل أوي يا جوزيف البورتريه دا
ثم أشار بإصبعه علي لوحة ثانيه قائلاً:
- ودي صورة لماما، ودي صورة رسمتها لنفسي وأنا صغير، كل دول
رسمتهم بعد مجييت..كنت في فراغ شديد أوي
ثم أثار إنتباه دميانه صورة مرسومه معلقه في غرفتهما تبدو غريبه
إلى حد ما، تظهر فيه دمية محدقة العينان يحملها طفلاً صغيراً
ثم قال لها جوزيف فجأه: خير؟!، اللوحه دي عجباكي ولا إيه
- لا مش حكاية عجباكي ولا حاجه، أنا مش عارفه أنا شفتها فين
قبل كده!
- دي لوحه للفنان ستونيهان بيل، كانت معروضه في مزاد في فرنسا،
إشتريتها وجبتها معايا مصر و ..
ثم قطعت دميانه كلامه قائلةً: جوزيف..الساعه كام؟
- الساعه ١٢ إلا ربع
- مش هنلحق نروح القداس..بكرنا الأحد يا جوزيف ولازم أنام
دلوقت علشان أعرف أصحي
- أيوه صح..فكرتيني والله، انا كمان هروح أنام علشان ألحق
القداس أنا كمان
- هههههههههه، ماشي يا جوزيف
قالتها دميانه مازحه ثم خلدا إلي النوم على موعد مع قُداس
الأحد..

ذهبت سحر للنوم، بينما ظل رفعت وصفاء يتحدثان في غرفتهما حتى جاعا فنادت صفاء على سحر :

-سحر..سحر

-أيوه يا ست صفاء

ردت بها سحر قادمة في سرعه

- حضريلنا أي حاجه ناكلها

قاطع رفعت صفاء قائلاً: لا يا سحر أنا اللي هحضر الأكل روى نامى إنتى

- حاضر يا أستاذ رفعت اللي تشوفه

تسللت سحر إلى غرفتها بينما ذهب رفعت لإعداد شئ يأكله هو وصفاء زوجته، أما صفاء فظلت في غرفتها تنتظر قدوم رفعت ومعه الطعام وإذ بها تضع رأسها على الوساده لترتاح قليلاً من عناءها حتى يأتي رفعت بالطعام...

بعدها وضعت رأسها على الوساده سمعت صوت بلاستيك تحت الوساده، بدأت تحرك رأسها أكثر لتتأكد من وجود شئ، وإذ بالصوت يزداد، وضعت يديها تحت الوساده لتخرج مصدر الصوت وإذ بها تمسك « دوسيه » في يديها يحتوي على ورقتين..بدأت تفتحهما رويداً رويداً وتتصفح ما كُتب فيهما: الورقة الأولى هى ورقة زواج عرفى لرفعت من إسم لم تسمعه من قبل، والورقة الثانية هى تنازل رسمى من رفعت لزوجته عن كل ما يمتلك، كانت صدمة صفاء شديده عبرت عنها بصراخ حاد جاء برفعت من المطبخ وأخاف سحر لينقلب السحر على الساحر، ذهبت سحر اليها مسرعةً، ولكن رفعت كان قد سبقها ليعرف سبب الصراخ ولكنه لم يسمع منها سوي: « بقي أنا اللي مليتك من الشوارع يا أوسخ من شفت،

تعمل فيا كده؟!، أنا الى خيلتك بيت وإسم تعمل فيا كده؟»
 رد رفعت مرتبكاً: أنا عملت إيه ليكي بس.. فهميني؟!
 - عملك أسود ومنيل بستين ألف نيله يا كلب يا ابن الكلب
 وقتها لم يرى رفعت منها سوي الإندفاع عليه وصفعه على وجهه،
 قائلةً: إطلع بره.. معدتش تدخل البيت ده تاني، سمعت؟!
 ثم كررتها بصرخة أقوى مما كانت عليها، حاول إسكاتها ولكنه لم
 يستطع وإذ بالباب يُطرق.. فتحت سحر الباب لتري من الطارق وإذ
 بتامر وزوجته يدخل الشقه متسائلان: فيه إيه يا جماعه؟، صوتكم
 جايب لأخر العماره.

فردت صفاء قائلةً: «الكلب الى لميته من الشوارع رايح يتجوز
 عليا عرفي، ويبتنازل للعروسه عن كل ممتلكاته اللي هي في الأصل
 ممتلكاتي، الحيوان باعني، ثم أدارت له وجهها قائلة: إنت لسا
 هنا؟!، إطلع بره يا كلب وروح للكلبه بتاعتك
 إرتدي رفعت وقتها ملابسه وخرج من المنزل وسط صرخات
 صفاء...

أمسك بيده البُمنى دميةً قماشيه وبيده اليسرى خمسة إبر وأمامه
 الطاولة عليها الشموع الثلاث، ثم بدأ يتلو بعض الطلاسم غارزاً
 الإبر في رأس الدمية خمسة مرات، ثم أغمض عينيه ليجد صاحبة
 الدميه الحقيقيه مستلقيةً مريضةً برأسها، والتي أُصيبت بإغماء
 شديد، وضع الدُمية ليجدها تظهر له فجأة قائلة:
 البراءه، البراءه والفضول لمعرفة كل شئ، يبضر أكثر مبيفيد، مفيش
 خبره يعنى مفيش نتيجة، بس فيه شر.. فيه لعنه، مش هنشارك
 فيها.. بس ليها اللي يشارك.

- منه، شكله مكانش عارف قيمته!!
- فعلاً مش عارف قيمته!!، تمام يا خالد، إحنا أهم حاجة الأول
نجيب « لوح الويجا »
- إيه « لوح الويجا » دا؟
- دا أحد أشكال التواصل الروحاني مع الجن..تقدر تبحث عنو على
النت..هتتعرف كل حاجة عنه
- خلاص إشطأ، بس إنت عارف حاجة في الكتاب دا؟، واللوح دا
هتتعرف تستخدمه؟!
- أه أنا بعرف كل حاجة فيهم الإتنين، أهم حاجة بس لازم تخلي
قلبك جامد، ومتخافش من أي حاجة غريبه هتحصل
- والله أنا خايف يا كريم فعلاً
- لو بينت إنك خايف، هيستهزوا بيك، ومش بعيد تتأذى أذى كبير
- طيب، إنسى إني خايف خالص، أنا هعرف أتغلب على خوفي المهم
- انت هتيجي البيت اماتا؟
- هو إحنا هنعمل دا في شقتك؟
- أيوه
- طب ومجدي اللي ساكن معاك في الشقه هيرضى إننا نعمل كدا؟
- لا متقلقش خالص، مجدي مسافر البلد النهارده، أول ميطلع من
الجامعه هيطلع على المحطه ويروح
- خلاص حلو أوى، هنتظر منك رنه أو رساله
- حاضر، هديك رنه على سبعة بعد المغرب
- تمام، أوعدك إني هاجي

- ألو
- أيوه يا سحر أخبارك إيه؟
- أنا تمام الحمد لله يا سُميه، بقولك إيه
- أيوه، قولي
- الدنيا والعه هنا ومش عارفه دا حلو ولا وحش
- بجد؟!، صفاء شافت الورق؟
- أيوه شافته، وطردت رفعت من البيت
- عرفتي بقا؟، مش دا اللي كنا مخططينه؟
- بس يا سُميه ممكن يشكو فيا علشان مكانش فيه حد في البيت
- غير ي
- لا يا سحر، الموضوع أكبر من كدا، أكيد كل تفكير صفاء دلوقتي
- في فلوسها اللي ضاعت، وجوزها اللي خانها ومستقبل أولادها
- اللي ضاع!، وحتى لو عرفت إن إنتي اللي حطتيه، مش هتأذيكي
- بالعكس، دي هتشركك لإنك عرفتيها الحقيقه اللي كانت هتندم لو
- عرفتها متأخر عن كدا
- بس أنا مش عاوزها تعرف أصلاً!!
- ومين قلك إنها هتعرف؟!، إبقى قابليني لو عرفت يا سحر
- دي من ساعة معرفت اللي رفعت عمله، وهي مغمي عليها
- ونايجه وكنها ميته
- بنت الإيه!!، خليها تدوق بقا من اللي بتعمله في الناس شويه،
- دي ربنا هيلوح فيها
- بس أنا صعبان عليا أوي نهى بنتها الصغيره، ملهش ذنب في
- كل اللي بيحصل يا سُميه..والله، أنا اتربيت يتيمه وحسيت بالي
- ممكن يحصلها كمان شويه
- ههههههه، إنتي فاكره صفاء هتموت؟

- ليه لا، ومش بعيد نهى تترمي بعد مأبوها هيتفرغ لمراته التانيه..
وإبنها التانى دا مش هيسأل فى أخته أصلا، أنا خايفه بجد يا سميه..
نهى ملهاش ذنب!!
- يا سحر..استرجلي شويه بقا، يعنى إنتى اللى ليكى ذنب فى كل
اللى حصلك ده؟
- لا ملىش بس..
- من غير بس، لازم تجمدى قلبك..وترجعى حقك تالت ومملت
- سميه..إنتى ليه مهتمه أوى بموضوع صفاء ده؟، مع إنك مش
مأذيه ولا متضرره؟
- يعنى ماتدخلش وأسيبهم يذلوا فيكى؟!، أنا أكبر منك يا سحر
وتعبت وشقيت وشفت أكثر من اللى بتشوفيه عندهم كمان
يعني حاسه بيكى كويس، وطول عمري بحبك ومش عاوزه حد
يذل فيكى بالساهل..ومش عاوزاكي ترخصى نفسك وتعيشي سعيدة،
وعلى كل حال..أنا آسفه إني عاوزه أرجعلك كرامتك، سلام يا سحر!
- سميه..إستني بس..
- أستني إيه بعد اللى قولتیه دا؟
- يا سميه أنا مقصدش أى حاجه والله، وعارفه غلاوتي عندك، أنا
أسفه يا سميه..أوعدك إن دا مش هيتكرر.
- خلاص يا سحر..أنا مش زعلانه!
- بجد يا سميه؟
- أه بجد والله، إنتى أختي الصغيره ولا يمكن أزعل منك..مع
السلامه وخلي بالك من نفسك
- مع السلامه

- يا انا يا جوزيف، تعرف..أنا عمري مارتحت في أي قداس زي قداس النهارده

قالتها دميانه لچوزيف، فرد بسعاده قائلاً:

- أكيد يا دميانه..الدين في مصر هنا حاجه تانيه خالص

- مصر جميله أوي يا جوزيف، بس عاوزه اللى يحافظ عليها، ويكون أمين على شعبها وجمالها دا

- أيوه طبعاً، ربنا حافظها

وفي أثناء سيرهما..أثار إنتباه چوزيف إعلاناً معلقاً على حائط بالقرب من الكنيسه التي كانا يؤديان فيها قداس الأحد، إقترب چوزيف من لوحة الإعلانات أكثر، ثم أخرج هاتفه المحمول، وقام بتسجيل الرقم المتروك في أسفلها، حيث كان مضمون الإعلان: « مطلوب مصمم جرافيك ذو خبره للعمل بقناة CBM الفضائيه بمرتب شهري يبدأ من ٤٠٠٠ جنيهه»

سعد چوزيف بهذه الفرصة فبادرته دميانه بالحديث قائلةً بمرح: أيوه بقا ياعم..هنبقا مصممين جرافيك كبار بقا، ونشتغل في قنوات كبيره

- دي أمنية حياتي يا دميانه، إني يكون ليا مرتب كبير وشقه حلوه مع شريكة حياتي

رد بها چوزيف مركزاً بعينيه على وجه دميانه، التي ردت قائلةً:

- أنا بتمنالك كل التوفيق يا چوزيف..لإن توفيقك من توفيقى..وأنا هكون أسعد واحده في الدنيا لما أشوفك سعيد وفي أعلى المراتب

- عارف يا حبيبتى..وعلشان كده أنا عاوز أسعدك وأخليكى أسعد إنسانه في الدنيا، أنا بحبك يا دميانه..وإنتي من الحجات اللى الرب بعتها لى علشان أكون سعيد، ومهما لفيتي أو بحثي..مش هتجيبى

مقياس معزتك عندي ومحبتى ليكي يا دميانه، Je t'aime
ضحكت دميانه بصوت عال متذكراً المره الأولى التى إعترفا لبعضهما
بجهما بالفرنسيه خجلاً من قولها بالعربيه، قبل ثمانية أعوام..لترد
عليه قائلةً:

je t'aime auss - هاهاهاهاها، مكفيانا بقا الحب والغرام دا، ويلا
ناخد تاكسى علشان منتأخرش؟
قالتها دميانه مازحه، فيرد چوزيف ضاحكاً:
- هههههههههه، على رأيك..يلا بينا

----------*

تتوقف أحداث القصة عند العمارة التى لم ولن يهدأ لها بالاً فى
أي يوم...

ففى الدور الأول إستمرت قصة الحب بين چوزيف ودميانه حتى
الآن، وفى شقة الدور الثانى طُرد صاحب المنزل بعدما كُشفت أفعاله
الأخيره من زواج عُرفى، وتنازل عن الممتلكات التى لم نعرف عنها أي
شئ حتى الآن، أما شقة الدور الثالث فهى فى إنتظار كريم لتقم
أولي الأفعال الشيطانيه فى العماره..أما الشقة الرابعة فما زالت حتى
الآن بكامل هدوئها وإستقرارها والخامسة كذلك، فقد كان چوزيف
على موعد للتقديم فى وظيفة جديده، بينما ذهب كريم لخالد
بعدهما سافر مجدى لبلدته..أيام من الصمت والذهول فى العمارة
منذ اليوم، والسبب مجهول حتى الآن، لكن تامر صاحب العماره
كان قليل الثانى، وكان دوماً قلقاً والسبب مجهول أيضاً وكأنه تنبأ
بالمستقبل..وعرف الماضى..فكلا الأمران دافعاً مهماً لقلب حياته رأساً
على عقب، أما رفعت..فذهب الى منزل زوجته الأخرى حتى تهدأ
صفاء ويعود للمنزل، ولكنه كان من الغريب أن يفكر رفعت بهذه

الطريقه رغم كل ما فعله، الباب يطرق!
« أيوه، أنا جي » قالها خالد ثم فتح الباب لكريم قائلاً: يا مرحب

بالغالي، إتفضل

- أهلاً يا خالد..إيه الأخبار

رد بها كريم

- كله تمام يا كريم، تعالا

دخل كريم خلف خالد إلى الغرفه التي كان قد جهزها، وضع كريم لوح خشبي أملس بني اللون على المنضده، وقد كان مكتوباً عليه كل حروف الأبجديه العرييه من الألف الى الياء وبها الأرقام من الصفر الى التسعه، كما كُتب في الركن العلوي الأيمن منه: « نعم »، والركن الأيسر منه: « لا » وفي آخر اللوح كُتبت كلمة: « مع السلامه »، لم يفهم خالد محتويات اللوح ، ثم بادره كريم بالحديث قائلاً:
هات كتاب شمس المعارف يا خالد وهات الشموع..

- حاضر

قالها خالد ثم أحضر الكتاب وخمسة شموع وضعها في شكل دائرة تحيط باللوح الخشبي

- دلوقتى.. إقفل كل الشبائيك، وضلم الأوضه خالص، بحيث

الشموع بس هي اللي تنور

فعل خالد كل ما طلب منه، ثم جلس بجوار كريم على الأريكه

وأمامهما المنضده التي وضع عليها اللوح والشموع الخمسه تحيط

به، طلب من خالد أن يضع إصبعه على مؤشر الويجا برفق، ونفذ

كريم كل المطالب

بدأ كريم بالتحدث وسط الهدوء والصمت والظلام الذي لا يخترقه

سوي أشعة نور الشموع: ويجا، نريد التحدث..ويجا، نريد التحدث

اليك، ويجا، هل يمكنك الحضور؟!

قالها كريم لأكثر من خمسة عشر مرة لم تتم فيها الإجابة ولم

يتحرك المؤشر

بدأ خالد ينظر الى كريم، الذي بدا مُنشغلاً وسط تكراره وإلحاحه

لحضور الضيف، ووسط نظراته لكريم، شعر بتحريك يده حركه

خفيفه!، شعر بالذعر!، وقتها إزدادت الحركه بشكل جنوني، يتحرك

المؤشر بشكل دائري وسط خوف خالد وقلق كريم حتي توقف

عند كلمة « نعم » نظر خالد لكريم، ثم إبتلع ريقه..

همس كريم بأذني خالد: إوعي تبان إنك خايف أو ضعيف، علشان

ميستهباش بيك

- مين؟ هو مين؟ مين اللى حرك المؤشر يا كريم انت؟ انت يا

كريم صح؟، ومين اللى هيتستهبزي بيا؟

رد بها خالد في خوف وذعر

-لا مش أنا، دا ضيف النهارده، حط إيدك!

- لا، لا أنا مش هقدر أكمل

قالها خالد في ذعر، فرد عليه كريم في شدة قائلاً:

- حضر واللى كان كان، لو محطيتش إيدك وكملت لحد منودعه،

هنتأذي!!

وضع خالد يده اليمنى على المؤشر في خوف، ثم طرح كريم سؤالاً

قائلاً: إسمك؟

تحرك المؤشر بشكل دائري ثم توقف عند الحروف ظ، ا، م بالترتيب

- ظام، ما هي ديانتك

قالها كريم سائلاً الضيف، ليتحرك المؤشر

ي، ه، و، د، ي، ه « بالترتيب»

- كان هناك حريقاً في شقة الدور الخامس في هذه العمارة، ما سببه؟

وقتها تحرك المؤشر بشكل دائري جنوبي حتي فقد كل من كريم وخالد السيطرة على يديهما ثم توقف عند كلمة « مع السلامة »، وقتها رأي كلاً منهما قطعاً أسوداً تنشب فيه النيران يجري بسرعة عالية، وتوجه نحو صالة المنزل،

خاف خالد من أن يحترق المنزل بسببه، فجرى بسرعة نحوه وأخذ يبحث عنه ولكن لم يجد له أثر، إرتعب كريم وكذلك خالد، ولكن كريم أوصي خالد بأن يظل متماسكاً أكثر من اللازم فهذا هو الطبيعي لطالما قررا تجربة هذا المجال، أوصاه أيضاً بأنهم لن يتكوهما لطالما لم يصرفاه بشكل نهائي، ولكي يصرفاه عليهم بتحضير الأقوي لصرف الأضعف حسب ما قرأ كريم في كتاب خاله الساحر، وقد قرأ سابقاً أيضاً عن الجن « ظام » اليهودي ولكنه لم يعلن هذا أمام خالد خوفاً من أن يصيبه الدُعر، ثم قال لخالد: دلوقت هنعصن نفسنا يا خالد

- إزاي يا كريم قالها خالد فرد كريم بسرعة:

- هقرا زي تعويذه كدا هتنجينا بإذن الله

- يا كريم أنا هموت من الخوف..أنا مش حمل الحجات دي

- متخافش..دى النهايه بإذن الله، وبعدها مش هنكمل لو تحب

كان كريم يزعم أنه بقراءته لكتاب خاله الساحر عرف كل ما هو عن العالم الآخر..لكنه كان بحاجة إلى التعرف على المزيد عن «

ناصر » الذي زعم أنه سوف يخلصهم من لعنة « ظام »

فتح كريم كتاب « شمس المعارف » وبدأ القراءه فيه بفصل ناصر، بدأ يتمتم بكلمات غير مفهومه لكن صوته بدأ يعلو تدريجياً

وسط هدوء الغرفة، وإضاءة الشموع الخافته، وقلق خالد ومنيته الموت قبل أن يفكر في إستدعاء ما لاينصح بإستدعائه..

بدأ صوت كريم يعلو أكثر متمتاً: « بدأت بسم الله القوى رب السبع طباق السفلية العظيم في عظمته، أقسمت عليك ياناصور بالحضور وتنفيذ الأمور بحق أشحالش شحتالش أشقحالوش مهراقوش إرتجت الرض السطحية بالسفلية لهذة الأسماء، أجب ياقوى بحق شروم شهاروم شاروم شكاش شطش شروك أكشاشكوم مميلكوم مهرسليالوم صاروم راقياش صار ضارة اجب بهدوء ومحبة وطاعة يارب السبع طباق السفلية بحق هيشرون وشارون شهاروش هيرتم هريم هيرام نصراص نصرياش صيهلياش أصرب مص صرص صرهيوص نصص صيان ياش والخدمة، أين زوبعه ولوبعه والعفراريت الأربعة وميجال ومحيال وعابد النار ومرشال صاحب الدهاء والمحال، أين دهنش صاحب المهابة أين دندن وندندان أقسمت عليكم بالشيخ الكبير صاحب المهابة والتوقير المبجل لديكم، الجالس على السرير وعلى رأسه الإكليل وفي حجره كتاب العهد والانجيل وبالشيخ زعزاعان ومزعج كل مارذ وشيطاني صاحب قبلة الحكم عليكم وإمام الميदान، أجييوا يابنى الجن والاعوان ولا تخلفوا قسمي فيحل بكم الهوان طار الهوا طار والبحر ازبد وفار فاتاني إبليس شيخ الكفرة والمعاكيش يامن عليك اللعنه والتعكيس فقال عندك هلال وبلال ومزلزل الجبال وهاروت وماروت ويأجوج وماجوج ورسولا لجن ياقوت وعيطوش والهلاس وخناس والواسواس، أقسمت عليكم بالصليب وما صلب وأبليس اللعين وما طلب والمولى قهركم وغلب بحق ماعزمت بالأسماء وهمهمت فإني أقسم عليكم بالديجور الأعظم وبالليل إذا أظلم وبالتوراه وما فيها وبالأنجيل

وما يليها والذبور وما يحزيها وبالقرآن وبالجر والقلم وما جرى
وبالنجم إذا هوى وبمن على العرش أستوى وعلى الملك احتزى
وبالثمئة سته وستين قنديل التي توقد في قبة بنى إسرائيل،
أجيبوا وأحضروا ولا تمهلوا واسرعوا في قضاء حاجتى بحق كذا وكذا
أطش بالصليب والصلبان وبحق ماتعتقدونه من الكرامة والمعمدان
الواحا العجل الساعه، أقسمت عليك يا اشيايل وأعوانك فرعيائيل
وطائيل والرياح وماسول ومبسور وسما وطش وعلى الشمس
والقمر وما حفت باسم الله وباسمه الشديد رب الآخرة والأولى لا
غاية ولا منتهى له في السماوات والأرض وما بينهما وما تحت الثرى
الله الأعظم قاهر الأعداء ودائم النعماء بإسمك الأعظم الذي
فضلته على جميع أسمائك أن تسخر لي صاحب الدعوة....»

حينما وصل كريم في قراءته للجملة الأخيره سمع كلاً منهما صراخ
شديد دام لأكثر من خمسة ثوان، وشعر كلاً منهما بإرتجاج الأرض
من تحتها، حاول خالد الهروب من الغرفه بعدما ظل كريم ثابتاً
مكانه وكأن مكروهاً أصابه.. الأرض ما زالت تهتز والظلام يملأ المكان
وضوء الشموع يقل.. وأثناء ركوضه أغلق باب الغرفه.. ظل خالد
يصرخ قائلاً: لا إله إلا الله، لا إله إلا الله، وقتها إزداد صوت الصُراخ،
وإخترقه صوتا غليظا: « السر في عبادتي أنا..أنا أحق بالعباده»

- لا إله إلا الله وحده لا شريك له مستحق العباده الواحد الأحد

قالها خالد في صراخ

وقتها سقطت الشموع أرضاً فأضرمت النيران ف جميع أنحاء
الغرفه..حتي والتي لم تلامسها الشمعه..ثم تكرر الصوت: « السجود،
أو الهلاك »

حتي سجد خالد بدون وعيه وسط النيران العاليه التي لم يري

كريم منها رغم أنه على بعد خطوات قليلة منه..بعدهما سجد خالد غائباً العقل: أُطفت كل النيران، وظهر الشيطان ناصور لخالد على هيئة جسم أسود..تبرز من فمه أسنان غليظة وحاده، ذو عينان حمراواتان ينزف منهما الدم، إختفى في الحال وسط صرخات خالد الذي عادت بعد أن هدأ الوضع..

وبعد لحظات من هدوء خالد، شعر بأحد يمشي خلفه، إستدار وبسرعه..وإذ به كريم يقترب منه محاولاً الهجوم عليه، ووسط دهشة خالد الذي لم يمتلك أي شئ للدفاع عن نفسه..بعدهما تحولت ملامح كريم لأعين حمراء وأسنان دمويه تعثرت قدماه بسكين وجده أسفل قدميه، لا يعرف سبب مجيئه ومن أين جاء.. مسك خالد السكين محاولاً الدفاع عن نفسه وإخافة كريم ولكن كريم ظل يقترب منه أكثر فأكثر حتي تحكم فيه بعد إصطدامه بالحائط من خلفه..مسك كريم رقبة خالد بيداه محاولاً شنقه..في الوقت الذي يحاول خالد إرهاب كريم بالسكين الذي في يده..حتي كاد خالد أن تقطع أنفاسه وسط مقاومه شديده..كان أخرها زرع السكين في قلب كريم، فوقع أرضاً، وعاد وقتها كل شئ على ما كان عليه، الشموع في مكانها..والكتاب مفتوح، ولكن..جثة كريم أرضاً، فأدرك خالد أنه أنهى حياة صديقه..

إستيقظت دميانه ليلاً على أصوات صرخات عالية ملأت أذنيها ولا تعرف سببها، وعند فتح عيناها وجدت شبك غرفتها يُغلق بقوة صادمة..لم يسمع چوزيف صوته ومازال نائماً، حتى دميانه لم تُريد إيقاظه لأنها تعلم أنه على موعد مع وظيفه جديده وبجابه الى نوم كاف، لكن قلق دميانه وخوفها لم يجعلها تسترح ولو للحظه،

نظرت دميانه للحائط لتري كم الساعه، وجدتها تقترب من الثانية صباحاً، ولكن..لم تكن تلك هى المشكله..بل أن المشكله حقاً هى ما تكمن بجانب الساعه..اللوحه التى كانت معلقه، التى أثارَت إنتباهها منذ دخول الشقه، فقد وجدت الطفل الواقف بجوار الدميه يضحك ضحّةً شيطانيه أرعبتها، ثم أُطفئت الأنوار القليله التى كانت تدير الغرفه..و غطت دميانه وجهها بسرعة خائفه، وظلت تفكر لبرهه، ما سبب هذه الأحداث المرئيه، ولماذا جذبت تلك اللوحه إنتباهها منذ دخول الشقه، وكيف إستطاع جوزيف أن يعيش فى هذه الشقه الملعونه ولو للحظة واحده، ثم أزاحت دميانه الغطاء عن وجهها فى رعب فوجدت الكهرباء قد عادت.. وكل شئ على ما يرام، لكن هذه المره لم تجد اللوحه معلقهً نهائياً، فقد أُزيلت اللوحه من على حائط الغرفه، ما رعب دميانه أكثر..لكنها خافت أن توقظ جوزيف، كما رفضت أيضاً إخباره بعد إيقاظه لإدراكها أنها يجب أن تتحمل معه فى شدته كما تنعمت معه فى رخاءه أثناء وجودهما فى فرنسا معاً، ظلت لأكثر من ساعه تُفكر فى طريقه غير مباشره لإخبار جوزيف..لكنها أجلت الموضوع لحين قبوله بالوظيفه الجديده

ظهرت له أمرهً إياه بفك الإبر من الدميه فاستجاب لأمرها..

إستيقظت صفاء بعد كبت عاشت فيه لأكثر من ثلاثة أيام، وجدت الدنيا مظلمةً حولها، لا تعرف حلوها من مرها، لم يكن لها إلا أن إتصلت بإبنها أحمد لتخبره بما يحدث لها..وما حدث

من أبيه رفعت، فقد كانت صفاء تعيش في جو حزن وألم، ولم تكن تدرى بأى مكيدة كانت تُحضر لها لإيقاعها في فخ كبير ينقلب فيه السحر على الساحر.. وجدت سحر تدخل عليها غرفتها قائلةً: حمدالله على سلامتكم يا ستي.. مش عاوزه أى حاجه؟

ف نظرت لها صفاء في عطف متظاهراً به قائلةً: تعالى يا سحر.. أنا عاوزاكي

ذهبت سحر اليها في قلق ثم قالت: أنا تحت أمرك، مش عاوزانى أحضرك حاجه تاكليها؟

- لا، مش عاوزه أكل، أقعدي بس

جلست سحر بجوارها فبادرتها صفاء الحديث قائلةً: طبعاً إنتي عارفه اللي بيكدب عليا بعمل فيه إيه

- عارفه يا ستي!، والله عارفه، هو أنا كدبت عليك في حاجه ولا عملت حاجه وحشه؟

- مش عارفه، ودا اللي عاوزه أعرفه منك دلوقت

ردت سحر في خوف وقلق: أوْمِريني يا ستي، خدامتك وتحت أمرك

- الورق اللي أنا لقيته تحت المخده ده!!، إيه جابه هنا؟

وقتها فكرت لثوان تفكير دقائق، فكرت في عدم صدق احتماليات

سميه التي كانت قد أكدت لها أنها لن تهتم بمعرفة واضع الأوراق

بل إن كل ما يشغلها هو معرفة المكتوب فيه، فكرت أيضاً في مبرر

سهل التصديق وسرعان ما أجابت: أنا هقلقك على كل حاجه يا

ستي بالحرف الواحد

فردت صفاء مبتسمة: أيوه، أنا عاوزه أعرف كل حاجه بالحرف

الواحد

ف قالت سحر: بصي يا ستي.. أنا بعد ما فوقت من النوم لقيت

باب الأوضه مفتوح، خرجت بسرعه..لقيت واحده بتجري طالعه من الباب ونهى كانت نايمه على الكنبه الى برا، بحسبها عملت حاجه فى نهى أو أذتها، طلعت أجري بسرعه وراها ملحقتهاش، طلعت من باب العماره جري

- ولمحتيش شكلها؟

- هى واحده طويله ورفيعه شويه..مش محببه، ولفه طرحه على رقبتها وكانت لابسه عبايه سوده

- إنتى متأكده من الكلام اللى بتقوليه ده يا سحر؟

- أه، أه يا ستي واللله، دا اللى شوفته بعيني، ساعتها بقا رحت على طول صحيت نهى، كنت خايفه ليكون حصلها أي حاجه، والحمدلله مطلعش فيه أي حاجه، رحت بعدها أرتب أوضتكم، على دخولكم للشقه

- إنتى عارفه لو طلع الكلام دا كذب يا سحر، أنا هعمل فيكي إيه؟

- وأنا ليه هكذب بس عليكى يا ستي، أنا هنا تحت أمرك وتعليماتك

- ياريت يا سحر تبقى تحت تعليماتي على طول..هحتاجك كثير الفتره الجايه

- هموت وأعرف يا ((نبيله)) مين اللى وصل الأوراق دي لصفاء،

وإزاي بالسرعه دي عرفت بموضوع جوازنا؟

قالها رفعت فى غضب وإنفعال ، فردت بنفس الإنفعال قائلةً:

- رفعت، أنا كنت حاسه بكدا من أول متجوزنا، وبعدين لما إنت

بتحبني أنا، همك ليه موضوع صفاء ده!!

ردت بها نبيله زوجته الجديده

- برضه يا نبيله، صفاء دي أم عيالي، ومقدرش على زعلها، لإن زعلها من زعل عيالي وهتحصل مشاكل كتيره أوى لو طلبت الطلاق أو الموضوع إنكشف أكثر من كده

- طب هى إزاي عرفت بحتة الممتلكات دي؟

- أصل إنتي مش واخده بالك، صفاء كانت فى المستشفى، وبعد مرجعنا قعدت معايا وأنا قمت أحضرلها أكل، رجعت على صراخها والورق فى إيدها، والبت الخدامه جت ورايا علشان تشوف فيه إيه، أنا شاكك فى البت الخدامه أصلاً تكون هى اللى عملت كده! - وإيه اللى يخلي الخدامه تعمل كده، وهى تعرف منين إن إحنا إنجوزنا أصلاً؟

- دي بت شيطان زى صفاء، هى اللى مكانتش فى البيت ليلة ماخذنا صفاء عالمستشفى، وعلى مرجعنا لقيناها فى البيت وفى أوضة نومنا بالتحديد

- متظلمهاش بس، لازم إنت تتأكد الأول هى اللى عملت كده ولالا، ولو كانت هى اللى عملت كدا، كنا هنعرف نأدبها

- بس أنا مش عارف برضه، ممكن يكون حد تانى هو اللى عمل كده، خصوصاً إن سحر لما راحت ورايا كانت مستغربه جداً من عماليل صفاء، ده اللى خلانى أستبعد شويه إن هى اللى عملت كده - المهم يا رفعت، إنت بتفكر دلوقتى فى إيه؟

- بفكر فى إني أرجع لصفاء، وأحاول أطيب خاطرها بكلمتين، أو أفهمها إن الورق ده مزور

- طب الممتلكات اللى إنت كاتبهالى دى

- معلش يا نبيله، أنا لازم أتنازل عن القرار ده

متفهماً إلى حد كبير، وفجأة رأَت دميانه طفل الصورة يقوم بتحريك رأسه وتتحرك أيادي سوداء من خلفه صرخت دميانه بصوت عال وخرجت من الغرفة بسرعة لتلتقط أنفاسها في الصاله، مقسمةً أنها لن تدخل الغرفة إلا بعد إزالة الصورة، ولكن مازال هناك المزيد من الصور التي تحيط بها صالة الغرفة، فجأة سمعت صوت زجاج ينكسر في غرفتها هي وچوزيف، قلقت دميانه وقامت بالدخول فوراً للغرفة خوفاً من أن يكون قد حدث مكروهاً، وجدت دميانه صورة چوزيف قد وقعت أرضاً وإنكسر زجاجها، ثم نظرت للصورة الملعونه ووجدتها ثابتة لا تتحرك ولا من فيها، ذهبت اليها بسرعة ثم نزعتها من الحائط وأثناء نزعها من الحائط، وجدت خلفها على الحائط أرقاماً محفورة، ظلت تدقق أكثر ما يمكن لتجد الرقم ستمائة ستة وستون « ٦٦٦ » محفوراً على الحائط بصورة واضحة، إبتعدت دميانه عن الحائط ثم أخذت الصورة وقلبتها ووضعتها في إحدى الغرف المهمله، وعادت لتجلس على الأريكة في الصاله، وأثناء جلوسها وجدت كتاب الإنجيل بجوارها يفتح وحده، وكأنه يذكرها بفتحہ والقراءة فيه لتكون في مأمن مما يخيف لكنه فتح على صفحة بدأت دميانه بالقراءة فيها بلا تفكير:

« إِنْ كَانَ أَحَدٌ يَجْمَعُ سَبِيئاً فَإِلَى السَّبْيِ يَذْهَبُ. وَإِنْ كَانَ أَحَدٌ يَقْتُلُ بِالسَّيْفِ فَيَنْبَغِي أَنْ يَقْتَلَ بِالسَّيْفِ. هُنَا صَبْرُ الْفِدْيَسِينَ وَإِيْمَانُهُمْ، ثُمَّ رَأَيْتُ وَحْشاً آخَرَ طَالِعاً مِنَ الْأَرْضِ، وَكَانَ لَهُ قَرْنَانِ شِبْهُ حَرُوفٍ، وَكَانَ يَتَكَلَّمُ كَتَنِّيْنِ، وَيَعْمَلُ بِكُلِّ سُلْطَانِ الْوَحْشِ الْأَوَّلِ أَمَامَهُ، وَيَجْعَلُ الْأَرْضَ وَالسَّاكِنِينَ فِيهَا يَسْجُدُونَ لِلْوَحْشِ الْأَوَّلِ الَّذِي شَفَى جُرْحَهُ الْمُمِيتُ، وَيَصْنَعُ آيَاتٍ عَظِيمَةً، حَتَّى إِنَّهُ يَجْعَلُ نَاراً تَنْزِلُ مِنَ السَّمَاءِ عَلَى الْأَرْضِ قُدَّامَ النَّاسِ، وَيُضِلُّ السَّاكِنِينَ عَلَى الْأَرْضِ بِالْآيَاتِ الَّتِي أُعْطِيَ

أَنْ يَصْنَعَهَا أَمَامَ الْوَحْشِ، قَائِلًا لِلسَّاكِنِينَ عَلَى الْأَرْضِ أَنْ يَصْنَعُوا صُورَةً
 لِلْوَحْشِ الَّذِي كَانَ بِهِ جُرْحُ السَّيْفِ وَعَاشَ، وَأَعْطِي أَنْ يُعْطِيَ رُوحاً
 لَصُورَةِ الْوَحْشِ، حَتَّى تَتَكَلَّمَ صُورَةُ الْوَحْشِ وَيَجْعَلَ جَمِيعَ الَّذِينَ لَا
 يَسْجُدُونَ لَصُورَةِ الْوَحْشِ يُقْتَلُونَ، وَيَجْعَلَ الْجَمِيعَ: الصَّغَارَ وَالْكِبَارَ،
 وَالْأَغْنِيَاءَ وَالْفُقَرَاءَ، وَالْأَحْرَارَ وَالْعَبِيدَ، تُصْنَعُ لَهُمْ سِمَةٌ عَلَى يَدِهِمْ
 الْيَمْنَى أَوْ عَلَى جَبْهَتِهِمْ، وَأَنْ لَا يَقْدِرَ أَحَدٌ أَنْ يَشْتَرِيَ أَوْ يَبِيعَ إِلَّا مَنْ
 لَهُ السِّمَةُ أَوْ اسْمُ الْوَحْشِ أَوْ عَدَدُ اسْمِهِ، هُنَا الْحِكْمَةُ! مَنْ لَهُ فَهْمٌ
 فَلْيَحْسَبْ عَدَدَ الْوَحْشِ فَإِنَّهُ عَدَدُ إِنْسَانٍ، وَعَدَدُهُ: سِتُّ مِئَةٍ وَسِتُّونَ.
 »

أما جوزيف فكان قد وصل إلى المكان الذي ينتظر إنضمامه لفريق عمله، فذهب إلى أول مكتب قابله ليسأل عن كيفية التقديم وطلب الوظيفة وإجراء المقابلة الشخصية « الإنترنتو » فأرشده الى مكان التقديم ولحسن الحظ كان هو الوحيد المتقدم للعمل في هذا اليوم، لذا منحته هذه الفرصه التقدم للمقابلة الشخصية في نفس اليوم وبسرعه، فبدأ جوزيف بإستقبال الأسئلة من محاوره وإستعراض خبراته في مجال التصميم والجرافيكس بعدما دخل غرفة الإستقبال بمبنى القناة، وبعد حوار دام لأقل من ساعة بقليل، تمت الموافقه على جوزيف كمصمم جرافيك في القناة التي كان يحلم بالعمل فيها منذ أن قرأ الإعلان المدون أثناء عودته إلى منزله بعد قداس الأحد، والذي أكد له المحاور أنهم لم يقوموا بوضع أية إعلانات رغم حاجتهما لموظفين..

- مبروك يا أستاذ جوزيف، إنت إتقبلت للعمل معنا كمصمم جرافيك بمرتب ٤٠٠٠ جنيه

قالها محاوره مبتسماً بعد موافقته على جوزيف

- ميرسي، شكراً جداً يا أستاذ....؟

قالها جوزيف في فرحه مستفهماً عن إسم المحاور فرد هو قائلاً:

- ((محمد))، ثواني همضيك الورق من مدير القناة وأجيلك

- إتفضل، خد وقتك

ذهب محمد ليمضي أوراق قبول جوزيف للعمل في القناة التلفزيونيه، فدخل مكتب مدير القناة

- صباح الخير يا أستاذ أحمد

- صباح النور يا محمد، إتفضل أقعد

- لا، أنا عاوزك بس تمضيلي على الورق دا، دا مصمم جديد لقسم

الجغرافيكس

ثم مسك مدير القناه الأوراق قائلاً: وريني يا سيدي..چوزيف ميخائيل كيرلس، قال أحمد الإسم ثم نظر إلى الموظف محمد في ثبات وتعجب.

- فيه حاجه يا أستاذ أحمد؟

قالها محمد مستفهماً وملاحظاً علامات التعجب على وجه أحمد

- لا، لا م.. مفيش حاجه خالص، بقولك إيه

- أو مرني

ثم أمسك أحمد بالقلم موقعاً على الورقه قائلاً له:

- دا توقيعى أهه، بس أنا عاوز أشوف الموظف ده

- أو كي، تحت أمرك، هو منتظرني في المكتب بتاعي، بس حضرتك أول مره تطلب تشوف موظف

- يمكن ده كان تقصير مني، بس لازم من اليوم ورايح أشوف الموظفين

- أكيد طبعاً، تعالا يا أستاذ أحمد شوفه، هو في المكتب بتاعي

ذهب أحمد مع محمد مدير شؤون الموظفين إلى مكتبه ليري الموظف الجديد الذي كان من الغريب تلهفه ورغبته الشديده في رؤيته، دخل أحمد المكتب ومعه محمد ثم نظر للموظف چوزيف محققاً العينين، الذي وقف مبتسماً عند دخول أحمد بعدما كان جالسا على إحدى كراسي المكتب، فتبادل أحمد معه الإبتسامه أيضاً كموظف جديد لم يراه من قبل!

قطع الصمت لبرهه صوت محمد مشيراً بيده اليمنى على چوزيف قائلاً: أستاذ أحمد، چوزيف ميخائيل الموظف الجديد معنا هنا

- أهلاً بيك يا چوزيف، أنا أحمد رفعت..مدير القناه

ثم مدّ يده لمصافحة جوزيف، فصافحه جوزيف قائلاً:
 - أهلاً بيك يا أستاذ أحمد، أتمني إني أبذل كل المجهود في خدمة
 القناه وإني أكون عند حسن ظنك دائماً
 - بتمنالك كل التوفيق يا جوزيف، إتشرفنا بيك، وأهلاً بيك ف قناتنا

صحبي؟!، أنا قتلت صحبي، كريم مات؟!
 قالها خالد صارخاً مذعوراً، ثم بدأ يوقظ كريم خائفاً ولكن دون
 جدوي، ثم نزع السكين من قلبه على أمل شفاؤه، لكنه أصدر
 صوتاً عند نزع السكين من قلبه..الساعة الآن العاشرة مساءً، لقد
 حل الظلام ومازال خالد مذعوراً من وجوده في المنزل مع جثة
 هامده تسبب في قتلها، فأين يُخفى جثة صديقه الذي قتله، فكر في
 الإتصال بمجدي وإخباره بما فعل، ولكن إنهياره لم يجعله يدرك ما
 يفعل، حيث كان يدور في الشقه كالمجنون باحثاً عن حل، ولكن
 لم يكن هناك حلاً غير دفنه، فارتكاب خالد جريمة قتل غامضة
 السبب كفيلاً بوضع رقبته بين أحبال الإعدام.
 ظل خالد يبحث عن مصحف ليتقرب به من الله وليطرد الشيطان
 على أمل عودة كريم للحياه لكنه لم يجد أي مصحف، جلس خالد
 على أريكه يفكر فيما يجب أن يفعل، ولكن فجأه..أطفئت كل
 أنوار الشقه، إنهار خالد مجدداً، وأصبح يردد آيات من القران في
 سره خائفاً لوجوده مع الجثة في شقة مغلقة لكن هذه المره..في
 الظلام، شعر خالد بأن الجثه تقوم بتحديق عينها..وفجأه، بدأت
 أيدي جثة كريم تتحرك، وخالد في ذهول، فقد زاد ضوء القمر المار
 من النافذه التي لم تكن مفتوحه، كان ضوء القمر المُسلط على
 الجثه هو ما يريه تفاصيلها والعلامات الظاهرة عليها، شعر خالد

بأن الجثة تتحرك فأدار وجهه باكياً ومستسلماً لها بعدما وقف من على الأريكة، متمنياً القتل، فلعل قتله وإنهاء حياته كفيلاً بإنهاء الجريمة التي قام بها، ولكن كيف ينهيها؟!، فإن ما يحدث سوف يزيد الجريمة أهميه..

سمع خالد صوتاً يتردد بكلمات غير مفهومه، أخاف أن يدير وجهه للجثة التي شعر بأن حركتها تزداد من خلفه وهو مستمر في البكاء، ولكنه أيقن أن مواجهته للموقف قد تخفف عليه العقوبة، نعم

« عقوبة ناصور »

سمع خالد هذه الكلمة تتردد، فصرخ قائلاً:

- عقوبة إيه؟!، إنت مين؟!، إنت عاوز منى إيه؟!، وحينها في الحال أدار وجهه فلم يجد جثة كريم نهائياً، ظل يصرخ وحيداً حتي أُغمي عليه

- أنا النهارده شفت حاجه غريبه جداً يافندم عمري مكنت أتوقعها خالص

قالها أحمد لرئيس مجلس إدارة القناه فقام بوضع أوراقاً في خزانته قائلاً:

- خير يا أحمد؟!، شفت إيه؟

- النهارده يا ((محسن)) باشا وأنا بوقع على قبول موظف جديد لقيت الإسم اللى كلنا بنتوقع إنه بيدور علينا كتير أوي

- مين؟!، ميخائيل كيرلس؟

- لا، إبنه

نظر محسن لأحمد في حنق متعجباً ثم قال:

- إزاي ده يا أحمد؟!!!

- الموظف الجديد طلع إسمه جوزيف ميخائيل كيرلس

ثم ضحك محسن مستهزئاً وقال:

- معقول يا أحمد؟!، كل الخسائر اللى خسرتها هالهم دى ممكن

ترجعهم تانى؟؟

- لو تفتكر وحضرتك فى فرنسا لما كلمتنى وقولتلى إن ميخائيل

كيرلس ده كان شريكك فى مشروع وفشل وإنت عرضت عليه مشروع

القناه ودخل معاك بعد مخسرتة فى مشاريع تانيه وأخذت فلوسه،

وكمان خليته ياخذ سلفه من شركات ولما عرضت عليه مشروع

القناه المصرى الفرنسىه أقنعتة إنه هيعوض خسارته من فلوس

الإعلانات، وفى النهايه حضرتك فهمته إن المشروع خسر وجيت مصر

بكل الفلوس دي..بعدها بشهر واحد بس مات، ولما رُحنا ندور

على إبنه كان ساب فرنسا وجه مصر ، أكيد جوزيف دا إبنه بقا

وجي علشان يرجع كل الفلوس اللى راحت من أبوه

بدأ محسن يُفكر بجديه أكثر ثم قال:

- بس يا أحمد..إنت متأكد إن هو إبن ميخائيل كيرلس فعلاً؟!،

ممكن يكون تشابه أسماء بس

رد أحمد بعد إبتسامه ساخره لم يظهرها قائلاً:

- فعلاً..ممكن يكون تشابه أسماء، تشابه فى الإسم الأول والثنائى

ماشى..لكن الأول والثنائى والثلاثى كمان!!، غريبه!

دارت عينا محسن ناظرتا لكل جزء فى المكتب لثوان، كان مفادها

التفكير ثم قطع نظراته قائلاً لأحمد:

- إنت يا أحمد فكرتني بحاجات كتير أوى كان لازم أخذ بالى منها
كويس جدا!، بس إتأكدلى إن هو ابن ميخائيل كيرلس فعلاً، وسيب
الباقى عليا أنا
- تحت أمرك يا أستاذ محسن

قالها أحمد مبتسماً ففهمه محسن وقام بفتح الخزانة وأعطى له
أموالاً فأخذها ممتناً مبتسماً، ثم غادر المكتب

عاد جوزيف إلى منزله سعيداً ليخبر زوجته بخبر قبوله فى عمل
جديد، طرق باب المنزل فلم يفتح له أحد، تذكر أن مفتاح الباب
كان معه فقام بفتح الباب منادياً: دميانه

جاءت دميانه من غرفتهما باسمه ثم قالت: حمدالله على سلامتكم،
تعالا أنا محضراك أكل هتاكل صوابك وراه

- غريبه يعنى!!، مسالتينيش أنا إتقبلت فى الوظيفة ولا؟

ضحكت دميانه مخفية ملامح نسيانها تهنئة جوزيف ثم قالت:

- عيب برضه أسأل سؤال زي ده، أنا واثقه إنك إتقبلت طبعاً يا
جوزيف

- ربنا ميحرمينيش منك يا دميانه

فى الوقت ذاته، سمعا الباب يطرق!

فتح جوزيف الباب ليجد طفلة صغيرة تقف أمام الباب فقال لها
فى عطف: أيوه يا حبيبتى، تحت أمرك

- بابا بعنتي ليك علشان فلوس الإيجار

- إنتي بنت عمو تامر؟

- أيوه

-حاضر يا حبيبتى، ثوانى هجيلك الفلوس

ثم إستوقفته الطفله بعدما حرك قدميه داخلاً لإحضار الأموال
قائله:

- وخذ الورقه دي حط قصاد إسمك علامه صح علشان تبقا كدا
مكتوب

ضحك جوزيف قائلاً:

- ماشي يا عسوله، هاتي الورقه

أخذ جوزيف الورقه ثم توجه بها نحو غرفته ليأخذ أموال الإيجار
ويعطيها لابنة تامر، أخذ الأموال وأمسك قلماً وبدأ يتمم قارئاً:

« خالد عبدالرحمن، رفعت عبدالمجيد، جوزيف ميخائيل كيرلس،
وأدي يا ستي علامه صح، وإمسكي الفلوس في إيدك أهيه »

- شكراً

ثم أغلق جوزيف الباب ليكمل غداءه مع زوجته دميانه

- خلاص يا عم عبده، هتحتطلي الحجات دي في قبر فاضي، ومتمدنشن
فيه حد

- خلاص يا صفاء، هاتيها وأنا أدفنها لك

- هتدفنها في قبر لوحدها ولا إيه؟

- إنتي عاوزاني أدفنها لوحدها ولا مع التانيين؟

- لا أقولك، أنا عاوزه أدفنها لوحدها في قبر ميتفتحش تاني أبداً

- تمام، مفيش حانوتي غيري هنا، وأنا بس اللى بغسل أي جثث
بتيجي، هفتحللك بق الجثه، وأحطلك فيها العمل وأخيطة بحيث

مش هيبتفتح تاني أبداً

- بس مش القبر بيندفن فيه أكثر من واحد؟

- لا، فيه قبر إسمه لحد، دا بيندفن فيه واحد بس وعلشان كدا

كنت بحط كل اللى انتي بتديهوني بالطريقه دي، ولا الدنيا كلها تعرف تطلعه

- تعيش يا عم عبده، مع السلامه

- مع السلامه، بس تيجي مشخله بقا المره الجيه قالها الحانوتي ضاحكاً ضحكةً سفليه فردت صفاء قائلةً:

- أوامرك يا سيد الناس

غادرت صفاء المنزل الخشبي الصغير الذي يعيش فيه عبده الحانوتي بجوار المقابر، وعلى مرمى البصر كان هناك خيالاً يراقبها، حتي شعرت بأقدام تجري خلفها كلما كانت تقترب من هذا الخيال، متوجهةً إلى منزلها، بدأت صفاء تجرى مسرعه لتصل بسرعه إلى منزلها خائفةً، وأصوات الأقدام بدأت تزداد في أذنيها، لكنها لم تلتفت ولم تركز إلا في ركوضها السريع، بدأت تشعر أكثر بحركة الأقدام ما دفعها إلى زيادة سرعتها وزيادة سرعة دقات قلبها أيضاً في خوف، نظرت أثناء جريها للخلف ومع إستدارة رأسها تعثرت قدمها بحجر أدي الى سقوطها أرضاً، أما الظل الذي كان يطاردها لم تراه كوجه، ولم تري تفاصيل وجهه كشخص، بدأ هذا الظل يقترب منها أكثر فأكثر، ومع تدقيقها لم يكن ظلاً واحداً، فقد كثرت تلك الظلال السوداء، وخرجت على صفاء من كل مكان حولها، أيقنت صفاء أن تلك الظلال ليست مجرد ظلالاً ضوئيه، بل أنها أجسام سوداء لم تظهر إلا في ضوء القمر الواضح، فكرت في القيام من مكانها لتكمل رحلة الجري نحو منزلها، لكن تلك الأجسام السوداء بدأت تحيط بها أكثر فأكثر لتلتف حولها في شكل دائرة، لم يكن أمام صفاء حلاً غير الصراخ بأعلى ما لديها من قوه..لتستيقظ من نومها!!

إستفاقت صفاء من حلمها المرعب ، وقد سمعت سحر صوت صراخها فذهبت نحوها بسرعة لتري ما الأمر، ولكن صفاء كانت في حالة من الهلع والضييق الشديد حتي أنها بدأت تصرخ في وجه سحر طاردهً إياها من غرفتها ولكن سحر لم تتفهم لماذا تفعل ما تفعله، لقد إعتقدت سحر أن صفاء في تلك الفتره أصبحت صديقتها وأمها الحنونه التي لم تراها، خاصةً وفي الأيام العصيبه التي تعيشها، ولكنها أيقنت أن ما فيها لن يزول حتي ولو زالت حياتها، فلم تعتاد سحر منها إلا على ذلك..الصرخات والإهانه...

أما صفاء، فبعدما طردت سحر من غرفتها، ظلت في حالة من الهلع حتي بدأت تهدأ رويداً رويداً، وتفكر: ما الحلم؟!، ولماذا أحاطت بها تلك الشياطين السوداء، ولكنها توقفت لفتره عن التفكير متذكراً عبده الحانوتي الذي كان يساعدها في كل جرائم السحر السابقة التي كانت تقوم بها لإيذاء الناس، وتفكيرها الزائد برفعت زوجها قد يدفعها للإنتقام منه بطريقة « عم عبده »، وهو ما حدث بعد تفكيرها لربع ساعه...

فقد فكرت صفاء بالفعل في الإنتقام من رفعت لتجلبه كما يجلب المغناطيس الحديد، ولتتوصل لمن تريد خراب بيتها، وتلتهم حق أولادها، حتى هداها تفكيرها للساحر الذى كان معاونها الشخصى في عمليات الشر والأذى، مدافعةً عن ذلك وإن كُشف أمرها، بأنها تفعل كل ذلك من أجل مصلحة أولادها، ومن خلف باب غرفة صفاء، قررت سحر الإتصال بسميه صديقتها، لتخبرها بما يحدث، فلم تجيب سمييه، حيث كانت لا ترد على مكالمة سحر لها أكثر من مرة، وبعد أقل من خمسة دقائق..وصلتها رسالة عبر هاتفها المحمول من سمييه، كان محتواها: « معلى، مش هعرف أرد عليكى

دلوقتي، بس لازم تخلى بالك من كل تحركات صفاء اليومين دول، ولو معرفتيش تكلميني..إبعتيلي رساله، مع السلامه «، من هنا بدأت سحر في التركيز أكثر ما يمكن في كل تحركات صفاء دون أن تعرف سبب رساله سميّه المفاجيّه التي زادت من قلقها

إستيقظ خالد بعد إغماء لأكثر من يوم كامل، نظر في هاتفه المحمول فوجد يوماً قد مر وما زالت جثة كريم صديقه التي بدأت في التعفن بجواره، وجد خالد أكثر من أربعين مكلمه لم يرد عليها، كان أغلب تلك المكالمات من مجدى، والذي بدأ في إرسال الرسائل اليه بعدما لم يرد على مكالماته، كان من ضمن تلك الرسائل رساله من مجدى، تخبره بأنه سوف يعود غداً من بلدته الى الشقه، بدأ خالد في الإنهيار والقلق محاولاً تهدئة نفسه، ولكنه توصل الى الحل الوحيد، وهو دفن كريم ولكن..كيف؟!، قام خالد بنزع ملاءة سريره، ولف بها كريم في رعب، ثم قام بإحضار شيكاره ووضع فيها جثة كريم المكفنه، لم يكن خالد لديه خبرة أو وعى التصرف وقتها، بل أن ما كان يدفعه لذلك هو خوفه الباطن من جبل المشنقه، الساعه الآن الحادية عشر والنصف قبل منتصف الليل، إنتظر خالد حتي تكون الثانية عشر صباحاً، حتي حان الموعد... لم يدري خالد ماذا يفعل وقتها، ولكنه أقسم بداخله أنه سوف يفعل أى شئ من أجل إنهاء مهمته والتخلص من جثة كريم. دخل خالد الى المطبخ ثم أخذ سكيناً وقام بلف « شال » على وجهه لإخفاؤه، ثم حمل جثة كريم المخفاه ونزل بها من على السلم جارياً حتي وصل الى البوابه الحديدية للعماره ولكنه أيقن أنها ستصدر صوتاً عالياً لو قام بفتحها للخروج منها وقد تلفت

سمع أى شخص فى العماره، لذا فقد قرر خالد القاء جثة خالد من أعلى السور المحيط بالعماره، حيث قام خالد بحمل جثة كريم وألقاها من أعلى السور بصعوبة بالغه نتج عنها جرح ذراعه جرحاً كبيراً، ثم قام بعدها بالقفز، و خرج خالد من منطقة العماره مبتعداً عنها حاملاً جثة صديقه كريم بصعوبه حتى تعثر أكثر من مره ووقع أرضاً حتى وصل الى الطريق النائي التى لا تمر منه إلا سياره كل بضع دقائق، ووقف على الطريق المقطوع منتظراً مرور أى سياره، ومع مرور أول سياره قام خالد بالجرى نحوها، وفتح الباب وقام بتهديد السائق بالسكين الذى معه، ولم يطلب منه سائق السياره إلا تركه حتى ولو أخذ كل ما معه قائلاً:

« حرام عليك، سيبنى أمشى..ولادى مستنينى » ولكن خالد إستمر فى وحشيته واضعاً السكين على رقبة السائق قائلاً فى وحشيه: هاخده الليله وأسيهولك بكره، أو أحرمك منه للأبد..

لكن السائق نزل منه وجري فى ذعر والسبب وحشيه خالد الذى لم يكن يشعر قط بتصرفاته.

أسرع خالد بالسياره الذى إلتقطها من السائق الذى ظل يصرخ مستنجداً بأي بشرى حوله، ولكن المنطقه ميته..ولا جدوي من الصراخ فيها ولو لقرن!

ظل خالد مسرعاً بالسياره التى سرقها من صاحبها وهو لا يعلم الى أين يذهب!، قد يكون نسي هدفه الحقيقى مثلاً!، قد يكون نسي جثة كريم الذى أهدر دماؤه!، أو قد يكون غير هدف دفنه واستبدله بهدف آخر!!، أو قد يكون كلا الهدفان مفادهما واحداً!، وعلى نهاية مؤشر سرعة السياره يضغط خالد على الفرامل فتلتف السياره منه فاقداً التحكم فى سرعتها، كما أنه لا يشعر بنفسه

بتاتاً، ولا تزال السياره تلتف لقوة إيقاف خالد لها.. ثم وقفت السياره فجأة في مواجهة بيت عتيق وكأنه ينتظره.. نزل خالد من السياره، ثم تحرك في ببطء نحو هذا البيت الذي وُجد في منطقة يُسمع فيها صوت ((الإبره)) ولو وقعت على الأرض، إقترب خالد أكثر من بوابة المنزل، التى فُتحت وحدها عند إقترابه وكأنها تُرحب به للدخول في عالم لن يخرج منه، عالم السبعة أكوان المتوازيه والأرضين، عالم وُهم بأن معبوده يمتلك عرشاً فوق الماء، عرشاً وهمياً...

معبوداً طلب العباده من كل مخلوق على وجه هذه الأرض، لم يستجب لدعوته إلا من لا يفهم ولا يفقه ولا يعلم، إلا من ظلم نفسه بإختصار!!

« بإسمه معتنق الحبايا مسخر أذعيوت الموت مراقب الأحجيه لسبعة أكوان متوازيه وعرشه فوق الماء »
 جملةً تتردد في أذني خالد كلما كان يقترب من بوابة هذا البيت المهجور، جملةً لا يفهم معناها، ولا يُعرف قائلها، بل كان كل ما يعرفه فقط أنه في حالة سُكْر، سُكْرٌ أبدي، كانت بدايته « ناصور » ونهايته « لوسيفر »

مازال جوزيف سعيداً بوظيفته الجديده، ففى الشقة الأولى من عمارة عم تامر كان جوزيف يقوم بالتحضير لأول يوم عمل بعد قبوله بالقناه الجديده حيث كان يختار ملابسه بمساعدته زوجته دميانه لذوقها الأكثر من رائع الملابس والموضه، وبعدما ساعدته بدأت تُعد طعام العشاء له قبل أن ينام، كانت دميانه زوجة ماهره ومساعدته أكثر من رائعة، فقد كانت بذكائها تجذب قلب وعقل

چوزيف وكانت لديها موهبه خارقه لا يمتلكها سوي القليلون، تلك الموهبه هى التى تُمكنها من إختيار ما تقوله، وموعد قوله، لذا فقد رفضت دميانه الإفصاح عما رأته وما تراه من أحداث غريبه يومياً فى تلك الشقه، كما رفضت أيضاً الإكثار من إلحاحها فى طلب تأجير شقة جديدة فى منطقة أُخري أكثر حيويه، لأنها على علم بكل الظروف الصعبه التى يمر بها چوزيف فلم تقبل ولو للحظة أن تحمله عبئاً إلا بعد تحسن ظروفه، وأحواله الماديه، ليكون قادراً على تنفيذ طلبها، وأيضا تظل مالكةً لقلبه، الذى تفعل الكثير من أجل إرضاءه، والذى كان هدفها الأول، والتى تركت كل مالها وتخلت عنه من أجله....

بعدما تناول چوزيف طعام العشاء، جلس على الأريكه فى الصاله يقرأ ورقة قبوله بهدوء، ليتعجب من توقيع « أحمد رفعت عبدالمجيد » مدير القناه، فكر چوزيف فى الإسم الذى لم يكن غريباً عليه، ثم تذكر بعد تفكير قليل أنه ابن أحد سُكان العماره، لكنه إستبعد ذلك الإحتمال، وأيقن أنه تشابه فى الأسماء.. ليس إلا..

جاء الصباح، وجاء موعد أول يوم وظيفى فى القناه لچوزيف، ذهب إلى العمل فى حماسة منحتة إياها دميانه بكلامها، والذى هو كفيلاً بتغيير حالته إلى الأفضل دائماً، كان چوزيف لا يعرف ما ينتظره، فقد ظن أنه قد ترك فرنسا بكل ذكرياتها وما يرتبط بها، كما أنه لم يكن يعرف أى شريك من شركاء والده إسمياً أو شكلاً، فقد كان والد چوزيف دوماً ما ينفرد بالـ « بيزنس » الخاص به وكان لا يحب مشاركة أحد فى الرأى، حتى إنه الوحيد چوزيف!، لذلك كانت تخسر كل مشروعاته الأخيره

بسبب التنفيذ الخاطئ لها وإنفراده بالرأى، كانت آخر تلك

المشروعات التي خسرت .. هو مشروع القناة الفضائية الفرنسية والذي حمل إبنه نتيجة فعله الخاطئ على الرغم من أنه لم يكن له فيه أي ذنب.

دخل جوزيف مبنى القناة الفضائية ليستلم مقعده الجديد، جلس بجواره محمد مدير شؤون الموظفين ليعطى له بعض النصائح قاصداً جرّه في الحديث ليتعرف عليه أكثر، ولتبادل الحديث سوياً قائلاً: أخبارك إيه يا جوزيف !!!؟

- تمام جداً .. كله نعمه من عند ربنا

- على فكره أنا عجبنى جداً البرتفوليو بتاعك!

- بجد!! .. ميرسى يا أستاذ محمد دا ذوق حضرتك بس

- إنت خريج كلية الفنون الجميلة من فرنسا، مش كده ؟؟

- أيوه بالظبط، أنا كنت في فرنسا وإتخرجت من كلية الفنون الجميلة قسم جرافيك، و بحب الرسم الديجيتال جداً وكمان بحب أرسم بيدي، مالى البيت لوحات ليا ولفنانين مشهورين كمان

- إيه دا؟! إنت غاوى تشتري لوحات؟!!

رد جوزيف مبتسماً: أنا كنت بدخل مزادات غاليه جداً علشان أفوز بلوحه لفنان مشهور

- على كدا كنت بتكسب ف المزادات دى؟!!

- أيوه كنت بكسبها دايماً

- كانت الحالة حلوة بقى ؟

قالها محمد ضاحكاً ليرد جوزيف قائلاً:

- جداً، بس والدى بقى هو اللي عمل فيا كدا

- عمل ايه؟! دا طبعاً لو مش هيزعجك انك تحكىلى

- لا طبعاً، هو كان بيدخل مشاريع معرفش عنها أى حاجه، ولا

كان بيدخلنى فى شغله، ولما إتوفى عرفت من المحامى إن مشاريعه
أفلست كلها، وكمان المحامى عرفنى إنه مش عارفله أى ممتلكات
غير الفيلا!!

- طب ما كنت ممكن تبيع الفيلا وتشترى شقه عاديه تكمل
حياتك فيها

- دى مش فيلتنا أصلاً، دى فيلا واحد صاحب والدى إدهاله لما
راح يترهب فى الفاتيكان، وكده كده مش ليهم الحق نتصرف فيها!!
- يترهب ازاي؟!

- يعيش مع الرب يعنى، عندنا فى المسيحية الرهبانية هو نسيان
كل الكون بكل ما فيه نفتكر ربنا بس ونعمه علينا ونتقربله
بأعلى ما نملك «حياتنا»

ثم قام محمد بسرعه متذكراً عملاً كان قد طلب منه قائلاً: القعهه
معاك حلوه والله يا جوزيف بس إفتكرت شغل كان مطلوب منى
لازم أروح أنفذه حالاً بس على كل حال إحنا خلاص بقينا أصحاب
- أكيد دا شرف ليا

قالها جوزيف ناهياً الحوار، ثم غادر محمد مكتب جوزيف ليعود
إلى مكتبه جاهداً فى عمل طلبه منه «أحمد رفعت» مدير القناه،
وبعدما كاد أن ينهيه، وجد أحمد يدخل مكتبه قائلاً: مساء الفل
يا باشا، خلصت الشغل ولا لسه؟!

- أيوه، خلصته تقريباً، فاضل حاجات بسيطه جداً جداً..

- أوكى، بقلك إيه، إحنا عاوزين نجدد كل الجرافيك بتاع القناه

رد محمد فى بهجه:

- دا شئ جميل جداً، كمان مع رأس السنه الجديده هتبقا حاجه
حلوه وأكثر من رائع

- خلاص، عاوزك تكلم چوزيف
- حاضر، أنا واثق فيه جداً وعارف إنه هيساعدنا، شكله شاطر جداً
- وإنت عرفت منين إنه شاطر؟ إنت شفتله حاجه غير البرتوفوليو؟!، عمل هنا حاجه أصلاً؟!
- لا هو شكله مكافح جداً ومتحمس للشغل كمان
- غريبه!!، عرفت إنه مكافح كمان؟
- هحكيلك هو مكافح إزاي..
- إحكي..
- أنا قعدت معاه النهارده الصبح، كان في فرنسا و.....
- سرح أحمد بخياله لبرهه بعد سماع هذه الكلمات محدقاً العينين، متوقفاً عن الكلام، حتي لاحظ محمد سكوت أحمد وتركيزه أثناء حديثه معه قائلاً: أحمد، إنت معايا؟؟
- أه، أيوه طبعاً معاك
- وبعد كده المحامى كلمه علشان ينزل مصر، قبل ميتسجن بسبب قضايا الدائنين اللى هيرفعوها عليه، وكده كده مش معاه يدفع!!
- إنت متأكد يا محمد من الكلام ده؟
- أه ياعم، هو اللى حاكيلى كل ده بالحرف الصبح!
- أه، دا مكافح جد!!!!
- قالها أحمد هازاً رأسه في إبتسامه غريبه، ليرد محمد بنظره صاحبه:
- غلبان بقا هيعمل إيه
- قالها محمد ملاحظاً سكوت أحمد وإهتمامه، ناظراً له لبرهه، في حين أن أحمد ظل ساكناً لفترة أطول، ثم تحرك فجأة قائلاً: خلاص يا محمد، أول متخلص الشغل تعالالى بيه، هكون في مكتب الأستاذ
- محسن

- حاضر يا أستاذ أحمد، اللي تشوفو، تحت أمرك!!!!
 ظل محمد ينظر إلى أحمد متعجباً من تصرفاته الغريبه الأخره
 التى شدته وجعلت التساؤلات تدور فى عقله، عن أسباب تلك
 الحركات الغريبه منذ بداية تقدم جوزيف للوظيفه وسؤال أحمد
 عنه، وإصراره على رؤيته!!

أنهى محمد عمله، وكان عليه الذهاب الى مكتب محسن حيث
 ينتظره أحمد، أخذ محمد الأوراق، وذهب إلى مكتب محسن من
 الباب الخلفى، لم يكن أحدٌ عنده أو فى الممر المؤدى له، أراد محمد
 أن يسمع ما يدور بين أحمد ومحسن لعل الأمر متعلق بجوزيف
 بعد التصرفات المريبه التى قام بها أحمد، كانت شكوك محمد
 صحيحه، فقد سمع النصف الآخر من حديثهما، حيث شعر بأنه
 قد فاته نصف عمره لضياعه النصف الأول من الحديث، ليكن
 متفهماً أكثر من ذلك، لكنه سمع كل ما قاله منذ وجوده على
 الباب الخلفى:

- بينى إفهم، الموضوع ده مش غريب شويه

- أنا واحد مستغرب زيك بالظبط إن الصدفة حالفتنا النهارده

- طب إزاي برضه، وإشمعنا جه يشتغل فى قناتنا إحنا بالذات؟

- علمي علمك!!

مممكن يكون إكتشف مثلاً إن إحنا اللي أفلسنا أبوه ودايناه وجي

ينتقم منا؟

- معندوش أي دلائل، كمان هينتقم منا إزاي، وهو مجرد مصمم

جرافيك مممكن نرفده فى أي وقت، وكمان من كلامي مع محمد

مدير شوون الموظفين، عرفت إنه نازل وعارف إن أبوه أفلس،

وميعرفش إن شركاؤه هما اللي أفلسوه!!

- أمممم، طب والعمل إيه؟
- العمل إننا ناخد بالننا منه على قد منقدر الفتره الجيه علشان نعرف هو ناوى على إيه
- بس إيه عرف محمد مدير شؤون الموظفين بالموضوع!!؟
- شكله مصاحبه الفتره دى
- طيب، خلي بالك بقا منه هو كمان الفتره دي ليعرف موضوع فرنسا ده
- أكيد طبعاً، تحت أمرك...

سمع محمد تلك الكلمات وقد كان في قمة التعجب مما يسمعه، كان محمد يتعجب من أمر كلاً من أحمد ومحسن، ومما يفعلاه، فقد كان محمد متأكداً منذ البدايه أن جوزيف قد كان ضحيةً لهما ولأفعالهم الخبيثه، فهما المسؤولا عن حياة جوزيف وشقاؤه الحالى، وهما حاملا ذنبه إلى الأبد...

عرف محمد مفاد الحوارين، لكنه لم يعرف ما ينويا فعله، شعر محمد بالغباء، فقد ظن أنه هو من كان السبب في معرفة كلاً من أحمد ومحسن لجوزيف، لكنه تذكر طلب أحمد لرؤيته منذ البدايه عند تقدمه للوظيفه.

فكر محمد في إخبار جوزيف، لكنه لم يدري ماذا يقول له، فهو ينتظر معرفة مما ينويا فعله، ليقوم هو بإخبار جوزيف أو تخليصة من لعبة محسن الخبيثه، كما كان محمد في هذه الفتره لا يحب التعلق به حتي لا يكون سبباً في إيذائه بلا قصد كما حدث من قبل، وأيضاً عمل على أن يكون دوماً في حالة هدوء وجهل عن الموضوع الذى هو محور إهتماميهما في هذا الوقت.

مازالَت صفاء الآن تُفكر فيما سوف تقوم به، فقد كان هدفها الحالِي هو جذب رفعت للتعرف على الإسم المذكور في عقد الزواج العرفي الذي وصلها!!

لم تكن صفاء مقتنعةً بما قالتَه سحر لها، وعلى الرغم من ذلك لم تكن تستبعده، وهنا بدأت صفاء تفكر في طريقة توقع بها سحر ولكنها فشلت فيها، لكنها إستمرت في التفكير في الخطط الأخرى!!، الخطط التي تنوي صفاء بها الإنتقام من زوجها رفعت، فقد توصلت الى الحل النهائي وهو إيذاء رفعت بعمل سحري تقوم بدفنه في إحدى المقابر بمساعدة « عبدو »، ذلك الحانوتي الذي إنعدمت رحمته، وإنعدم إحترامه لحرمة الموتى، حددت موعد ليلة الأحد للذهاب إلى الساحر لتحضير عمل شيطاني تتفهم بمساعدته ما يحدث في تلك الفتره لرفعت، ومن هي زوجته المذكوره في ورقة الزواج العرفي بإسم « نبيله عادل كمال »

عادل كمال!!، لقد سمعت صفاء هذا الإسم منذ فتره، لكنها لم تتفهم لمن هو.. حاولت التذكر ولكنها لم تُهدي إلى أية إجابة، ولكن كل ما يشغل بالها الآن هو التوصل لها ولرفعت..

لكن رفعت لم ينتظرها لتتوصل له، فبعد بضعة لحظات من تفكيرها وجدت باب الشقه يترك، وإذ بسحر الخادمه تتوجه للباب لتفتحه وبعدها قامت بفتحه توجهت لغرفة صفاء قائلةً: « الأستاذ رفعت عاوز يكلمك »

تغيرت ملامح صفاء من بعض الهدوء إلى الغضب الشديد، لكنها لم تصرخ هذه المره كعادتها، بل ظهرت عليها علامات الغضب فقط. دخل رفعت إلى غرفتها قائلاً: « صفاء، كل الكلام اللي شوفتيه ده كذب..والله العظيم كذب، الصوره اللي من عقد التنازل دي مزوره،

صورة الجواز العرفي دي كانت من قبل مأتجوزك أصلاً بكتير أوي،
فكري يا صفاء في اللي بتعمله..فكري في ولادنا اللي هتتعلق ما
بيننا لو إنفصلنا يا صفاء.....»

- مش هننفضل، متخافش..

قطع هذا الصوت صوت رفعت، ثم أكملت صفاء قائلةً:

- مش هننفضل، ولا هيتعلقوا، ولا هيتشردوا

- معني كده إنك موافقه إننا ننسي كل اللي فات و نرجع تاني؟؟

- لا مش هنسي، ولا هنرجع

تعجب رفعت من إجابات صفاء المتناقضه ثم قال في هدوء: أمال
ناويه على إيه؟!

- إطلع بره يا رفعت، إطلع بره ومعدتش تيجي هنا بيتي تاني، دا
بيتني أنا، مش بيتك..

خفض رفعت رأسه أرضاً ثم قال في تعجب: بصراحه أنا مش عارف
مالك، شكلك غريب وإجاباتك غريبه ومفهمتش إنتي
ناويه على إيه..لما تبقي كويسه هجيلك يا صفاء، هجيلك وساعتها
يارب الأوضاع هتتحسن!

ضحكت صفاء ضحكه عاليه أثناء خروج رفعت قائلةً: « وإبقا
سلملي على نبيله عادل كمال»

الآن.. غادر رفعت الشقه للمره الثانيه بعدما طردته صفاء منها..

أما صفاء، فقد كانت تنوى إستكمال حُطتها الشيطانيه بمساعدة «
عبدو « الحانوتي و الساحر الذي يدعي الإحتراف في المهنة الخبيثه..
كل هذا وقد كانت سحر في قمة الذعر لأنها من سوف تتأذى
أذيةً كبيره لو عُلِم أنها من قامت بتقسيم الأسره، وأفسدت ما
كانت عليه من توافق..

كانت سحر تعلم أن صفاء لها أولوية الرأي والأمر في المنزل، وكانت أيضاً تعلم أنها هي دوماً من كانت تُحرض رفعت على الشر وتفسد ما به من قلب طيب..

كل هذا لايهم، لكن المهم بالنسبة لسحر هو معرفة سبب إهتمام سُميه البالغ بالقضية، فقد قررت سحر التوقف، وقررت أيضاً إخبار سُميه بذلك، فقد جاء قرار سحر بعدما رأت ما تعانيه الأسرة من مشاكل وأحست هي بالذنب، فلم تكن سحر سوي طفله!!، طفله لا تمتلك من العمر سوي خمسة عشر عاماً، بينما كانت سمية في العشرين من عمرها..جاء إحساس سحر بالذنب لأنها شعرت أن سُميه هي من تقوم بتحريكها كالدمية، فقد قررت أن تستقل برأيها وتسامح أسرة رفعت على كل ما بدر منهم تجاهها، فهي لم تعد تتحمل المزيد من المشاكل، فكرت أيضاً في الهروب لبلدة بعيدة بعد مصارحة سُميه..أرسلت لسُميه رساله تتضمن: « يا سُميه ياريت تكلميني لما تفضي »

كانت سُميه مشغوله كعادتها ولا تعرف سحر السبب، ولكن في تلك المره لم تستجيب لمحتوي رساله سحر لتقوم بإرسال رساله أخرى ترد فيها قائلة: « لا يا سحر مينفعش تتنازلي عن حقك، إنسي خالص إنك متكمليش..وخلي بالك يا سحر من كل تحركات صفاء دلوقت، وبلغيني كل اللي يحصل أول بأول في رساله..متتصليش وخلي بالك من نفسك »

تعجبت سحر من أمر سُميه التي ردت عليها في الحال وقبل أن تقول لها ما تريد قوله، ولكنها أيقنت أنها تقبل على مرحلة من أصعب مراحل حياتها..كما أنها لا تريد أن تعصى سُميه متذكرة فضلها عليها بعدما خرجت من الملجأ، على الرغم أيضاً من تغيير

رأيها وتراجعها عنه بعد رسالة سميهِ..
الليله هى ليلة الأحد..

تذكرت صفاء أنها على موعد شيطاني الليله بعدما نظرت إلى
التقويم فوجدت مكتوباً في أسفل الورقه:
« لراحة ضميرك..إعترف بأخطائك..ولنفسك أولاً »
وقفت لبرهه أمام تلك الجمله مفكرهً في معناها، فلو إعترف كلُّ
بأخطائه لانتهت كل المشاكل..لو إعترفت بخطاياها القديم، وإعترف
رفعت بخيانتته لها..وإعترفت سحر بإعلامها ذلك..وإعترف..وإعترف..
لما وصلنا لكل ما فيه الآن..

جاء الليل، وحن موعد خروج صفاء للذهاب إلى الساحر الذي
يُدعى « أبو داوود »، كان هذا الساحر هو الأقوى في منطقة مجاوره
وهو أقوى من تعرفهم صفاء في المجال الشيطاني، كانت سحر
تستعد بعدما عرفت أن صفاء تقوم بإرتداء ملابس الخروج، أرادت
سحر اللحاق بها وتتبعها كما طلبت منها سميهِ ولكنها كانت في
تردد، حتي إستقرت مؤخراً على رأي واحد، وهو الذهاب خلف
صفاء لمعرفة إلى أين هى ذاهبهً، وإخبار سُميه في الحال..

بعدما قام مجدى بالإتصال عليه كثيراً ولم يرد، عاد مجدى للشقه
متوعداً خالد بعدما تجاهله، ولكنه في الوقت ذاته كان في أشد
القلق خاصةً وأنه لم يكن معتاداً على تجاهل خالد لمكالماته أو
لرسائله..

دخل مجدى الشقه زاعماً وجود خالد كالعاده، ولكنه هذه المره
لم يجد له مثنوي نهائياً

- خالد، خالد، إنت فين يابني؟؟

قالها مجدى منادياً ولكن دون جدوي.. كأنه « فص ملح وداب » بدأ
مجدى يحاول الإتصال به، لكن الهاتف رن بجواره، فأدرك مجدى
أنه قد يكون ذهب لمكان ما وسوف يعود وقد نسي هاتفه
المحمول أو خُطف ولن يعود!!

دخل مجدى إلى غرفة نومهما مكملاً عملية البحث عن خالد،
ولكنه لم يجده، بل وجد ما لم يكن يريد أن يجده!!

شموع مضيئة وكأنها جديده، وبجوارها الكتاب المشؤوم « كتاب
شمس المعارف الكبرى »!!، ولوح خشبي مدون عليه حروف وأرقام
عربيه، دُعر مجدى من رؤية تلك الأشياء، فأيقن حتماً أن خالد كان
يقوم بإحدي عمليات إستدعاء الأرواح، ولكنه دُعر أكثر عندما نظر
أسفل يمين الطاولة التى وُضع عليها الكتاب، ليرى سكيناً ملطخاً
بالدماء!!، إرتبك مجدى وحاول السيطرة على أعصابه، لكنه لم يملك
سوى البكاء.. فأيقن أيضاً أن الجن قام بقتل صديقه وإخفاؤه.. أو أن
خالد قام بقتل نفسه وأخفاه الجن أو أن.. أو أن.. أو أن....

ازدادت التساؤلات في عقل مجدى والتى لم تهديه كلاً منها إلا إلى
إبلاغ الشرطه، وفي الحال.. قام خالد بإستدعاء الشرطه للبحث عن
الجانى والمجنى عليه وأيضاً قامت الشرطه بالتحقيق مع مجدى
لمعرفة المزيد عن الحادث منه.

إعترف مجدى بكل ما كان يعرفه عن فضول خالد، وأوضح الحريق
ذا السبب المجهول الذى أُضرم فى شقة الدور الخامس ومن هذا
اليوم وخالد فى فضول رهيب لمعرفة سبب هذا الحريق، كما أوضح
مجدى أيضاً أنه كان فى إجازة لبلدته لزيارة أمه التى مرضت فجأةً
تاركاً خالد فى الشقه وحده، وعندما عاد لم يجد سوي دماء وشموع
مضيئة ولوحاً كُتبت عليه الحروف الأبجديه العربيه والأرقام من

صفر لتسعه، ولكنه أكد أنه لم يكن يعرف أن لخالد نية للقيام بأي عمل يرتبط بهذه الأدوات، ولكنه على النقيض الآخر قال أن خالد كان يمتلك كتاب شمس المعارف المفتوح أمامهم وكان يقرأه كثيراً ويحاول فك شفراته، كما كان هو يحذره منه ولم يقرأه معه إلا مرة واحدة وكان ينام تاركه ساهراً أمامه.

أخذت الشرطة السكين لتقوم بفحص البصمات ولكن لم يكن هنالك أية أثر لبصمات أي شخص على السكين، ظنت الشرطة أن القاتل كان مستعداً بمهارة لهذه العملية، ووصلتهم أخبار من مجدى أن عملية القتل مؤكده، لأنه لم يجد ملاءة إحدى سرائر الشقه، عاش مجدى في ذعر وخوف وألم وبحث متواصل عن صديقه لكن الأمر ازداد سوءاً، فانتشرت في هذا الوقت أيضاً أخبار إختفاء زميلهم كريم، لكنه إستبعد أن تكون كلا الجريمتان مرتبطتان لأنه كان يعلم أنه ليست هناك علاقه قويه تربط بين خالد وكريم لتقوم بينهما مثل تلك الأعمال.

نتوقف الآن عند التغيير المفاجئ لكل ساكنى عمارة « تامر » بإستثناؤه هو وأسرته...

فچوزيف في الدور الأول على أعتاب تغيير خطر نتيجته لصدفه لم يعرف عنها أي شئ حتي الآن، ومجدى في مسألة إختفاء صديقه خالد في ظروف غامضه، أما الدور الثالث فهو في إنتظار عملية الشر لمنفذته التي لم نعرف عنها بعد أكثر من أنها زوجة محامي مرموق، إنفصلا بسبب سحر وسميه ولم نعلم حتى الآن من أين عثرت سُميه على تلك الأوراق الخطره، لنعتقد حالياً أن الصراع بين

سميه وصفاء وهما يحصرا سحر بينهما كالمرسال، أما عن الدور الرابع فقد كان يعيش تامر مع زوجته نوال في قمة التعجب مما يحدث، ما سبب حريق الدور الخامس؟، وما سبب زواج رفعت لمرة ثانية، وما سبب إستيقاظ إبنتهما الصغيره چني في منتصف الليل لتقف في البلكونه وتفتحها وهى ليست في وعيها؟، فقد كانت الطفله تستيقظ من نومها عند منتصف الليل حاملهً معها دميتها لتقف بها في البلكونه على السور، وعند سماع صوت البلكونه يُفتح..يتحرك تامر بسرعه نحو غرفتها فلا يجدها في فراشها، بل يجدها تقف على سور البلكونه محدقة العينين، حاملهً دميتها دون أن تتكلم!!، حدث هذا عدة مرات منذ ليلة إعلان إختفاء خالد، الأمر الذي دفع والديها على جعلها تنام معهما في غرفتهما، وظنا وقتها أن هذا قد يكون « مشي النيام » مستبعداً أن هناك سراً غامضاً وراء ما تفعله، وما يحدث في العمارة بأكملها

----------*

كانت تلك الجريمة هى الأكثر غرابه بالنسبه للمباحث التى تقوم بتمحيص القضية ولكن بلا أى جدوى، فلم يكن هناك أى دليل أو أثر يبين مكان خالد، النقيب ((ماجد عبدالحفيظ)) يقوم الآن بالتأمل في قضية إختفاء خالد ويساعده أهل الحى والعماره في ذلك.

- معقول ده؟!، دى أغرب قضيه شوقتها في حياتي، معقول ده ممكن يحصل فعلاً؟!، والكتاب ده ممكن يخفى طالبين من نفس الجامعه وفي نفس اليوم بالطريقه دي!!؟!!

قالها ماجد في تعجب، ناظراً في أوراق القضية، ليرد مساعده قائلاً:
- ياباشا والله كلنا في حالة حيره وتعجب من اللى بيحصل، ومفيش

حد فينا فاهم أى حاجه!، ولا لاقين ليهم أى جُرّه كإنهم فص ملح وداب

- عمتاً إحنا مش هنتعامل غير بدليل عقلى وعلمى ومش هنبص على إعتبار وجود السحر والجن والكلام ده، كل ده مش دليل، الدليل الوحيد اللى هيثبتلنا إننا نوصل للمختطفين أو نلاقيهم جثث، يعني لازم تعثروا على خالد وكريم فى أسرع وقت علشان الضجه إلى بتحصل فى الجامعه

- تحت أمر سيادتك يا ماجد باشا وقتها دخل الحارس فى لهفة قائلاً: ماجد باشا، ماجد باشا، الكنيسه اللى فى آخر الحى اتفجرت - إيه؟!، إيه اللى إنت بتقوله ده؟

إقترب خالد من بوابة المنزل أكثر فأكثر ففتح وحده ومع إقترابه وجد من يخرج له قائلاً: تعال، ننتظرك منذ زمن.. دخل خالد مع رجل كثيف الشعر الأبيض يتكأ على عصا إلى غرف متداخله ومتدنيه، لها حوائط مموجه أدت فى نهايتها الى صالة كبيره يعلو فيها صوت موسيقى صاخبه، ظل لفترة طويله ينظر للصاله متأملاً صفوف البشر العاريه، وحاملى براميل الخمر ، وجماعة أخري تسجد لصنم غريب الشكل.. ثم بادره الرجل بالحديث قائلاً: تفضل..بافوميت ينتظرك فى القداس الأسود..

لم ينتظر محمد الفرصه لتأتى لإخبار جوزيف بل فكر فى إخباره

في الحال، إنتظر مروره من أمام مكتبه حتى مر بسرعه ذاهباً إلى مكتبه، إستوقفه محمد قائلاً: جوزيف، أنا...

- إزيك يا أستاذ محمد أبارك إيه، فينك ياعم من زمان
- جوزيف، أنا تمام، تمام جداً بص أنا كنت عاوزك في موضوع مهم جداً جداً مش هينفع نسكت عليه
- أنا معاك يا محمد إتكلم..

وفي آخر مرمى البصر وجد كلاً من جوزيف ومحمد أحمد قادماً عليهما حتي وصل لهما قائلاً: إيه يا جماعه، مش عند شغلكم ليه

- معلش والله يا أستاذ أحمد، أنا لسه جى حالاً وداخل مكتب المونتاج دلوقتي

قالها جوزيف بإبتسامه لطيفه، ليرد أحمد في إبتسامه صفراء:

- طيب يا جوزيف، إحنا كنا عاوزين نغير الجرافيك بتاع القناه كلو علشان رأس السنه
فرد جوزيف في حماسة قائلاً:

- أكيد طبعاً أنا عرفت من الأستاذ محمد

- أهمني لو تبدأ دلوقتي فيه حالاً، وتأجل شغل جرافيك البروموهات
- تحت أمرك يا أستاذ أحمد، إعتبرني بدأت فيه حالاً، بعد إذذك يا أستاذ محمد، نتكلم في الموضوع ده بعدين
قالها جوزيف ثم ذهب إلى مكتب المونتاج على الفور
- إفضل يا جوزيف

قالها محمد ناظراً لأحمد ثم أضاف: أستاذن أنا كمان يا أستاذ أحمد، هروح أشوف شغلي

- إفضل، إفضل يا محمد بيه

قالها أحمد في نظرة إقلال

ذهب أحمد إلى مكتب محسن بعدما جاء إلى مبني القناه وكانت
الساعة تقترب من الواحده ظهراً ثم بدأ الحديث: « يا محسن
باشا فيه حاجه »

رد محسن وقد كانت تبدو عليه علامات التركيز قائلاً:

- خير يا أحمد

- شفت محمد وچوزيف مع بعض النهارده

- وإيه اللي حصل؟

- معرفتش هما بيقلو إيه، بس اللي عرفته إن فيه موضوع لإن
چوزيف كان بيقول لمحمد هنتكلم فيه بعدين

- أكيد الموضوع ده ميخصناش يا محمد

قالها محسن صارفاً نظره، ليرد أحمد في لهفه:

- الإحتياط واجب، ولازم نعرف بيتكلمو في إيه، لو معرفناش حاجه
جديده هيفيدونا بمعلومات أياً كانت

- خلاص يا محمد، إزرع مسجلين تجسس في مكتبهم هما الاتنين
وراقب تليفوناتهم

- حاضر يا محسن باشا، ده اللي هيحصل في الحال.

- نوال، نوال، يا نوال

قالها تامر وهو يوقظ زوجته ليلاً بعد سماع صرخات غريبه في
غرفة إبنتيهما لترد نوال بصوت غير مفهوم:

- الماضي بيتكرر يا تامر، اللي حرق هيتحرق، واللى قتل هيتقتل،
واللى سيل الدم هيسيل دمه، واللى أذي هيتأذي

نظر لها تامر في تعجب قائلاً:

- بسم الله الرحمن الرحيم، نوال، إنتي بتخرفي ولا إيه، إصحي يا نوال

وقتها قام تامر بهز زوجته فوجد عيناها قد تحول لونها للأحمر الدموي، صرخ تامر وإبتعد عنها محاولاً شد إبنته الصغيره من جانبها، فأمسكت إياها بيديها ثم قامت لتجلس على السرير تضحك ضحكات عاليه وتتكلم بكلمات غير مفهومه بصوت عال:
« هيكساكوسيوهيكسيكونتاهيكسا »

هيكساكوسيو، يهيكسيكو، نتاهيكسا

- نوال إنتي بتقولي إيه، فوقي

هاهاهاهاها هيكساكوسيو، يهيكسيكو، نتاهيكسا، هاهاهاهاهاهاها
ثم تغير صوت نوال ليزداد خشونة وصخباً وازداد الدم السائل من عينيها ضاحكةً ضحكات شيطانية: « جه الوقت يا تامر اعترف »

- إنت مين، إنت مين وعاوز إيه، سيب مراتي، هحرقك

- هاهاهاهاها، أنا الى إنت أذيتهم، أنا الحق الى سكت عليه، أنا اللعنه الى هتصيبك وهتصيب كل من يعرفك

هيكساكوسيو، يهيكسيكو، نتاهيكسا

- أشهد أن لا إله إلا الله، أشهد أن لا إله إلا الله قالها تامر راكضاً إلى خارج الشقة

إرتدت صفاء ملبسها ثم خرجت من غرفتها وقد كانت سحر تجلس على إحدي أرائك الصاله منتظرة خروجها، سارت نحو الباب ثم ألقت مفاتيح المنزل بجوارها قائلةً: المفاتيح أهيه، متفتحيش لحد لو خبط، ومنتزليش ردت سحر في طاعه:

حاضر يا ستي، تحت أمرك

ولو رفعت جه، قوليله ستي هنا ومش عايزه تقابلك، أطرديه

يعني

- تحت أمرك

ثم خرجت صفاء من الشقه بينما سحر ظلت لبرهه حتى تأكدت من نزولها، قامت راكضةً إلى غرفتها، إرتدت ملابسها في ثوان معدوده، كانت الساعه العاشره مساءً عند خروجها من الباب، نزلت بسرعه على السلم لتجد أحدهم في وجهها عند بوابة العماره - إزيك يا سحر عامله إيه؟

- بسم الله الرحمن الرحيم

قالتها ملتقطه أنفسها، ثم أكملت: عم صلاح إزيك أخبارك إيه

- لسا فكراني

- طبعاً منساش وقفتك جنبى لما وديتنى القسم

- صحاب البيت عاملين معاكى إيه دلوقت

- كويسين، كويسين ياعم صلاح، معلش أستأذذك بس علشان مستعجله

قالتها سحر راغبةً في إنهاء الحوار، ثم رد صلاح في هدوء:

- إفضلني يا بنتي، لو عزتي حاجه أنا وريتك مكاني، وخلي بالك من نفسك..مع السلامه

- مع السلامه، مع السلامه ياعم صلاح..

أسرعت سحر مبتعدةً عن محيط العماره النائيه حتي نظرت على مرمي بصرها فوجدت سيارة تاكسي تستقلها صفاء وتتنجه بها على الطريق الطويل، ظلت سحر تنظر حولها ومن حسن الحظ وجدت إحدي سائقي التاكسي يستقل سيارته في سرعة عاليه جرت

نحوه قائله: لو سمحت والنبي، أنا أمى بتموت وعاوزه ألحقها
وممعييش أى فلوس ساعدنى والنبي
- لا حول ولا قوة إلا بالله، تعالى يا بنتى إركبي معايا
ركبت سحر مع سائق التاكسى ثم أوضحت له أن يتبع التاكسي
الأخر، مشيرةً له عليه..
كُتبت سحر رساله لسميه قائلة: « سميّه، أنا دلوقتي ورا صفاء،
ومستنياها تقف علشان أنزل وراها »
لم ترد سميّه على هذه الرساله، وبعد عشرة دقائق من القيادة
إستقر التاكسي عند إحدى البيوت القديمه التي تصطف عندها
العشرات من المقاعد المنتظره دورها.. نزلت صفاء من التاكسي ثم
أعطت الأموال للسائق ودخلت إلى داخل المنزل ولم تنتظر دورها
كباقي المنتظرين، استوقفت سحر السائق قائلةً له: نزلنى هنا لو
سمحت، مش عارفه أشكرك ازاي
- لا مش هنزلك طبعاً
قالها السائق في وحشيه، فنظرت اليه سحر في تعجب قائله: نزلني
لو سمحت إنت ساعدتني ومتشكره
مسك السائق سحر من زراعها قائلاً: إنتي جيه هنا علشان تياذي
مين يا بت؟!، انطقي لأقتلك
- والله منا جايه أأذي حد، أنا جايه بس لناس قرايبى هنا، وأمي
مريضه وبتموت عندهم
- أمك بتموت عند أبو داوود الساحر يا روح أمك؟!، ومين اللى في
التاكسي دى
- دي مرات أبويا، جيه تياذي أمي وتعملها عمل، أمانه عليك نزلنى
هنا وسيني وأنا هتصرف، أنا مش هدخل البيت ده اصلاً

ترك السائق زراع سحر قائلاً: أومال جيه هنا ليه طالما مش هتدخله

- فيه شباك ورا منور، أكيد الأوضه دي بتاعة الساحر، هروح وأحاول أسمع هيقول ايه للست دى

- لو كدا بيقى تعالى معايا، وأنا هساعدك، جدعنه منى بس..بس لو ناويه تاذي حد يابنتى منصحكيش، الطريق ده مش كويس وأخرته جهنم

ثم ردت سحر فى لهفة مقنعه:

- والله أنا ماناويه أأذي حد، أنا جيه خايفه من إنها تاذينا

- تعالى، تعالى يا..!؟

- سحر

- تعالى يلا هنروح عند الشباك ونعرف كل حاجه عاوزه تعرفيها

----------*

كتبت دميانه فى دفتر يومياتها: « لم أكن خائفةً ذات يومٍ مثلما أنا خائفة الآن، لقد عشت أياماً صعبه، وظروفاً مريره..لم أشعر فيها يومٍ بالخوف، بل كانت تلك الظروف تزيدني أملاً وقوةً، لكنى هذه المره أشعر بأن نهايتي قد إقتربت..أشعر أننى وحيدته رغم وجودي مع شريكى فى الدنيا، الذى كنت أتمنى أن أكون معه منذ زمن، لم يتحكم الخوف فى قلبي من قبل إلا فى هذه المره التى أشعر فيها بنهايتي..ليس الخوف من شبحٍ يتحرك فى صورةٍ أو يختفى منها، أو عددٍ حسابي يتحكم فى البشر كما يقال، لكن الخوف من الوحده هو ما يجعلني أتأكد من نهايتي، نهايتي التى لم أكن أتوقع أنها قد إقتربت، لا أعرف سببها رغم كل ما أشعر به الآن، لم أتوقع أحداثها رغم علمي بما يحدث، لم تكن وحدتي وحده

روحية فقط، بل أن علاقتي المعدومه تصنع لي الكثير من الفراغ في حياتي، لقد كنت أتمنى المزيد من الوقت حتي أعيش في طمأنينه، حتى أكتسب الأصدقاء، حتي أري ولدي الذي يتحرك داخل رحمي يلهو بجانبني أنا وچوزيف، ولكني أثق في ربى وهذا يكفى، أبانا الذي في السماء.. انقذ أرواحنا، فقد أتى الشيطان.

أنت هنا في أرض بافومييت، أرض الحريه، أرض المتعه والشهوه، هنا يمكنك فعل كل ما تحب، هنا يمكنك فعل كل ما تشتهى، لن يحاسبك أو يعاقبك أحد، فلتُقلب الصلبان، ولتُحرق ما تسمي بالكتب المقدسه، ولتعم المتعه في أرض بافومييت ببركة لوسيفر هيوسوفوروس حامل نور نجمة الصباح - وهبت نفسي جسداً وروحاً للوسيفر الأعظم ثم رد مخاطباً الجمع قائلاً:

رددو معي يا خدام وكواهن لوسيفر هيوسوفوروس: نسجد ونعظم لك يا لوسيفر، يا أيها الملك العظيم، سوف تُركع العالم تحت سحر قدميك، ساجدين من أجلك..سافكين الدماء من أجلك، تحقير من أجلك يا أيها الملك العظيم، سجدوا سجود سجود

دخل الي الغرفه التى تقف علي بابها خادمتان سمحا له بالدخول بعدما أعطي لهما بعض الأموال، دُهِش من منظر الغرفه التي تتوسطها دائرة تخرج منها النيران التي تتعالى كلما ألقى فيها الساحر البُخور، دُهِش أيضاً من منظر الجدران العتيقه والمُتعرجه وجماجم الحيوانات التي قد وُضعت على مناضدها...

- طلباتك

سمع هذه الكلمة التي شدت انتباهه عن التأمل في الغرفة ليرد قائلاً:

- يا ابو داوود، أنا مراقى ملبوسه، طلعتلي على هيئة عفريت وبتقول كلام غريب أنا مش فاهمه وبتنى بتطلع تقف في البلكونه في نص الليل وهى مش حاسه بنفسها
رش الساحر البخور في قلب النيران قائلاً:

- يا غفوووور، يا جبااااا، إبعثهم يا جبااااا بالأخبار، يا غفوووور.

إلتقط أبو داوود أنفاسه بسرعه وهو يرش البخور أسرع فأسرع في قلب النيران ثم توقف فجأةً مغمضاً عينيه قائلاً: يا غفوووور، يا جبااااا، هيكساكوسيويهيكسيكونتاهايكسا
- أيوه، كانت بتقول كدا، كانت بتقول كدا

- لعنه، لعنه وحلت على عمارتك يا تامر، لعنه شيطانيه، مش هتروح غير لما اللى حرق يتحرق، واللى قتل يتقتل، واللى سيل الدم يسيل دمه، واللى أذى يتأذى، والماضي يكرر نفسه والحق يرجع

- فهمني يا أبو داوود، مش فاهم

- الشيطان لاعنكم يا تامر، التلت ستات يا تامر، الستميه سته وستين مش هتفارقك أبداً لما الإشاره تظهر، رقم الستة حذر منه، لما يظهرلك تبقا الإشاره بدأت في الدور الرابع، زي مظهرت زمان في الدور الخامس

- أنا مش فاهم حاجه يا أبو داوود فهمنى

- لا، إنت فاهم وعارف كويس إيه اللى ظهر في الدور الخامس زمان، ثم فتح الساحر عينيه قائلاً: إمشي، إمشي يا تامر..مراتك

وبنتك كويسين، لما الإشاره تظهر وييقا القمر مُحاق هتلاقيني في
بيتك يا تامر، يا جبااااااااااا، يا غفووووووور
خرج تامر مسرعاً من غرفة الساحر وأثناء توجهه لصاله الخروج
وجدها في وجهه

- صفاء؟؟!

- تامر؟؟!

- بتعملي إيه هنا؟؟!

- خلاص يا تامر، الإنتظار طال، دلوقتي إحنا في وقت الخلاص

- إوعي تكوني ناويه عالي في بالي

- أيوه ناويه عالي في بالك يا تامر، رفعت لازم يموت دلوقت أو
يتجنن، وأرجع من مطرح مجيت - أنا هستناكي بره يا صفاء،
خلصي وتعالى

- ماشي يا تامر، بس مقولتليش كنت هنا ليه؟!

- نوال، كانت تعبانة شويه وجيت أشوفلها حاجه، أدخلني يالا هو
أكيد مستنيكي جوه

- حاضر

ظل كلُّ من سحر وسائق التاكسي ينتظروا دخول صفاء وهما
يتجسسا عليهما من الخارج حتي سمعا الحوار التالي: - يا هلا
هلا هلا بالعميله القديمه، حيوها يا مبعوتين من الجبااااااااااا

- أهلا يا أبو داوود

- عاش من شافك يا صفاء، عمل ولا تفريق

- موت، موت يا أبو داوود

- ودا مين سعيد الحظ

- جوزي يا أبو داوود، ثم نظرت صفاء للسقف في بطء وهدوء

لم ترد سميّه على رسالة سحر في وقتها، بل ردت بعد نزولها من السيارة، شكرت سحر سائق التاكسي الذي نصحتها بالإبتعاد عن هذا الطريق بعدما تبطل العمل الذي أعدته صفاء لوالدها حسبما عرف.

إختفى السائق ونظرت سحر أمامها لتجد ظلاً بعيداً عنها شئ ما، عرفت فيما بعد من حركته أنه « عم صلاح » وتساءلت بداخلها عن سبب وجوده لكنها صعدت الى أعلى بسرعة ووقفت في إحدى النوافذ المُطله على الشارع لتجد سيارة تاكسي تقف ويخرج منها صفاء وتامر صاحب العمارة، لتندهش وتجد الهاتف يرن، إنها سُميه..

إنتهى جوزيف من عمله مبكراً ليعود لشقته وقبل دخوله وأثناء وضع المفتاح في الباب وجد الصليب المُعلق على الباب مقلوباً ومثبتاً بمسمار كيفما كان، حاول أن يعيده إلى وضعه الطبيعي لكنه عجز لصعوبة تثبيته، دخل إلى الشقه فلم تقابله دميانه كعادتها بل إنتظرتة جالسةً على إحدى أرائك الصاله، حياها فردت التحيه بصوت خافت ثم قال لها: الصليب اللى على الباب مقلوب ليه؟!،

- مش عارفه يا جوزيف، مطلعتش بره ومشفتوش

- طيب طيب هعدله دلوقت، أهم حاجه إنتي عامله إيه

- كويسه، أنا هقوم أجيبك الغدا

قالتها وقد ظهرت عليها علامات البؤس

مسكها من زراعها قائلاً: إستني يا دميانه، مالك

- مفيش حاجه يا جوزيف، داخه شويه بس

- طب لو كده، إرتاحى وأنا هجيب الغدا لنفسى

- لا يا جوزيف، هجيبك الغدا وأرتاح بعد كده
 ظل جوزيف ينظر لدميانه ملاحظاً خطواتها الضعيفه وسيرها
 المتعرج...
 جاءت له بالغداء، فرغ من طعامه ثم قال لدميانه: مالك يا
 دميانه فيكي حاجه مش طبييعيه ليه؟!
 - كان فيه موضوع كنت عاوزاك فيه يا جوزيف
 - إيه؟!، إتكلمى
 - خلي بالك من نفسك يا جوزيف، إنت الإنسان اللى أنا حبيته،
 إنت الإنسان اللى بعث كل حاجه علشانه، وإنت كمان عملت
 علشانى حجات كتيره أوي
 - إيه مناسبة الكلام ده يا دميانه؟
 - مش عارفه يا جوزيف، مش عارفه، بس أنا بقلك اللى المفروض
 تعمله
 رد جوزيف فى تعجب:
 - أكيد فيه سبب للكلام ده يا دميانه، أنا أول مره أشوفك كده..
 طول عمرى أشوفك بتضحكي وتهزرى ولو فى أصعب الأوقات، مالك
 يا دميانه..مالك..إحكيلى على اللى جواكى
 - مش عارفه يا جوزيف، والله ما عارفه، كل اللى أعرفه إن محدش
 ضامن ظروفه، محدش ضامن يعيش ولالا
 - مش سبب مقنع يا دميانه
 - جوزيف، متحملنيش أكبر من طاقتي لو سمحت
 ثم دخلت دميانه غرفتها، وقد كان جوزيف يتتبعها بنظراته
 متعجباً.
 فجأة، رن الهاتف ، أمسكه جوزيف فوجد الرقم مجهولاً، لم يرد أول

مره لکنه رن اکثر من مره حتى قام چوزيف بالرد عليه

- ألو

- أيوه يا چوزيف

- مين معايا

- أنا هانى يا چوزيف

- يااااااه هانى، وحشتني والله العظيم، فينك يابني مسألئت من

زمان

- معلش بقا الظروف يا چوزيف بس اللى ف القلب ف القلب

- المهم إنت عامل إيه يا حبيبي

- مش كويس خالص يا چوزيف، مش كويس

- ليه بس بتقول كده يا هانى!!!

- الشركه اللى كنت بشتغل فيها أفلست، ومش لاقى شغل تانى..و

فرنسا نزلت قوانين جديده بتضر الجاليه المصريه

- وهتعمل إيه يا هانى؟!

- مقداميش حل غير إني أنزل مصر

- راجع نفسك كويس يا هانى قبل متاخذ القرار ده

- راجعت نفسي وحجرت كمان، أنا جى على طيارة بكره الساعه

١٠ بليل

- خلاص تعالا يا هانى، تعالا واقعد معايا فى الشقه هنا

- شكراً يا چوزيف ، أنا هنزل أقعد معاك أسبوعين بس على ما

أهلى يكونو جهزوا حالهم ويتصرفو فى قرشين نشترى بيهم شقه لما

نيجي مصر

- تشرف يا هانى، إنت أخويا

- طيب، على معادنا بكره يا چوزيف

- أكيد طبعاً، هجيك أقبالك
- طيب يا جوزيف مع السلامه، لينا مكالمه ثانيه هقولك فيها على التفاصيل
- أوك يا هاني، منتظرک
- مع السلامه
- أغلق جوزيف الهاتف المحمول ووضع على الترابيزه التي أمامه ليلتقط أنفاسه مفكراً في أحزان دميانه وإذ بالهاتف يرن مرةً أخرى، لكن تلك المره كان المتصل معلوم، محمد مدير شؤون الموظفين بالقناه
- ألو
- أيوه، إزيك يا أستاذ محمد أبارك إيه
- كويس يا جوزيف، كويس
- بقولك يا أستاذ محمد، أنا عاوزك تطلعلى أجازه يومين علشان رايح بكرة أقبال واحد صحبي جى من فرنسا
- معدتش تيجي الشغل يا جوزيف
- إنت ليه بتقول كده، إيه سبب طردي؟
- بإختصار شديد ومن غير لف ودوران، الشركه دي بتاعة محسن الأسناوي اللى كان شريك أبوك في فرنسا، وأفلسه
- إنت ازاي بتقول كده، وعرفت منين الكلام ده
- عمتماً أنا حبيت أعمل خير وأعرفك اللى هما ناويين لك عليه، يا إما هيقتلوك قبل متكتشف ده، يا إما هيقتلونى أنا علشان بلغتك،
- يا إما هيقتلوننا إحنا الإثنين
- انت متأكد من الكلام ده يا محمد
- متأكد بنسبة مليون ف الميه، أحمد رفعت كمان هو اللى بلغه

بيك، أحمد رفعت ده دراعه اليمين والكلب بتاعه علشان قرشين
 يرميهم ليه، سمعت كل حاجه كانوا بيقولوها عليك، حبيت أبلغك
 قبل متحصل جريمه، يا إما تطلع من الشغل يا إما تاخذ حقك،
 بس أنا كده مهمتى خلصت معاك..مع السلامة
 ظل چوزيف محققاً العينين مفتوح الفم لفته طويله دون أن
 يتكلم، لم يصدق چوزيف ما سمعه من محمد إلا أنه تذكر الأفعال
 والنظرات الغريبه من كلاً من أحمد ومحسن، فلم يمتلك إلا التأكد
 من هذا الكلام، وعدم إخبار دميانه..بل قرر فقط إخبار هاني
 عند وصوله طامحاً في مساعدته

----------*

دقت أجراس مرددة صداها لتعلن عن موعد بدء صلاة الليل،
 رفعو كؤوس الدم، وجثث الأطفال والحيوانات تتحرك من حولهم
 لثمهد لأرواحهم الخروج.
 وقف الكاهن أمامهم مغمضاً عينيه في ثبات قائلاً: أبانا وإلهنا
 لوسيفر هيو سوفوروس، نحن التابعين المختارين لملكوتك، ولـ « ميتر
 » ولـ « ديونيسوس » تجلى ضوء شمسهم في الخامس والعشرون
 من كانون الأول وماتا لمغفرة الخطايا، خمسة عشر خادم وخادمه
 يصلون لك وجيشاً من العباد
 نفعل ما نؤمر خاضعين، لبعل قرابين دم الغزال والأطفال، ينور نهر
 الفرات والنيل ومن سباً..

لا نسخر الجن، بل نحن من سُخرنا لخدمتك يا حامل النور
 تجليت، ليكتمل الهرم، وليهبط في أيلول معلناً عن قبول قربان
 التعبد، في أرض مجوفه لها مدخل عند القُطبين، لبعده كون مواز،
 ليقبل قبول قبالة قرابين التعبد، لقبول تقديس مخلوقات الطين

لمخلوقات الطين، ليقبل إكمال أعراف النهايه، ليقبل موجة القبض
على الجمر، ليقبل تقسيم دولهم، وتقسيمهم فيما بينهم حسب
لونهم، ودينهم، وأسماء عوائلهم، وإضطهاد من أسفل منهم في
المثلث، وتعنيف أقلياتهم الجنسيه، ليقبل تخبطهم، ومن يحارب
ترصد كما لعن « فيليب » للأبدية..

ليؤجرنا الدينونه، ليؤجرنا الدينونه، ليؤجرنا الدينونه
أميين، أميين، أميين

الفا ومئه وستة عشر، إستباحه!

عودو إلى متعتكم، إشربو دمء من ظلمكم، قدسوا بافوميت،
واكسروا الصُلبان

-صباح الخير يا ماجد باشا

لم يرد ماجد على تحيته قائلاً له في إهتمام:

- مفيش جديد؟!

- فيه يا أفندم، العرييه اللى اتفجرت جنب الكنيسه كانت تاكسى
متبلغ عن اختفاؤه قبل كدا، قدرنا نتوصل للنمر بعد تجميعها
وترميمها، النمر كانت (ل،س،ك ٣٢٣)

- ألو

- أيوه يا سحر

- أيوه يا سميه، سُفتي الرساله ولا لسه

- سُفتها، وعرفت هنعمل إيه كمان

- هو الموضوع ده مش هيخلص بقا

- قربنا خالص يا سحر، إوعي تتنازلي بس
 - أنا معاكي أهه
 - صفاء هتروح بكره للحنوتي، هتتابعيها، هي هتروح مشي، مشي
 وراها لحد متوصل لعبده، عبده دا بياخد الأعمال ويدفنها مع
 الميتين بعد ميحطها في بُقهم
 - بس أنا مش هشوفهم
 - بس هتعرفي لما تلاقيها خارجه
 - ماشي وبعدين
 - تتصرفي بسرعه قبل متخرج وتروحي لأهل الميت اللى هيكونو
 عند القبر، وتخليهم يدخلو يشوفوه وهو بيغسل الجثه
 - تمام وبعدين
 - وكده مش هيعرفوا يدفنوا العمل وصفاء هترجع بيه..لو رجعت
 بيه هقلك هتعملي إيه، وأوعدك..دي هتكون آخر حاجه هتعملها..
 -حاضر يا سُميه
 -مع السلامه، وخلي بالك من نفسك

----------*

- بس أحسن حاجه يا رفعت يا حبيبي إنك دلوقتي معايا
 - هو فيه حد أحلى وأجمل منك يا أحلى نبيله
 - مش هترجع لصفاء تاني يا حبيبي؟!
 - بلا صفاء بلا قرف، شوفنا إيه منها غير المشاكل والههم
 كان رفعت يجلس على الأريكه وفي يده كأس الخمر، لم يشعر بنفسه
 إلا وهو يُضرب بفازا على رأسه سامعاً كلمه واحده تكررهما نبيله:
 أنا هوديك ليها
 حتي لم يبقى جزء في وجهه إلا وغمره الدم، قامت نبيله بقطع

رأسه ولفت جسمه بملاءة سرير ووضعتة في إحدي الشكاثر ونزلت من الشقه لتجد سيارة تنتظرها ثم خرج منها شخص له ملامح سوداء، وتملاً وجهه العلامات، بدأت معه الكلام قائله:

- ايه يا « عزمي » كل ده تأخير؟!
- معلشي يا ابله كان ورانا مصالح تانيه
- ماشي، هتاخذ الجثه دي وتحطها ف شقة صفاء انت اكيد عارفها
- هو حد يتوه عن صفاء القادره برضه
- اوعى تحطها ف شقه تانيه لتودينا ف داهيه
- بس هحطها ازاى يا بلبله مش تفكري برضه صفاء ممكن تكون هناك ؟

- متقلقش يا عزمي، انا مظبطه كل حاجه، هتروح مش هتلاقي حد في الشقه خالص، اوعى بس تعمل انت اى مصيبه تكشفنا
- عيب يا ابله احنا مش تلاميذ برضه، بس يعني ولا مؤاخذه كدا هيطلعلى كام من الليله دي
- هي دي أول مره نشتغل فيها مع بعض يا عزمي عشان تسأل سؤال زي دا؟!، متخفش هتطلعلك بقرشين حلوين، خليك واثق فيا بس

- استعنا ع الشقي بالله
- وضع عزمي جثة رفعت في سيارته القديمه وانطلق بها نحو عمارة تامر قاصداً وضع الجثه في شقة صفاء..
- صعد عزمى لشقة صفاء، ثم قامت بركل الباب ففتح، قام بالدخول إلى غرفة صفاء ووضع جثة رفعت على السرير وبجانها رأسه. ونزل بسرعه من الشقه وغادر العمارة!

-انت اتجرات ازاي ياد تعمل الى عملته ده، اتجرات ازاي تبقا جاسوس، من حقك تخون فعلاً، العيب علينا إحنا الى خلناك مدير

- أنا مظلوم يا محسن باشا، سيبوني أبوس ايدكم

- مش هنسيبك غير لما تعترف بكل حاجه عملتها وقتلتها لچوزيف قالها أحمد في وحشيه تجاه محمد، فرد محمد طالباً السماح:

- أنا معمלתش حاجه، انا مظلوم

- سيبنى أقتله يا محسن باشا، الأشكال الوسخه دي ملهاش غير القتل

- اقتله يا أحمد.. اقتله

- وضع أحمد اصبعه على الزناد وقبل الضغط صرخ محمد باكياً قائلاً: هعترف بكل حاجه، أنا الى عرفته انكم الى كنتم شركاء أبوه، انا الى عرفته انكم الى أفلستو أبوه، أنا الى عرفته كل حاجه، أبوس ايدكم سيبوني أروح لعيالى

قال محسن في غضب وانفعال: إقتله يا أحمد، إقتله

وجه أحمد المسدس نحو محمد ثم ضغط على الزناد فأفرغ الطلقات في قلب محمد ليلقي حتمه بعد ما قاله من حقيقه وجه أحمد رأسه نحو محسن قائلاً: هنعمل إيه في چوزيف؟

- نفس الى حصل في محمد يحصل في چوزيف

- بس هو ممعاهوش أي أدله أو مستندات يا محسن باشا

- هيقلقنا، هيقلقنا يا أحمد ثم إقترب منه مكماً وإحنا الى يقلقنا نعدمه

- أمرك

ثم أخرج محسن ورقه من جيبه وأعطاها لأحمد في بء قائلاً: دا

عنوان جوزيف، تروح تخلص

- أمرك يا محسن باشا

ثم عاد كل منهما من حيث أتي.

فتح أحمد الورقه طامعاً في الثروه التى تنتظره بعد قتل جوزيف

ثم نظر فيها مندهشاً: « ده عنوان شقتنا، ازاي جوزيف ساكن في

نفس العماره في الدور الأول؟؟!!

-دميانه، أنا رايح أقابل هانى، خلي بالك من نفسك - حاضر يا

جوزيف، أنا هروح انام شويه لحد متيجي انت وهانى

- مع السلامه يا دميانه

خرج جوزيف من باب المنزل وركب سياره تنتظره لمقابلة صديقه

هانى، انطلقت السياره وبعدها بأقل من دقيقه جاءت سياره

أخري وقفت لبرهه أمام عمارة تامر نزل منها أحمد ودخل الى

عمارة تامر، صعد إلى شقة الدور الأول، كان الباب مفتوحاً دخل

ببطء شديد بعد إرتداء قفازاته وأخرج خنجرأ من جيبه ودخل

الى غرفة جوزيف..وجد جسمأ ملفوفأ بالغطاء كاملاً، إقترب منه في

بطء، أغمض نصف عينيه ممسكأ بالخنجر، ثم طعن الجسم ثلاثة

طعنات، حتى ملئت الدماء الفراش، شد الغطاء عن وجه الضحيه

ليجد الدماء ملأت جسد إمرأه ظهرت على وجهها ملامح البؤس،

وظهرت في عينيها المفتوحتين شرارة الإنتقام، خرج أحمد راكضأ الى

خارج الشقه، ركب السياره وإنطلق بها في ظروف غامضه

سار ثلاثة من إخوته بجوار قبره باكين: قل لن يصيبنا إلا ما كتب
 الله لنا، إنا لله وإنا إليه راجعون
 جرت سحر نحوهم قائلةً: متسيبوهوش مع الراجل ده لوحده،
 إدخالو معاه وهو بيغسله
 رد أحدهم متعجباً: إنتي مين وعايزه إيه
 - رحو مع ميتكم، متسيبوش عبديو يغسله لوحده، الراجل ده
 بيعمل حجات مش كويسه في الميتين، بيعمل سحر وحجات كتير
 تانه
 - يالهووتي، سحر، إجري ياد يا محمود اقف جمب عمك
 - حاضر يابا

----------*

دخل تامر الشقه فوجد زوجته نوال تجلس على إحدي المقاعد
 وأمامها إبتنهما جني نائمة و ممددة قدميها على ركبة والدتها
 أما والدتها فقد أدارت وجهها عن الباب، وكانت تمسكك في يدها
 سكيناً، إنهار تامر عند رؤيته للموقف وأسرع نحو زوجته، شد
 السكين من يديها قائلاً: حرام عليكي، إنتي ليه بتعملي فينا كده
 وقفت نوال ثم نظرت له في هدوء قائلة: إيه يا تامر، سيبنى
 أدبها يا تامر، سيبنى أدبها
 صرخ تامر في وجهها قائلاً: تدبجي مين دى بنتك، دى بنتك الوحيده
 يا مجنونه
 ضحكت نوال بصوت عال ثم دخلت إلى غرفتها وأغلقت الباب
 خلفها
 احتضن تامر إبنته الصغيره ثم ذهب نحو غرفتها في بطء، نظر
 من ثقب في الباب، كانت نوال في حالة هدوء في فراشها، وفجأةً

ظلت ترتفع لأعلى أكثر فأكثر حتي غابت عن أنظار تامر، إبتعد تامر عن الغرفه بعدما أطفأت جميع أنوار الشقه، دخل غرفه أخري وأغلقها لينام هو وإبنته بعيداً عن نوال في هذه الليله.

نزل چوزيف من السياره مرحباً بهانى قائلاً: أهلاً أهلاً ومرحباً بأخويا الغالى اللى واحشني، دي الشقه هتنور يا هانى رد هانى في فرحة غمرت وجهه:

- منوره باللى فيها يا چوزيف

- أنا بقا النهارده هوريك شقتنا، ولا فيلا فرنسا

قالها چوزيف مازحاً، ليرد هانى في هدوء:

- والله ما فارقه يا چوزيف فيلا من بادروم، المهم نكون مع بعض

دخل چوزيف الى داخل الشقه يتبعه هانى منادياً: دميانه، يا دميانه

ثم دخل چوزيف غرفتها ليجدها تغرق في بحر من الدماء، أصرح نحوها منهاراً: دميانه، يا دميانه، ردي عليا

جاء من خلفه هانى، رأي المنظر، أسرع نحو چوزيف، ثم حاول تهدئته لكنه إنهار هو الآخر أمام دموع چوزيف، ودماء دميانه

أسرعت سحر راکضةً نحو الشقه، ثم جلست على صخرة بالقرب من العماره ملتقطهً أنفاسها بعد جرى سريع لتجدها في وجهها:

كنتي بتعملي إيه هنا يا بت؟

- والله، والله يا ستي صفاء كنت أ..أ..أ.. نازله، نازله أشتري أكل

والفلوس وقعت مني

قالتها سحر في خوف لترد صفاء:

- إطلعي قدامي يلا يا حيوانه، دا انتى ليلتك سوده

صعدت سحر السُّلم بسرعه وتتبعها صفاء، وأثناء مرورها أمام

شقة الدور الأول سمعت بكاء حاد، ظلت تتبعها بأطراف أنظارها

بينما صفاء لم تهتم وفجأه، أُغلق باب الشقة بقوه.

دخلت سحر شقتهم، ووقفت بجوار الباب من الداخل خائفه،

مرت صفاء ثم جذبتها من شعرها موجهه اليها كلمات تهديد لو

كررت تلك ما حدث أو عصت أوامرها، ثم دخلت صفاء إلى غرفتها

لتجد جثة رفعت ورأسه على فراشها، أغمضت عينيها في الحال

لتجد صراخ حاد وبكاء وخوف من سحر وضعت يدها على فهمها

في غضب قائلة: صوتك مسمعهوش يا حيوانه، لو كلمه طلعت،

هعمل فيكي زي محصل فيه

إستيقظ مجدى من نومه بعد منتصف الليل ليسمع الصُراخ يعم

الشقة ولا يعرف مصدر الصوت، وأثناء قيامه من على الفراش

وجد بجانبه جثة متعفنه، أدرك أنها جثة زميلهم كريم الذي كان

ضحية السحر، فكر في إبلاغ الشرطه لكنه لم يمتلك الفرصه ليفعل

ذلك، وجد مجدى الجثة تتحرك ببطء شديد حتي جلست على

الفراش، لم يتمالك مجدى نفسه ولكنه قرر مواجهة مصيره، قام

بسرعه من على الفراش من الناحيه الأخرى

ونظر للجثة في رعب وهى تجلس على الفراش في ثبات، ثم بدأت

توجه وجهها نحوه رويداً رويداً حتى ثبتت

قال مجدى في رعب: كريم، أبوس إيدك يا كريم..سيبنى أعيش

أبوس إيديك، أنا معمלתلكش حاجه
 سمع مجدى صوت أجش يصدر مع تحرك فم الجثة: هتعيش يا
 مجدى، بس اللى حرق هيتحرق، واللى قتل هيتقتل، واللى سيل
 الدم هيسيل دمه، واللى أذى هيتأذى
 - مش فاهم حاجه يا كريم، مين اللى هيتحرق ومين اللى هيتأذى،
 أبوس إيدك سيبنى

سمع مجدى صوت ضحكات عاليه وتطاير الكثير من الخفافيش
 خارجةً من غرفته، خرج مجدى مسرعاً من الغرفه ولم يستطيع
 النوم في هذه الليله

استيقظ تامر في منتصف الليلة قبل الأخيره من صَفَرٍ، نظر حوله
 فلم يجد إبنته الصغيره جني بجواره، ظل يبحث عنها منادياً..
 فلم يجد أثراً لها، خرج مسرعاً من الغرفه ليفقد الوعى فجأةً في
 ظرف غامض

في الصباح الباكر، ببكاء حار.. شُيعت جنازة دميانه من الكنيسه
 المجاوره وسط حزن جوزيف وهانى وصخب الباقيين، عرف جوزيف
 أيضاً أن القسيس قد مات في حادث بعدما سأل عنه الشمامسه

بعد شُرب كأساً من الدم، وممارسة الفاحشه مع إحدى خادمت
 لوسيفر، إقترب الكاهن من خالد قائلاً: لقد إقترب موعد عوده
 لوسيفر، ليُسلم مكعب الراقصه، وليُتوج على البساط الشطرنجي
 فرد خالد في حماس:

- وهبت نفسى ودمى للوسيفر الأعظم، ليكتمل الهرم، وليُفرش
البُساط الشطرنجي، ويعود بافوميت، وتُمحي أسطورة المصلوب
المكذوب، ليُقلب الصليب ولتعم المتعه، ولتعم بركة لوسيفر.
- ومن فاعل هذا، نعيش في إضطهاد، نعيش في جوف الأرض لتتخفى
عن أنظارهم

- إنهم يعيشون في نكران حتي يحين الموعد، يفعلون ما نريدهم أن
يفعلوا، ويقرأون ما نريدهم أن يقرأوا، ويقولوا ما نريد أن يقولوا،
بركة ميثرا وليثيث وإيزيس، سيكتمل الهرم، وسوف نُكرم..
- الآن، الساعة الحادية عشر وإحدى عشرة دقيقة، الخادمه السادسة
تنتظرنا لتقديم قداسها

ثم ذهب كل من خالد والكاهن لتأدية قُداس الخادمه السادسة

- إنتي هتيجي معايا دلوقت

- هاجي معاكي فين

-هتيجى معايا عند الحانوتى ندفن رفعت وإوعي حد يسمع خبر

عن اللى حصل ده

- حاضر يا ستي بس والنبي متعمليليش حاجه

حدقت صفاء بعيناها في قسوه وجه سحر قائله: بلاش مياصه يا

بت، انزلي قدامي يالا وانا هجيبه واجي..وقفى أى حاجه تاخده

- تحت أمرك يا ست صفاء

نزلت صفاء مسرعه من السلم، قامت بالتلويح لإحدى السيارات

فوقفت منتظرة صفاء

نزلت صفاء بشنطة كبيرة الحجم قامت بتلوية جثة رفعت فيها،

ثم أسرع نحو الحانوتى.. وقفت عند المقابر وأمرت سحر أن

تنتظرها بالخارج

طرقت الكوخ الخشبي..

- تعالى يا ست صفاء

قالها عبده مُرحباً، ثم دخلت صفاء إلى الداخل بسرعه قائلةً:

- عبده، خد ادفلي الجثة دي في أي حتة

- جثة مين دي ياختي

قالها عبده في تعجب، ثم ردت صفاء:

- جثة رفعت طليقي، اللي قتله جابهولى البيت يا عبده وخفت

أنتهم فيها

- سهله يا ست صفاء، هدفنهاك مع جثة لسه مدفونه امبارح

- طب يا عبده، عملت إيه في العمل اللي كنت ادتهولك، متدفنوش

بقا

- أنا معرفتش أدفنه، لقيت الناس صحاب الميت داخلين عليا

وواقفين جنبى وأنا بغسله

- متدفنوش، معادش ليه لزوم كده..

- هو كان للمرحوم؟

أومأت صفاء برأسها معبرةً عن الإجابة « نعم »

ثم أتبع الحانوتي: خلاص يا ست صفاء، إتوكلى على الله، ورؤحي

قبل م حد غريب يجي، وامسكي العمل أهه، احرقيه قبل متدفنيه

- حاضر يا عبده، تسلم..مع السلامه

- مع السلامه يا ست صفاء

----------*

بعد ليلتان من فراق دميانه..

جلس جوزيف وبجواره هاني في ظلام الشقة ناعين دميانه
بدموعهم.

قال هاني مهداً جوزيف: معلش يا جوزيف، والله أنا اتصدمت
زيك بالظبط، دي بريئة.. عملت فيهم إيه الكفره عشان يعملو فيها
كده

رد جوزيف باكياً: ماذيتش حد يا هاني.. عاشت في حالها.. وماتت في
حالها، بس هي كانت حاسه بكده

- ياريتنا نعرف مين اللي قتلها يا جوزيف

- أنا عارف، عارف يا هاني.. اللي قتلوها هما شركاء أبويا اللي مات
ومسبليش خير ولا مادي ولا معنوي.. مات وسابلي لعنه في شقتي..
كبتت عنها دميانه في يومياتها قبل متموت، اللي قتلوها أحمد ابن
رفعت عبدالمجيد.. أمه ساكنه فوقنا في الدور الثاني، ومحسن وده
الراس الكبيره اللي بتوجهه وهو اللي كان مشارك أبويا

- وهما هيقتلو دميانه ليه يا جوزيف.. ذنبها إيه

- ذنبها انها مراقي، جم عشان يقتلها لما عرفوا إن أنا إكتشفت
إنهم اللي أفلسوا أبويا بالصدفه من واحد شغال معانا اسمو
محمد، وزمانهم قتلوه دلوقت، قتلوه عشان قال كلمة حق..
- كمل، كمل

قالها هاني في إهتمام، ليرد جوزيف:

- وأنا دلوقت هدور عليهم، وأقتلهم قدام كل الناس في الشركه،
واتسجن وأخذ إعدام علشان أرتاح من قرف الدنيا بعد دميانه
- جوزيف، إنت لازم تهدي شويه

- إهدى ازاي يا هاني، انت لو حسيت بالنار اللي في قلبي يا هاني،

مش هتعيش لحظه..

- جوزيف، أنا هنزل أجييلك حاجه تاكلها، إنت مكالتش من

يومين، خلى بالك من نفسك..

- مليش نفس لحاجه يا هانى..ريِّح نفسك

ثم قام هانى، وفتح الباب ليُحضر طعاماً لجوزيف رغم رفضه..

أغلق الباب من هنا وفجأة وجد جوزيف الباب يطرق مرةً أخرى،

كانت الدموع فى عينيه لم تجف بعد، ولكنه أجبر على جر قدميه

نحو الباب ليفتحه ويرى من الطارق.. دخل الطارق إلى داخل

الشقه فور فتح الباب قائلاً: شكلك كنت بتحبها!

- إنت مين؟!، وعاوز مني إيه؟!

- هتعرف أنا مين، وعاوز منك إيه، بس قبل ده لازم تعرف إني

جايلك علشان أقلك إن مهمتنا واحده، ووجودنا جنب بعض

هيفرق كثير

- أنا مش فاهم حاجه، عرفني انت مين

- هتعرف كل حاجه، بس جاوب على سؤالي الأول..كنت بتحب

دميانه؟

- بحبها؟!، دي أقل حاجه ممكن تتقال، ضحكتها مفارقتنيش،

تشجيعها ليا فى أصعب الظروف، أنا من غيرها ولا حاجه، ولا صفر

عالشمال..دى اللى باعت الدنيا علشانى، سابت المكان اللى اتربت

فيه وسابت الغنى والعز ورجت ورايا، وبعد ده كلو بتسألني

بحبها؟، دميانه كانت روحى، وأنا دلوقت عايش جسد بدون روح

- طب تفتكر هى ميته مرتاحه دلوقت؟!

- لا، مش هترتاح غير لما أخذ حقها وأسيل دم اللى سيل دمها

- طب انت تعرف مكانه؟!

- أنا لو أعرف مكانه كنت أكلته بسناني..الجبان هرب وفاكر إنه
هيسلم منى، مش هسييه إلا لما أقطعه حتت بسناني
- لا مش هتقدر، ريح نفسك...

نظر چوزيف له فى غضب ثم أتبع الآخر كلامه قائلاً: مش هتقدر،
طول مانت لوحدهك مش هتقدر، إنت مبالكش هنا كام شهر،
متعرفش حد.. أخرك عمك تامر، إنت متعرفش قد إيه كانت
دميانه طيبه و بنت ناس ومسيحيه صالحه، وتستهامل التضحيه
- إنت تعرفها منين؟!

- أعرفها كويس جداً، انت اتأذيت نفس أذيتى، واحنا لازم نتسند
على بعض لحد محقنا يرجع يا چوزيف..

صرخ چوزيف فى وجهه قائلاً: انت انسان ولا شيطان ولا إيه؟!، انت
مين وعرفت دميانه منين، انا هقتلك، انت اللى قتلت دميانه،
انت السبب

قالها چوزيف منهاراً ماسكاً فى ياقته

- اهدا بس يا چوزيف وفكر كويس فى كلامي اللى هقولهولك
- انا أول مره أشوفك، وجى ليا فى أصعب ظروفى وطالب منى إنى
أسمعك كإننا نعرف بعض من سنين..حسوا بينا بقا، إحنا اللى
إتظلمنا فى دنيا كانت ضحكالنا فى الأول..إحنا اللى شفنا الذل بعد
النعيم

- مش لازم تكون عارفينى قبل كده يا چوزيف، هما ربنا شافوه
ولا عرفوه بالعقل؟!

- مشافوهوش، ولا عرفوه بالعقل..عرفوه بالوراثه، أنا أبويا مسلم
لازم أكون مسلم، مسيحي لازم أكون مسيحي هندوسى لازم أكون
هندوسى، ربنا لو شافوه كانو هيحترموا قوانينه لما هيعرفو قوته

وجبروته من مظهره وجلاله وعظمته، ولو عرفوه بالعقل كانوا هيتأكدوا إنه مش عاوز الظلم ولا الخراب ولا الدم، مش عاوز الظلم ينتشر ولا الدم يسيل، عايزنا نعيش في سلام وأمان وتأخي.. ودا اللي مش موجود، مش موجود غير الظلم..الظلم بس، كل نفس فيها ذرة خير قصاها أطنان من الشر، الحياه وحشه، ودميانه مرتاحه دلوقتي، لإنها عند العادل اللي مبيرضيش بالدم، ومبيرضيش بالظلم..مبيرضيش بالدم، ومبيرضيش بالظلم، وقتها جلس چوزيف على ركبتيه باكياً إقترب منه وربت على كتفيه قائلاً: أنا ربنا بعنتى ليك يا چوزيف، كل كلامك صح وحسيت بيه..دميانه روحها عايشه ومعاك ومش هتفارقك أبداً، وهنجيب حقها وحق غيرها سوا..

وقفت أمام كل من خالد والكاهن وجميع عباد لوسيفر وخدامه قائلةً: إنها الحادية عشر وإحدى عشرة دقيقة بتوقيت الأرض السوداء، أرض الهرم الأكبر المقدس، بعين حورس أمين، الخادمه السادسه تحييكم..

أشعر به في جسدي، إنه حامل النور.. من تحت الأرض إقتربوا منه من يعشق الليل وعتمته القمرية..اقتربوا منه من يُفضلون الوحده عن أتباع قطيعهم ومن الصمت إتخذوا بين جموع بني الطين، والتحدث فقط مع أنفسهم..إقتربوا منه من يتجنبون التجمعات العائليه، ملاذهم نفسهم وصديقهم، وصلواتهم لا تصل..اقتربوا منه هو معكم دائماً هو وخدمه، في زوايا دياركم.. من تقف أمام أقوالهم، وتتعجب لأي عقيدة، ودين ينتمون..اقتربوا

منه

من يهتمون بأمور تتخطي طبيعة الفيزياء، وتغير مسري الكون
بأمر سيدي حامل النور..اقتربوا منه
من لا يغلب عليهم النوم حتي تشرق شمس نوره طاووس الضياء..
اقتربوا منه

من اسألتهم تتخطي حدود العلم بالكيفيه واللامحدوديه عدداً..
اقتربوا منه فليديه الإجابيه والخلص
فأنتم هم نحن..

لكن نحن وجدنا الإجابات عدا إجابات الدرجات الثلاثة وثلاثون
كُلها

أنتم من تحت الأرض..وجئتم فوقها صدفة!

عودو اليه..إقتربوا منه

من أيقن هذا الكلام..

فإنه ينتظرك، كلن بإسمه

ينظر لكم بأعين اليقين، وحورس من صومعة الوادي المقدس
وأسفار التطهير...

ليؤجرنا الدينونه، ليؤجرنا الدينونه، ليؤجرنا الدينونه...

أميين

هتف جميع الموجودين: أميين، أميين

ربت الكاهن على كتف خالد ثم أخذه جانباً قائلاً له: نريد أن
نكافئك على مجهودك..

لقد ساعدتنا كثيراً في الانتقام من عبدة الصليب

نريد مكافئتك على تفجير كنيسة آخر الحي، وقتل المسيحيه التي
تعيش في عمارتكم ، وقلب صُلبان ديارها،نحن مديونون لك

- الكنيسه اللي في آخر الحي

- إتفجرت يا خالد

وقف خالد على سريره في المستشفى قائلاً بصوت عال: أعترف..أنا السبب في كل الجرائم دي..أنا اللي قتلت كريم، وأنا اللي فجرت الكنيسه بعد مخطف التاكسي، وأنا اللي قتلت دميانه

- أبوس إيدك يا خالد إهدى، علشان خاطري

- مش ههدى، لازم كلهم يعرفوا إني قاتل وأستاهل الإعدام..أنا قاتل وأستاهل الإعدام

ثم قفز خالد صارخاً وجري بسرعه نحو خارج الغرفه، وجري وراءه مجدى بسرعه..خرج خالد من خارج المستشفى وأكمل في جريه ومجدى وراءه يحاول إيقافه حتي إقتربا من عمارة تامر، وقف مجدى للحظات يستنشق بعض الهواء بينما خالد لم يتعب من الجري، صعد الدور الثالث وركل باب شقتهما بقدمه ثم دخلها صارخاً: مش هخاف منكووو، مش هخاف من لوسيفر ولا ناصور ولا بافوميت..مش هخاف من الشياطين ولا من الجن، كلكم تفاهات ومتقدروش تعملو حاجه..فين الكتاب التافه اللي ملوش أى قيمه ها، فيبييين

قام خالد بتكسير كل ما قابله بحثاً عن كتاب شمس المعارف حتي حصل عليه..نظر له ضاحكاً ضحكات عاليه ثم أحضر علبة الثقاب وقام بإضرام النيران فيه، وضحكات خالد في إزدياد جنوني، حتي أضرمت النيران حول خالد لتأكل كل ما يحيط به

وصل مجدى لباب الشقه..رأى المنظر الذي تمنى ولو ينقذ صديقه منه..جُذب خالد من ظهره لإحدي الحوائط وظلت رأسه تصطدم إصطداماً حاداً في الحائط أكثر فأكثر حتي غطتها الدماء

ووقع أرضاً، ثم ازدادت النيران في شقة الدور الثالث، لِيُنقذ مجدى نفسه ويهرب الى أسفل العماره طالباً النجده من أهل المنطقه، الذى لم يهتموا له حتى انفجرت الشقه بكل ما فيها

- يا ماجد باشا إلحقنا يا ماجد باشا
تعالّت أصوات أهالى العماره المجاوره والماره من شارعها ليرد ماجد في توتر: لو سمحتم يا جماعه إهدوا، أنا مش فاهم حاجه..
قال مجدى صارخاً: شفت صاحبى بي موت قدام عينى ومقدرتش أعمله حاجه

وقال أحد الماره: أنا سواق يابيه، عديت في مره من الشارع وطلعتى أبويا المتوفى من الشارع ده، إلحقنا يا بيه
ثم قالت إحدى ساكنات العماره التاليه: بلاط العماره كله مرسوم عليه اتنين ستات شكلهم غريب اسود في اسود ماسكين في ايد بعض، إحنا هنموت..دا غير الحرايق اللى بتتكرر في العماره اللى جنبنا كل ليله ومش بنعرف نطفئها

- خلاص يا جماعه، إهدوا أمانه عليكم..هنحل المشكله بإذن الله
قالها ماجد في هدوء، ثم قام بإجراء مكالمه هاتفية لم يُعرف مفادها

سمع صوت صراخ عال جعله يستيقظ من إغماء الطويل، نظر على ساعة الحائط الرقميه المعلقة أمامه وجدها ثابتة على السادسة وست دقائق وستة ثوان، وفجأة..تم تشغيل إذاعة الراديو وحدها على المحطة ستة وستون فاصل ستة..
ليجد إبنته الصغيره ترسم على الحائط العدد ستمائة وستة وستون

« ٦٦٦ » جري نحوها قائلاً: جني حبيبتى، انتى بتعملى ايه

نظرت لأبيها ضاحكةً ثم قالت: برسم يابابا، برسم

تركها والدها وركض نحو الباب ليعرف سبب الصراخ، ليجد الوضع هادئاً.. كانت الليله تقترب من الثالثة صباحاً نزل الى أسفل بسرعه، وجد دخاناً يخرج من شقة الدور الثالث، دخل الشقه فلم يجد سوي فحم يملأؤها ودخان خانق، الأمر الذي جعله يخرج بسرعه ليجد الساحر في وجهه يمسك شمعه في يده، صرخ في وجهه قائلاً:

- إلحقنا يا أبو داوود، كل يوم قتيل عندنا.. كل يوم حرايق ونار..

- القمر محاق يا تامر.. الدليل ظهر

- الساعه فوق ثابتة على سته وست دقائق وست ثوانى، بنتى بتكتب عالحيط ستميه سته وستين والراديو شغال موسيقي غريبه على محطة رقمها سته وستين وستة من عشره.. أعمل إيه إلحقنا

يا أبو داوود

أغمض الساحر عيناه وقام برش القليل من الرمال قائلاً:

- السر فى الدور الأول يا تامر

- ماله، ماله الدور الأول

- اللعنه فيه، وعلشان تزول، لازم نطرد الشياطين الى فيها

ثم تحرك نحو أسفل ونزل خلفه تامر.. وجد شقة الدور الأول مفتوحه.. دخلا فى هدوء، كانت لا تنير لهم إلا الشمعه.. دخل أبو داوود إحدي الغرف المظلمه وخلفه تامر حتى وقف فيها، قام بشد السجاد ليجد مخبأً مغلقاً مخفياً تحت السجاد، فتحه الساحر ونزل على السلم وتبعه تامر حتى إستقرا كلاً منهما على الأرض.. ثم

توجه برأسه لتامر قائلاً: طبعاً إنت عارف المكان ده

- عارفه، دي مكتبة أبويا القديمه

- عارف كمان إن أبوك كان ساحر

- عارف

- أبوك لما مات، مات بسبب جن كان أذاه وهو حرقه..الجن ده سكن العماره بعده، حتي بعد مورثتها إنت.

- إنقذنا منه يا أبو داوود، إطرده

وضع الساحر الشمعه على الأرض ثم بعثر جميع الكتاب الموجوده وأغمض عينيه مخرجاً كيس ملح من جيبه و رش منه على الأرض قائلاً:

إنتوا مين وعاوزين إيه؟!

لم يحدث أي شئ في المره الأولى فكررها الساحر:

إنتوا مين وعاوزين إيه؟!

أطفأت الشمعه فترجع تامر للخلف قليلاً ثم بدأ الساحر بقول: إخرجوا شياطين الجن، لم يعد لكم هنا مكان : بسم الله الرحمن الرحيم

سمع كلاً منهما صراخاً وبدأت كل الأشياء حولهما تتساقط على عكس الكتب التى بدأت تتطاير حتي شعر تامر بفقدان الوعي ولكن الساحر كان متماسكاً أكثر ما يمكن..جلس تامر على الأرض خوفاً أن يسقط حتي وجداً كلاً منهما صوت الصراخ يزداد، أغلق تامر عيناه ليفتحها على منظر الدم الذي ملأ جسد الساحر، وينظر خلفه ليجده ممسكاً بالسكين...

استيقظ عبده في منتصف الليل جالساً على فراشه الأرضي ليجد الباب يطرق بعنف..

دُعر عبده، ثم قام خائفاً ليفتح الباب ولم يجد أحداً، وجد نفسه

في الهواء مبتعداً عن كوخه ليجد رأسه تنزف دماً بعد اصطدامه بمقبره في وسط المقابر، عجز عن التحرك، ليجد ثعابين تملأ الأرض من حوله وبدأت تلتف عليه حتي وصلت رقبتة وغمرت جسده بأكمله، ثم وجد حوله عظام العديد من الجثث التي بدأت في التجمع لتكون أجساداً تتحدث بلغات غير مفهومه صرخ عبده بصوت عالٍ ليجد أحد الجثث تتحدث بلغه مفهومه: « نفذ الأوامر » ليغمي عليه في الحال.....

استيقظ عبده من إغماءه ليجد نفسه في المقابر، ولا يوجد أي شيء حوله، هرب جازياً إلى كوخه وأغلق باب المنزل في خوف..ثم دخل إلى غرفته فوجده يجلس على فراشه.. إستدار اليه في بطاء قالاً:
نفذ الأوامر

- إنت مين، انت مين وعاوز مني ايه

قالها عبده في رعب، ليرد:

- أنا كل اللى انت ظلمتهم، وتعديت حرمتهم، اعتبرني كل الجثث، كل الجثث دي..وجى أحاسبك على كل شر عملته وكل أذي ساهمت فيه، يا إما أقتلك، يا إما تنفذ الأوامر

- أنا مأذيتش حد، إنت عاوز مني إيه..انت مين

وأوامر إيه اللى إنت عاوزني أنفذها?!!

- هو أمر واحد بس، هتحفر على قبر رفعت، وتجبلي جثته، وراسه

- موافق، بس أوعديني إنك تسيبني في حالي

- أوعدك إني هسيبك في حالك خالص

مشيا سوياً نحو قبر رفعت وكان عبده ينظر إليه في خوف..بدأ الحفر على جثة رفعت حتي وصل إليها، أخرج الجثة التي كانت قد تعفنت، ثم ألقاها أرضاً..وخرج نصفه من الحفرة ثم قال له:

أنا كده أنهيت مهمتي

- لا لسا منتهتش، ثم قام بركله فوقح في الحفرة، بعدها مسك الحفار وقام بردم الحفرة حتي غطاها ومات الحانوتي موؤدًا، رغم مقاوماته

استقبل هاتفها رسالةً نصيه كان محتواها: « سحر، العمل اللى صفاء رجعت بيه ده، مترميهوش..ولا تسيبيه يتحرق قبل ميندفن، العمل ده مش لرفعت، دا لصفاء، هاتي صوره ليها وحطيتها بدل صوره رفعت اللى في القفل، وقابليني في ليله ضلمه تحت عمارتكو هاخده »

شعرت سحر بالخوف والقلق، أحست أنها المهمه الأصعب في كل مهماتها..فكيف تتجسس على صفاء وتبحث في مشتملاتها، وتغير الصوره الموضوعه بين فكي القفل!!

وقتها في الحال.. خرجت صفاء من غرفتها قائله لسحر: أنا نازله يا سحر، سلام..

كانت يد صفاء فارغه، الأمر الذي أعطي لها فرصة الدخول الى الغرفه والبحث فيها، دخلت سحر بسرعه إلى غرفتها فور خروجها، ظلت تبحث عن العمل السحري في كل أركان الغرفه حتي وجدته تحت سريرها، أخذته بسرعه و قطعت الكيس الأسود الذي كان يحفظه.. أرسلت رساله لسميه قائله: « أنا لقيت العمل وهغير الصوره يا سمييه بس ههرب المرادي من شقة صفاء، ومعدتش هرجعلها تاني، شوفيلي مكان معاكى»

غيرت سحر صوره رفعت واستبدلتها بصفاء وأثناء خروجها من الغرفه..

- كنت عارفه انك كلبه وخاينه، وحاسه بكدّه من أول مجيتي

وجدت صفاء في وجهها لترد عليها في شر:

- إنتي إيّه، شيطان.. إنتي عايزه منّا إيّه، سيبينا في حالنا

- إنتي اتجرأتي تردّي عليا يا بنت الحرام؟

تغيرت ملامح سحر لملامح شيطانيه وتغير صوتها لصوت أجش
قائلة: مش لازم بنت الحرام تكون بنت زنا، بنت الحرام الحقيقيه
هى اللى تقتل وتنصب وتسرق وتسحر، بنت الحرام الحقيقيه هى
اللى بتأذي الناس

أمسكت صفاء شعر جاذبةً إيّاها قائلةً: هحرقك يا كلبه،
هحرقك ثم جرّتها صفاء الى الغرفه المظلمه وهى ضاحكه بصوتٍ
عالٍ غير متأثره أو خائفه ككل مره.. رمتها فيها ثم وقفت على
الباب تتحدث بصوت غير مفهوم وصوت ضحكات سحر في ازدياد
حتي ابتعدت عن الغرفه وأجرت مكالمه هاتفيه

- أيوه يا أحمد

- أيوه يا ماما

- تعالا خدني بسرعه، هنزج البلد يا أحمد

- ماشي يا ماما، أنا كمان عاوز أهرب، بقالي كام يوم برا الشغل

والشركه واقفه ومحسن طردني

- تعالالى بسرعه، أنا هلم هدموي وأستنك

- حاضر، مع السلامه، جايلك حالاً..

إنتهت المكالمه وبعدها بأقل من ساعه، كانت صفاء جاهزه و
ذهب أحمد لها، سعد الى أعلى بسرعه عندما وجد شقة جوزيف
مغلقة، أمسك حقائق ملابس صفاء في يديه.. ثم نظرت صفاء
للخلف قائلةً: إستني يا أحمد.. ورايا حاجه لازم أعملها

أحضرت صفاء جركن بنزين، دخلت الغرفة المظلمة لتجد سحر نائمةً، قامت برش البنزين في كل أجزاء الغرفة، لتخرج منها وترمي عود الثقاب، فتُضرم النيران في جميع أجزاء الغرفة..
أغلقت صفاء الغرفة ونزلت بسرعة الى أسفل هي وأحمد وإبنتها الصغيره نهى التي كانت في حالة من الدُعر، وأمام شقة جوزيف وجدا الباب يفتح، وجذبهما كلاً من هاني و جوزيف للداخل بعدما وضعوا مخدر على أنوفهما ففقدا الوعي لخمسمة دقائق..

- إنتوا مين، وعاوزين منا إيه
قالتها صفاء وهي تفتح عيناها فتجد كلاً من جوزيف وهاني وسميه والأخير يصطفون أمامها، بينما كانت مقيدة هي وأحمد وإبنتها وتامر صاحب العماره، وكانت جثة رفعت والساحر -
هاهاهاها، معقول مش فكراني يا صفاء
- صلاح!!
قالتها صفاء محمرة العينان حتى كادت تنزف دمًا ثم حاولت فك نفسها فلم تستطع، ليرد قائلاً
- أممممم، ذاكرتك حلوه، ذاكرة شياطين برضه هاهاهاهاهاها
ثم تقدمت سمييه خطوه قائلةً:
- مش عاوزه تعرفي مين نبيله عادل كمان مرات جوزك؟!
ثم مدت يدها اليمنى بسخريه قائله: أحب أعرفك بنفسي..نبيله،
أو سُميه زي مكنتي بتسمعي من سحر، هاهاهاها
ثم تقدم جوزيف في وحشيه قائلاً:
- إنت اللى قتلت مرااتي عشان قرشين ملهمش لازمه، إستفدت إيه يا كلب محسن لما تقتل إنسانه بريئة، عملتك إيه دميانه،

مكنتش عاوز ورث..ولا فلوس أبويا اللى نهبتوها، ولا كنت أعرف
 إنكو الظلمه المفترين القتله..قصاص دميانه هيرجع، ودلوقت...
 - غصب عنى يا چوزيف، واللّه العظيم قتلتها غصب عنى،
 سامحنى يا چوزيف أبوس إيدك
 قالها أحمد فى بكاء شديد

إقترب صلاح من الطفله نهى فى همس قائلاً: أما انتي يا حبيبتي،
 أنا عارف إنك ملكيش ذنب، بس لازم أوريهم الإحساس اللى
 حسيته زمان

ثم أدار وجهه وتحدث بصوت عال قائلاً: الإحساس اللى حسيته
 وأنا مبسوط بأسرتي، أم محترمه و بنتين وولدين لما يكبروا، هيبقوا
 دكاتره زي أبوهم..

بعد مطلقت الحربايه دي، اتجوزت ست محترمه..ست مبيت راجل،
 وقفت معايا كتير وإستحملتني كتير، لحد مجبت منها أربع أولاد
 كانوا كلهم أطفال، محمد وأحمد وسحر وسميه..الحربايه دي، أذت
 مراتي، وفي الأخر حرقت الشقه بولادي، شقة الدور الخامس، الدور
 الخامس يا تامر

الى انت كنت بتساعدھا فى خرابھا..

ثم نظر صلاح لكلاً من جثنى الساحر و رفعت قائلاً: كان نفسى
 تكونوا عايشين دلوقت وتحسوا اللى أنا حسيته، ساحر ملعون
 يبإذى الناس..وزوج وسخ ساعد عشيقته فى إنها تنتقم من ناس
 مأذوهمش...

فين بنتي يا صفاء؟، فين سحر إنطقي؟

- هاهاهاها، سحر..تعيش إنت، زمانها إتفحمت فوق
 سمعت سُميه هذه الكلمات لتُسرع الى شقة صفاء باكية، فتجد

النيران قد غمرتها، ولكن تجد سحر بكامل صحتها لم تُخدش ولكنها في حالة إغماء وإختناق

أخذتها سمييه محاولةً إفاقتها حتي فتحت عينها لتجد سُميه تحتضنها قائلةً: أختي حبيبتي، الحمد لله إنك بخير، الحمد والشكر لك يارب الحمد والشكر لك يارب، ثم سجدت سمييه شكراً لله لتجد كلاً من هاني وچوزيف يطمئنان عليها، طمأنتهم سُميه ثم عادا الى المخبأ السفلي في شقة الدور الأول متجاهلين النيران التي بدأت تزداد في الشقة وتخرج منها، أخذت سمييه سحر باكيةً ثم قابلها صلاح في بكاء محتضناً، فخاطبت سُميه صفاء قائلةً: ربنا نجاها، كويسه وبكامل صحتها، علشان نيتها سليمة، مش بتأذي ولا بتقتل ولا بتسحر يا شيطانه

قاطعها صلاح في شدة قائلاً: دلوقت..الى قتل هيتقتل، والى حرق هيتحرق، والى سيل الدم، هيسيل دمه..والى شارك في الأذيه.. هيتأذي

ثم أمسك صلاح جركن بنزين وقام برشه على أحمد وصفاء وبنتها وجثة رفعت وتامر وجثة الساحر، ثم أشعل عود الثقاب فعلت صرخاتهم في جو مكتوم، ظلت الطفله وأحمد يصرخا ويبيكان وهما يحترقا، بينما صفاء كانت تضحك ضحكات هيسيتيره، حتى ظهرت لها صورة إمرأه ذات شعر طويل تضحك هي الأخرى وكأنها سعيدة لأخذ نأرها، بينما ظهرت لأحمد دميانه وفي جسمها فجوة الثلاث طعنات مبتسمةً له، لتكن آخر من يراها

ثم أمسك چوزيف خنجراً وطعن به أحمد ثلاثة طعنات وسط النيرات التي أضرمت في جسده حتى شعر بمتعة إحتراق ذراعه، أخذاً بثأر دميانه، ومن ثم..

تُركت العماره حتي إحترقت بأكملها، حتي بمن كان فيها في شقة
الدور الرابع « نوال، وإبنتها »

----------*

- إنتي بنتي يا سحر، إنتى بنتى، وسميه دي أختك مش صاحبك
في الملجأ

- أومال إيه اللى ودانى لصفاء ورفعت يا بابا

- لما أمك الله يرحمها ماتت هى وإخواتك، سميها كانت بره الشقه
وربنا نجاهها، فضلت جنبى في المستشفى..عرفنا بعد أربع سنين إنك
عايشه وصفاء خدتك بعد خروجك على طول..في الفتره اللى قبل
متروحي معاها كانت سميها فهمتك إنها صحبتك الوحيده وإن
ملهاش غيرك ولا ليكي غيرها، صفاء كانت عارفه إنك بنتي وفضلت
متابعاكى لحد مخرجتى من الملجأ، علشان كده رفضت تخرجك
من عندها، و لما كنت عرفت انهم بيعذبوكى، روح أمك الله يرحمها
حرقت شقة الدور الخامس في الذكرى الخمستاشر من الحادثه،
وأنا رُحت خدتك من الشباك بتاع الأوضه الضلمه، والصبح رحى
وراكي بس مفهمتكيش إن أنا أبوكى..أنا أسف يا سحر، ظلمتك كثير
مع الأشرار دول، بس كان حق أمك وخواتك عندي بالدنيا كلها..
صفاء أنا كنت متجوزها قبل أمك، وبعد معرفت إن أبوها ساحر
وبيسخرها لخدمه شياطينه طلقتها..وجيت عشت عند تامر هنا، في
الدور الخامس..صفاء سحرت لأمك كثير وأذتها كثير وجنتتها، وكان
تامر يبساعدها في كده، والساحر كان بيعمل الأعمال دي لأمك..
أما عبده الحانوقى كان بيدفنها، وفي ليلة ٧/١٥ حرقت الشقه بيها
وبولادي..وإنتى الوحيده اللى نجيتي منها، زي منجيتي النهارده
عشان نيتك وبراءتك، كنت معاكى في كل ثاناه يا سحر، عملت

حجات كتير علشانك، أختك إتجوزت رفعت عرفي، وغيرنا إسمها في البطاقه لنبيله وهى اللى قتلت رفعت طمعانه في دمه علشان ترضي أمك الغلبانه..متزعليش مني، ظلمتك في إني سبتك معاهم، بس كان هدفي واحد ومغيرتوش من ساعة موتها، هو تار أمك الله يرحمها

- وأنا أزعل منك إزاي؟!، أنت أبويا اللى عشت في الدنيا بتمناه، وربنا كافئني بسنين الدُّل اللى عشتها بيك، أنا مش زعلانه أنا فرحانه وفخوره بيك بإنك أبويا
إحتضنها صلاح في عطف ثم قبلها باكياً

في الصباح الباكر، كانت المقابر ملجأ لزيارة ساكني العمارة الملعونه لذويهم

بكي مجدى بكاءً حاراً على قبر صديقه خالد قائلاً:

« إزيك يا خالد، عامل ايه..وحشتني، فاكر يا خالد يوم مقلتك السكه دي أخرتها وحشه؟!، فاكر يا خالد يوم مترجيتك إنك متفتحش الكتاب ده ولا تشوف اللى فيه، فضولك فادك بإيه يا خالد؟! وفادني بإيه يا خالد؟!..إنت مت، وأنا شفت أعز صحابي بيموت قدامي وأنا مش قادر أعمله حاجه، النهارده يوم التخرج بتاعنا، مش هروح الحفله، لإني ببساطه كان نفسي تكون معيا اليوم ده، هتوحشني يا خالد، هتوحشني أوي »

ثم غادر المقابر باكياً وخلفه كان صلاح وإبنتيه يقرأ الفاتحه لوالدتهم فتحدث صلاح باكياً: «حقك رجعلك يا ((ليلى)) أنا شايفك دلوقت قدام عيني مرتاحه، وسعيده، بعد معملت كل اللى قتللك عليه، وحشتيني أوي، إطمئني..سحر وُسْميه بخير وييسلمو

عليكي، وعانو علشانك كثير أوي، هتوحشينا كلنا»
وعلى الجانب الآخر عند مقابر المسيحيين وقف جوزيف باكياً:
« وحشتيني يا دميانه، كنتي جميله أوي وكلامك مبروحش من
بالى أبداً، أنا قرئت يومياتك، وعرفت قد إيه إنتي عانيتي من
غير متعرفيني حاجه..حقك رجح، واللى طعنك طعنته وحرقتة يا
دميانه، هتوحشيني أوي.. أذكريني عند عرش النعمه، مع السلامه»

- أنا همشي يا جوزيف، خلي بالك من نفسك إنت وهانى
قالها صلاح مرتدياً ملابس الخروج
- هتمشي تروح فين يا عم صلاح ؟
- أرض الله واسعه يا بنى، هروح أنا وبناتي أي حتة، بس مهمتى
هنا انتهت
- شكراً على وقوفك جنبي يا عم صلاح
قالها جوزيف فى إمتنان
- جوزيف، أنا عاوز أقولك حاجه
- أومرني يا عم صلاح
- أبوك، ميخائيل كيرلس كان صحبي مساباكش من غير ورث زي ما
انت فاكرو، أبوك لما لقي نفسه هيضيع ومشاريعه خسرت، بعلى
كل فلوسه من غير حتي مالمحامي يعرف، أبوك سابلك إثنين مليون
دولار معايا، كان عارف قد إيه أنا أمين معاه ومأمنش حد غيري
على الفلوس دي، وأقسم لك بالله متلمسوش
- إنت بتقول إيه يا عم صلاح
- زي مبقولك، هانى كان يعرف كل حاجه، حتى أنا خليتة يقولك
تيجي هنا بالذات، القسيس ((أبانوب)) كان صحبى، وخليته يجيبك

عمارة تامر ، وأنا الى حطيتلك الإعلان ده، أول معرفت إن قنائة محسن عاوزه ناس..وإنك في نفس الوقت بتدور على شغل قال جوزيف في غضب شديد: وإنت سبب مرممطي دي كلها، إنت سبب قتل حبيبة عمري -لا..

قالها صلاح ضاحكاً ثم أكمل: لا يا جوزيف، أبوك الله يرحمه قبل ميموت قلى كلمه ماراحتش من بالى أبداً: « قلى: أنا بدأتها من الصفر، وفي نفس الوقت مش عاوز أشرد إبنى يا صلاح، إديله الفلوس..بس بعد متعرف إنه عانى، بعد متعرف إنه راجل بجد، إنه إشتغل وتعب ويستاهلها فعلاً، وإعتبر وصيتي دي ليك، أكثر من الفلوس نفسها كمان..»

- وإنت يا هانى كنت عارف كل ده؟
قالها جوزيف لهانى في غضب، ليرد عليه في هدوء:
- مكنتش أقدر أتكلم يا جوزيف، سامحني
ثم نظر اليه صلاح في إبتسامه، وأخرج ورقةً من جيبه قائلاً:
إتفضل يا جوزيف..دا شيك بإثنين مليون دولار
ثم نظر جوزيف لهانى في تعجب قائلاً: دا بجد؟!، هنعمل إيه يا هانى؟

- هنسافر فرنسا يا جوزيف
وقتها جاءت كلاً من سحر وسميه بحقائب الملابس مناديتان والدهما: يلا يابابا
فنظر صلاح لكل من جوزيف وهانى قائلاً: خلو بالكم من بعض، علشان ملكوش غير بعض دلوقت، خلى بالك من نفسك يا جوزيف، يا ابن الغالى، هتوحشوني أوي، ثم سلم على كل منهما

وقبلهما وإبتسم لبنتيه واضعاً يديه على كتفيهما، ضامهما إلى صدره، مغادراً البلده..
وانتهت اللعنه...

شكر خاص،،،

لكل من ساندني وشجعني على الخوض في خيالي، لإنتاج الرواية..
 شكر خاص لأسرتي، لأبي وأمي الغاليين..
 لأخي العزيز وسندي ومشجعي الدائم..
 لأختي العزيزة التي كانت ومازالت فخراً لي..
 للفيلسوف والمعماري العبقرى الدكتور: طارق أبو النجا، علي
 تصحيح بعض الأخطاء والقصور في التفاصيل الدراميه
 للفنان خالد أبو النجا على مشاركته للروايه
 لصديقي وأخى العزيز: أحمد عُمر لصبره وإنتظاره للروايه منذ
 الإعلان عن الفكره
 صديقي وأخى العزيز: مينا ماجد، الذي كان عوناً لي في تصحيح
 بعض المعلومات عن شخصية
 « جوزيف »
 لكل أصدقائي الذين إنتظروا الروايه، وشجعوني على الدوام، دتمم
 عوناً وفخراً لي،

الحسابات الرسميہ للکاتب علی مواقع التواصل الإجتماعي

:Website

<http://www.aymanhamed.tk>

Facebook page: <https://www.facebook.com/Ayman0hamed>

:Facebook Account

<https://www.facebook.com/Ayman00hamed>

:Twitter

<https://www.twitter.com/Ayman0hamed>

:Instagram

<https://www.instagram.com/Ayman0hamed>

:Ask.Fm

<https://www.ask.fm/Ayman0hamed>

:SnapChat

<https://www.SnapChat.com/Ayman0hamed>